

王右丞集注

冊五

王右丞集卷之二十

仁和趙殿成松谷箋註

文讚七首

讚佛文

竊以真如妙宰具十方而無成涅槃至功滿四生而  
 不庶庶疑是廣字之訛故無邊大照不照得空有之深萬法偕行  
 無行為滿足之地惟茲化佛即具三身不捨凡夫本  
 無五蘊實藉津梁相法脫落塵容始于度門漸于空  
 舍然後金剛道後為三界太師玉毫光相得一生補  
 處左散騎常侍攝御史中丞崔公第十五娘子于多  
 劫來植眾德本以般若力生菩提家含哺則外輦羶  
 勝衣而斥珠翠教從半字便會聖言戲則剪花而為

佛事常侍公頃以入朝天闕上簡帝心雖功在于生  
人深辭拜命願賞延于愛女密啓出家白法宿修紫  
書方降卽令某月日敬對三世諸佛十方賢聖稽首  
合掌奉詔落髮久清三業素成菩薩之心新下雙鬢  
如見如來之頂綺襦方解樹神獻無價之衣香飯當  
消天王持衆寶之鉢惟娘子舍諸珍寶塗彼戒香在  
微塵中見億佛刹如獻珠頃具六神通頃顧本作須具顧本作  
作臭俱訛今校正伏  
願以度人設齋功德上奉皇帝聖壽無疆記椿樹以  
爲年土字無垠包蓮花而爲界又用莊嚴常侍公出  
爲法將入拜台臣身在百官之中心超十地之上夫  
人以文殊智本是法王在普賢心長爲佛母郎君娘  
子等住誠性爲孝順用□德爲道場將遍衆生之慈

迴同一子之想又願普同法界盡及有情共此勝因俱登聖果

**十方**

法苑珠林十方謂四方四維上下俗儒所說惟據此洲洲外有洲古今未說若依內典通窮無際橫亘十方傍羅異域今佛敎中娑婆忍土百億日月四重圍輪大千世界名一佛

土此猶據化佛釋迦如來所王之域故華嚴經云盧舍那佛報身如來所王之土復過是數盡十方界非凡所謀

**涅槃**

涅槃經涅槃亦名無生亦名彼岸魏書釋老志涅槃釋云滅度

或言常樂我淨明無遷謝及諸苦累也錦繡萬花谷梵語涅槃此云無為楞伽經云乃不生不死之地一切修行之所依歸佛說施燈文云願一切衆生皆得涅槃微妙光明至涅槃者乃有微妙光明

世人誤認以為死大非也

**無行**

菩薩瓔珞經云何有行無行諸法不生不滅無過去當來今現在是謂有行

**三身**

釋氏要覽三身一清淨法身二圓滿報身三變化身

**五蘊**

宗鏡錄五蘊蘊者藏也亦云五陰陰者覆也即蘊藏妄種覆蔽真心雜集論云蘊者積聚義又荷雜染擔故名為蘊如肩荷擔

大藏一覽大乘五蘊論云五蘊者謂色受想行識色蘊四大所成也受蘊領納苦樂不苦不樂三也

想蘊取種種境也行蘊諸心所法貪不息也識蘊于所緣境了別為性亦名心意採集所攝也錦繡

萬花谷五蘊謂色受想行識也色謂色身有形或黃或白是也受謂一切受苦受樂受用是也

**津梁**

世說嘗入佛圖見臥佛曰此子疲于津梁沈約內典序舟輿六趣津梁五道

**空舍**

維摩詰經畢竟空寂舍鳩摩羅什曰障蔽風雨莫過于舍滅除衆想莫妙于空亦能絕諸問難降伏魔怨猶密宇深重寇患自消亦云有非真要時復暫遊空為理宗以為常宅也

**塵容**

北山移文焚芟製而裂荷衣抗塵容而走俗狀

**度門**

楞伽經無量度門隨類普現

**金剛**

仁王經世尊導師金剛體心行寂滅轉法輪

**三界大師**

釋氏要覽佛稱三界大師者瑜伽論云能化導無量衆生令入寂滅又云摧滅邪穢

外道出現世界 故號大師 **玉毫光相** 華嚴經菩薩摩訶薩于兜率天下生之時從于眉間白毫相中放大光明名曰覺悟普照三千大千世界照彼宿世一切同行

菩薩身彼諸菩薩蒙光照己咸知菩薩將欲下 生各各出與無量供具諸菩薩所而為供養 **一生補處** 菩薩纏絡經菩薩初舉右足蹈地之時復作是念過去諸佛先

行是法當觀一生補處菩薩紹吾處者名號是誰法苑珠林須達問舍利弗言是六天何處最樂舍利弗言下三色染上二橋逸第四天中少欲知足恆有一生補處菩薩來生其中法訓不絕

**多劫** 隋書每佛滅度遺法相傳有正像末三等淳醜之異年歲遠近亦各不同末法以後衆生愚鈍無復佛教而業行轉惡年壽短促經數千百載間乃至朝生夕死然後有大水大火

大風之災一切除去之而更立生人又歸淳朴謂之小劫每一小劫則一佛出世法苑珠林夫劫者蓋是紀時之名猶年號耳華嚴經多劫在惡趣始得見聞汝 **植衆德**

**本** 維摩詰經時維摩詰即入三昧令此比丘自識宿命會于五百佛所植衆德本迴向阿耨多羅三藐三菩提 **般若** 翻譯名義般若法界次第

法皆不可得而能通達一切無闕名為智慧 **菩提** 翻譯名義菩提後代諸師皆譯為道以大論翻為佛道故僧肇維摩詰經註道之極者稱曰菩提秦無言以譯之菩提者蓋是

正覺無相之真智乎其道虛元妙絕常境聰者無以容其聽智者無以運其知辯者無以措其言像者無以狀其儀故其為道也微妙無相不可為有用之彌勤不可為無故能幽鑑萬物而不耀元軌

超駕而弗夷大包天地而罔寄曲濟羣惑而無私至能導達殊方開物成務元機必察無思無慮然則無知而無不知無為而無不為者其惟菩提大覺之道乎此無名之法固非名所能名也不知所

以言故強名曰菩提斯無為之道豈可以身心而得乎 **含哺** 莊子含哺而熙鼓腹而遊 **勝衣** 史記三王世家能勝衣趨拜 **半字** 涅槃

如長者惟有一子心常憶念憐愍無已將詣師所欲令受學懼不速成尋便將還以愛念故晝夜殷勤教其半字而不教誨毘伽羅論何以故以其幼稚力未堪故梁僧佑法師梵漢譯經音義同異記

梵書製文有半字滿字所以名半字者義未具足故字體半偏猶漢文月字虧其旁也所以名滿字者理既究竟故字體圓滿猶漢文日字盈其形也半字雖單為字根本緣有半字得成滿字譬凡夫

始于無明得成常住故因字製義以

### 紫書

元和郡縣志武都有紫水泥亦紫漢朝封蠶書用紫泥即此水之泥也太平實宇記隴右記云武都紫水

有泥其色赤紫而粘用之封蠶書故詔語有紫泥之美

### 合掌

釋氏要覽合掌若此方之叉手也法苑云若指合其掌不合者良由心慢而情散也必須指掌相著不令虛也

### 二業

翻譯名義業有二種謂身口意業

### 菩薩

錦繡萬花谷梵語菩提此云覺梵語薩埵此云有情言菩薩者本云菩提薩埵欲簡于稱呼故省文言菩薩此云覺

有情也凡有生皆有情菩薩乃有情之中覺者耳佛有覺性而無情菩薩亦未免有情故謂之覺有情

### 如來頂

涅槃經佛告迦葉一切人天魔王波旬沙門婆羅門無有能見

我頂相者大般若經如來頂相無能見者

### 綺襦

說文襦短衣也從衣需聲一曰羅衣人朱切古詩細綺為下裙紫綺為上襦

### 樹神

法苑珠林佛告文殊師利我初

踰城離父王宮四十里到彼叢林身小疲怠權時止息時彼樹神現身告我言汝今修道定得金色身為三界大師迦葉佛涅槃時付囑我珠函并絹僧伽梨令我轉付囑汝我語神言汝絹僧伽梨非

我所用我聞先老所言諸佛出世不著蠶衣我今修道如何害生以付我著汝今是魔故來相惱樹神告言汝大智人何輒蠶言諸佛慈悲實不著蠶衣此絲化出非是害生汝今受此珠函開中有字

我即開函具見諸奇特事有大毘尼及修多羅藏迦葉佛遺教並在此中并見僧伽梨彼佛手迹遺書付囑樹神令付與我伽葉佛書云我初成道時大梵天王施我彼絲是化出非是緣蠶梵天王施

經絲堅牢地神王施緯絲由彼二施主共成一法衣由是義故今持施我我自成道已來常披此衣未曾損失今付悉達若得成佛取我僧伽梨安置洹中若轉毘尼時當為我著今留此衣汝涅槃

後一百年初有無智比丘分毘尼藏遂為五部從百年後分汝修多羅當為無量部諍論由與令法速滅由彼愚僧不閑三藏聞開著繒衣即謂殺蠶汝若成道後彼絲自出諸國非是殺蠶故我將付

樹神令轉付汝此函中並是我遺教亦將付汝住持遺法

### 香飯

維摩詰經阿難白佛言今所聞香自昔未有是為何香佛告阿難是彼菩薩毛孔之香于是舍利弗語阿難言我等

毛孔亦出是香阿難言此所從來曰是長者維摩詰從眾香國取佛餘飯于舍食者一切毛孔皆香若此阿難問維摩詰是香氣住當久如維摩詰言至此飯消曰此飯久如當消曰此飯勢力至于七

日然後乃消又阿難若聲聞人未入正法食此飯者得入正位然後乃消已入正位食此飯者得心解脫然後乃消若未發大乘意食此飯者至發意乃消已發意食此飯者得無生忍然後乃消已得無生忍食此飯者至一生補處然後乃消譬如藥名曰上味其有服者身諸毒滅然後乃消此飯如是滅除一切諸煩惱毒然後乃消阿難白佛言未會有也世尊如此香飯能作佛事

### 寶鉢

西域記佛在樹下結跏趺坐寂然宴默受解脫樂過七日後方從定起時二商主行次林外而彼林神告商主曰釋種太子今在此中初證佛果心凝寂定四十九日未有所食隨

有奉上獲大善利時二商主各持行資鈔蜜奉上世尊思以何器受之時四天王從四方來各持金鉢而以奉上世尊默然而不納受以為出家不宜此器四天王捨金鉢奉銀鉢乃至頗胝琉璃瑪瑙車渠真珠等鉢世尊皆不受四天王各還宮奉持石鉢紺青映徹重以進

獻世尊斷彼此故而總受之次第重疊按為一鉢其外則有四際焉

### 微塵

華嚴經一切諸佛皆悉能于一微塵中示現眾刹與嚴經恆塗淨戒香忍辱生莊嚴

轉妙法輪教化眾生而微塵不大世

界不小常以智證安住法界

### 獻珠

法華經文殊師利言有娑竭羅龍王女年始八歲智慧利根善知眾行業得陀羅尼諸佛所說甚

深秘藏悉能受持深入禪定了達諸法于刹那頃發菩提心得不退轉辯才無礙慈念眾生猶如赤子功德具足心念口演微妙廣大慈悲仁讓志意和雅能至菩提智積菩薩言我見釋迦如來于無量劫難行苦行積功累德求菩提道未曾止息觀三千大千世界乃至無有如芥子許非是菩薩捨身命處為眾生故然後乃得成菩提道不信此女于須臾頃便成正覺言論未訖時龍王女忽現于

前頭面禮敬却住一面舍利弗語龍女言汝謂不久得無上道是事難信所以者何女身垢穢非是法器云何能得無上菩提佛道懸曠經無量劫勤苦積行具修諸度然後乃成又女人身猶有五障一者不得作梵天王二者帝釋三者魔王四者轉輪聖王五者佛身云何女身速得成佛爾時龍女有一寶珠價值三千大千世界持以上佛佛即受之龍女謂智積菩薩尊者舍利弗言我獻寶珠世

尊納受是事疾不答言甚疾女言以汝神力觀我成佛復速于此當時眾會皆見龍女忽然之間變成男子具菩薩行即往南方無垢世界坐寶蓮花成等正覺三十二相八十種好普為十方一切眾

生演說妙法爾時娑婆世界菩薩聲聞天龍八部人與非人皆遙見彼龍女成佛普為時會人天說法心大歡喜悉遙敬禮無量衆生聞法解悟得不退轉無量衆生得受道記無垢世界六反震動娑婆世界三千衆生住不退地三千衆生發菩提心而

### 六神通

瓔珞經以有常神通無常神通自識宿命神通識他宿命神通

得受記智積菩薩及舍利弗一切衆會默然信受

### 眼識神通

耳識神通為六神通大般若經云何名六神通神境智證通天眼智證通天耳智證通他心智證通宿住隨念智證通漏盡智證通是名六神通

以八千歲為春

### 文殊

華嚴經東北方有處名清涼山從昔已來諸菩薩衆于中止住現有菩薩八千歲為秋

是文殊師利法王之子已會親近供養過去無量諸佛

### 普賢心

華嚴經入法界品云時普賢童子即見普賢菩薩在共圍繞最為殊特世無與等智慧境界無量無邊難測難思等三世佛一切菩薩無能觀察又離世間品云菩薩摩訶薩發十種普賢心何等為十所謂發大慈心救護一切衆生故發大悲心代一切

衆生受苦故發一切施心悉捨所有故發念一切智為首心樂求一切佛法故發功德莊嚴心學一切菩薩行故發如金剛心一切處受生不忘失故發如海心一切白淨法悉流入故發如大山王心

一切惡言皆忍受故發安隱心施一切衆生無怖畏故發般若波羅蜜究竟心巧觀一切法無所有故若諸菩薩安住此心疾得成就普賢善巧智

成就菩薩大願智幻解脫門是故常為諸菩薩母善男子如我于此閻浮提中迦毘羅城淨飯王家右脇而生悉達太子現不思議自在神變如是乃至盡此世界海所有一切毘羅遮那如來皆入我身示現誕生自在神變善男子我于淨飯王宮菩薩將欲下生之時現諸奇特事與眷屬俱來入我身彼諸菩薩于我腹中遊行自在或以三千大千世界而為一步或以不可說佛刹微塵數世界而為一步又念念中十方不可說一切世界諸如來所菩薩衆會及四天王天三十三天乃至色界諸

### 佛母

華嚴經摩耶夫人言佛子我已

梵天王欲見菩薩處胎神變恭敬供養聽受正法皆入我身雖我腹中悉能容受如是衆會而身不廣大亦不迫窄其諸菩薩各見自處衆會道場清淨嚴飾善男子如此四天下閻浮提中菩薩受生我為其母三千大千世界百億四天下閻浮提中悉亦如是然我此身本來無二非一處住非多處

我為其母三千大千世界百億四天下閻浮提中悉亦如是然我此身本來無二非一處住非多處

我為其母三千大千世界百億四天下閻浮提中悉亦如是然我此身本來無二非一處住非多處

我為其母三千大千世界百億四天下閻浮提中悉亦如是然我此身本來無二非一處住非多處



住善男子如今世尊我為其母往昔所有無量諸佛悉亦如是而為其母我昔曾作蓮華池神時有菩薩于蓮華藏忽然化生我即捧持瞻侍養育一切世間皆共號我為菩薩母又我昔為菩提場神時有菩薩于我懷中忽然化生世亦號我為菩薩母善男子有無量最後身菩薩于此世界種種方便不現受生我皆為母善男子如此世界賢劫之中過去世時拘留孫佛拘那含牟尼佛迦葉佛及今世尊釋迦牟尼佛現受生時我為其母未來世中彌勒菩薩從兜率天將降神時放大光明普照法界示現一切諸菩薩眾受生神變乃于人間生大族家調伏眾生我于彼時亦為其母如是次第有師子佛法幢佛善眼佛淨華佛乃至樓至如來在賢劫中于此三千大千世界當成佛者悉為其母

**一子想**  
洎槃經如來恆于眾生生一子想而為演說無上法故譬如長者多有財寶唯有一子心甚愛重情無捨離所有珍寶悉用示之如來亦爾視諸眾生于子

**法界**  
釋氏以地獄餓鬼畜生修羅人道天道聲聞緣覺菩薩佛十等所住之界

**西方變畫讚** 并序

法身無對非東西也淨土無所離空有也若依佛慧既洗滌于六塵未捨法求馱如幻于三有故大雄以不思議力開方便門我心猶疑未認寶藏商人既倦且息化城究境達于無生因地從于有相西方淨土變者左常侍攝御史中丞崔公夫人李氏奉為亡考

謂之法界  
**聖果**  
大般若經已得現觀已得聖果

故某官中祥之所作也夫人門爲士族之先道爲梵  
行之首大師繼踵望塵而理印命婦盈朝聞風而素  
履心王自在萬有皆如頂法真空一乘不立以示見  
故菩薩爲勝鬘夫人同解脫因天女讚維摩長者顧本天字  
下多一人步岵何至哀哀纒經順有漏法泣血以居念罔  
字今校正極恩滅性非報唯茲十力所護豈與百身之贖不寶  
纓絡資于繪素圖極樂國象無上樂法王安詳聖衆  
圍繞湛然不動疑過于往來寂爾無聞若離于言說  
林分寶樹七重遶于香城衣捧天花六時散于金地  
迦陵欲語曼陀未落衆善普會諸相具美于是竭誠  
稽首隕涕焚香願立功德以備梯航得彼佛身常以  
慈悲爲女存乎法性還在菩提之家偈曰

稽首十方大導師能于一法見多法以種種相導羣  
生其心本來無所動稽首無邊法性海功德無量不  
思議于已不色等無礙不住有無亦不捨我今深達  
真實空知此色相體清淨願以西方為導首往生極  
樂性自在

### 西方

彌陀經爾時佛告長老舍利弗從是西方過十萬億佛土有世界名曰極樂其土有佛號阿彌陀今現在說法彼土何故名為極樂其國眾生無有眾苦但受諸樂故名極樂極樂

國土七重闌楯七重羅網七重行樹皆是四寶周匝圍繞又極樂國土有七寶池八功德水充滿其中池底純以金沙布地四邊階道金銀琉璃玻瓈合成上有樓閣亦以金銀琉璃玻瓈磲磔赤珠瑪瑙而嚴飾之池中蓮華大如車輪青色青光黃色黃光赤光白光微妙香潔彼佛國土常作天樂黃金為地晝夜六時雨天曼陀羅華其土眾生常以清旦各以衣祴威眾妙華供養他方十

萬億佛即以食時還到本國飯食經行彼國常有種種奇妙雜色之鳥白鶴孔雀鸚鵡舍利迦陵頻伽共命之鳥是諸眾鳥晝夜六時出和雅音其音演暢五根五力七菩提分八聖道分如是等法其

土眾生聞是音已皆悉念佛念法念僧舍利弗汝勿謂此鳥實是罪報所生所以者何彼佛國土無三惡道其佛國土尚無惡道之名何況有實是諸眾鳥皆是阿彌陀佛欲令法音宣流變化所作彼

佛國土微風吹動諸寶行樹及寶羅網出微妙音譬如百千種樂同時俱作聞是音者自然皆生念佛念法念僧之心彼佛何故號阿彌陀彼佛光明無量照十方國無所障礙是故號為阿彌陀彼佛

壽命及其人民無量無邊阿僧祇劫故名阿彌陀阿彌陀佛成佛已來于今十劫有無量無邊聲聞弟子皆阿羅漢非是算數之所能知諸菩薩眾亦復如是舍利弗彼佛國土成就如是功德莊嚴又

壽命及其人民無量無邊阿僧祇劫故名阿彌陀阿彌陀佛成佛已來于今十劫有無量無邊聲聞弟子皆阿羅漢非是算數之所能知諸菩薩眾亦復如是舍利弗彼佛國土成就如是功德莊嚴又

舍利弗極樂國土眾生者皆是阿鞞跋致其中多有一生補處其數甚多非是算數所能知之但  
可以無量無邊阿僧祇說舍利弗衆生聞者應當發願願生彼國所以者何得與如是諸上善人俱  
會一處舍利弗不可以少善根福德因緣得生彼國若有善男子善女人聞說阿彌陀佛執持名號  
若一日若二日若三日若四日若五日若六日若七日一心不亂其人臨命終時阿彌陀佛與諸聖  
衆現在其前是人終時心不顛倒即得往生阿彌陀佛極樂國土舍利弗我見是利故說此言  
若有衆生聞是說者應當發願生彼國土如我今者讚歎阿彌陀佛不可思議功德之利

### 淨

**土**法苑珠林世界皎潔目之爲淨即淨所居名之爲土故攝論云所居之土無于五濁如玻璃柯  
等名清淨土法華論云無煩惱衆生住處名爲淨土淨土不同有其四種一法性土以真如爲

體故梁攝論云以蓮華王爲淨土所依譬法界真如爲淨土所依體故二實報土依攝論云以二空  
爲門三慧爲出入路奢摩他毘鉢舍那爲乘以根本無分別智爲用此皆約報功德辯其出體三事

淨土謂上妙七寶是五塵色性聲香味觸爲其上相故攝論云佛周遍光明七寶處也又華嚴經云  
諸佛境界相中種種間錯莊嚴故淨土論云備諸珍寶性具足妙莊嚴又新翻大菩薩藏經云假使

如上一世界乃至大火洞然如來在中若依經行若住坐臥其處自然八功德水出現于地四化淨土  
謂佛所變七寶五塵爲化土體故涅槃經云以佛神力地皆柔軟無有邱墟土沙礫石乃至猶如西

方無量壽佛極樂世界等又大莊嚴論云由智自在隨彼所欲能現水精琉璃等清淨世界又維摩  
經云佛以足指按地現淨等事又十地經云隨諸衆生心所樂見爲示現故此諸經論所明並約化

爲淨土由佛神力現故即  
有攝故即無故名化土

### 六塵

大藏一覽六塵者謂色聲香味觸法也眼見爲色塵耳聞爲聲  
塵鼻嗅爲香塵舌嘗爲味塵聲染爲觸塵意着爲法塵

**三有**釋氏要覽三有婆沙論云一欲有二色有三無色有有者何義謂一切有  
漏法是佛言若業能令後生相續是有又云生滅故名墮苦集諦中是有

### 大雄

法華經大

雄猛世尊諸佛  
之法王

### 不思議力

纏絡經如來神  
力不可思議

### 方便門

法華經此經開方便  
門示真實相

### 寶藏

法華經爾時慧命須菩提摩訶迦梅延摩訶迦葉摩訶目犍連聞世尊授舍利弗阿耨多羅三藐三  
菩提記發希有心歡喜踊躍而白佛言我等居僧之首年並朽邁自謂已得涅槃無所堪任不復進

求阿耨多羅三藐三菩提今于佛前聞授聲聞阿耨多羅三藐三菩提記心甚歡喜得未曾有。不謂于今忽然得聞希有之法。深自慶幸。獲大善利。我等今者樂說譬喻。以明斯義。譬若有人年既幼稚。捨父逃逝。久住他國。加復窮困。馳騁四方。以求衣食。漸漸游行。遇向本國。其父先來求子。不得中止。一城其家大富。財寶無量。金銀琉璃珊瑚琥珀玻璃珠等。其諸倉庫。悉皆盈溢。多有僮僕。臣佐吏民。象馬車乘。牛羊無數。出入息利。乃徧他國。商估買客。亦甚衆多。時貧窮子。遊諸聚落。經歷國邑。遂到其父所止之城。父每念子。與子離別五十餘年。而未會向人說如此事。但自思惟。心懷悔恨。自念老朽。多有財物。無有子息。一旦終沒。財物散失。無所委付。是以殷勤。每憶其子。爾時窮子。傭賃展轉。遇到父舍。住立門側。遙見其父。踞師子牀。寶几承足。諸婆羅門刹利居士。皆恭敬圍繞。以真珠瓔珞。價值千萬。莊嚴其身。史民僮僕。手執白拂。侍立左右。覆以寶帳。垂諸華幡。香水灑地。散衆名華。羅列寶物。出內取與。有如是等種種。嚴飾威德。特尊窮子。見父有大力勢。卽懷恐怖。悔來至此。竊作是念。此或是王。或是王等。非我傭力得物之處。不如往至貧里。肆力有地。衣食易得。若久住此。或見逼迫。強使我作。作是念已。疾走而去。時富長者。于師子座。見子便識。心大歡喜。卽遣旁人。急追將還。爾時使者疾走。往捉窮子。驚愕稱怨。大喚我不相犯。何爲見促。使者執之。逾急。強牽將還。于時窮子。自念無罪。而被囚執。此必定死。轉更惶怖。悶絕躑躅。地父遙見之。而語使言。不須此人。勿強將來。以冷水灑面。令得醒悟。莫復與語。所以者何。父知其子。志意下劣。自知豪貴。爲子所難。審知是子。而以方便。不語他人。云是我子。使者語之。我今放汝。窮子歡喜。從地而起。往至貧里。以求衣食。爾時長者。將欲誘引其子。而設方便。密遣二人。形色憔悴。無威德者。汝可詣彼。徐語窮子。此有作處。倍與汝直。窮子若許。將來使作。若言欲何所作。便可語之。雇汝除糞。時二人使人。卽求窮子。具陳上事。爾時窮子。先取其價。尋與除糞。其父見子。慙而怪之。又以他日。于牕牖中。遙見子身。羸瘦憔悴。糞土塵盈。汗穢不淨。卽脫瓔珞。細軟上服。嚴飾之具。更著麤弊垢膩之衣。塵土盈身。右手執持除糞之器。語諸作人。汝等勤作。勿得懈怠。以方便故。得近其子。後復告言。汝常此作。勿復餘去。當加汝價。諸有所須。盆器米麩鹽醋之屬。莫自疑難。亦有老弊。使人須者。相給我。如汝父勿復憂慮。所以者何。汝常作時。無有欺怠。瞋恨怨言。都不見汝。有此諸惡。如餘作人。自今已後。如所生子。卽時長者。更與作字名之。爲兒。爾時窮子。雖欣此遇。猶故自謂。客作賤人。于二十年中。常令除糞。過是已後。心相體信。入出無難。然其所止。猶

在本處爾時長者有疾自知將死不久語窮子言我今多有金銀珍寶倉庫盈溢其中多少所應取與汝悉知之我心如是當體此意所以者何今我與汝便爲不異宜加用心無令漏失爾時窮子即受教勅領知衆物金銀珍寶及諸庫藏然其所處猶在門外止宿草庵復經少時父知子意漸以通泰成就大志自鄙先心臨欲終時而命其子并會親族國王大臣刹利居士皆悉已集即自宣言諸君當知此是我子我之所生于某城中捨吾逃走玲嶸辛苦五十餘年昔在本城懷憂推覓忽于此間遇會得之今我所有的一切財物皆是子有先所出內是子所知窮子聞父此言即大歡喜而作自念我本無心有所希求今此寶藏自然而至世尊大富長者則是如來我等皆似佛子如來常說我等爲子世尊我等以三苦故于生死中受諸熱惱迷惑無知樂著小法今日世尊令我等思惟蠲除諸法戲論之糞我等于中勤加精進得至涅槃一日之價既得此已心大歡喜自以爲足便自謂言于佛法中勤精進故所得宏多然世尊先知我等心著弊欲樂于小法便見縱捨不爲分別汝等當有如來知見寶藏之分世尊以方便力說如來智慧我等從佛得涅槃一日之價以爲大得于此大乘無有志求我等又因如來智慧爲諸菩薩開示演說而自于此無有志願所以者何佛知我等心樂小法以方便力隨我等說而我等不知真是佛子今我等方知世尊于佛智慧無所吝惜所以者何我等昔來真是佛子而但樂小法若我等有樂大之心佛則爲我說大乘法于此經中唯說一乘而昔于菩薩前毀訾聲聞樂小法者然佛實以大乘教化是故我等說本

### 化城

法華經譬如五百由旬險難惡

道曠絕無人怖畏之處若有多衆欲過此道至珍寶處有一導師聰慧明達善知險道通塞之相將導衆人欲過此難所將人衆中路懈退白導師言我等疲極而復怖畏不能復進前路猶遠今欲退還導師多諸方便而作是念此等可憊云何捨大珍寶而欲退還以方便力于險道中過三百由旬化作一城告衆人言汝等勿怖莫得退還今此大城可于中止隨意所作若入是城快得安隱若能前至寶所亦可得去是時疲極之衆心大歡喜我等今者免斯惡道快得安隱于是衆人前入化城生已度想生安隱想爾時導師知此人衆既得止息無復疲倦即滅化城語衆人言汝等去來寶處在近向者大城我所化作爲止息耳如來亦復如是今爲汝等作大導師知諸生死煩惱惡道險難長遠應去應度若衆生但聞一佛乘者則不欲見佛不欲親近便作是念佛道長遠久受勤苦乃可

得成佛知是心怯弱下劣以方便力而于中道為止息故說二涅槃若衆生住于二地如來爾時即便為說汝等所作未辦汝所住地近于佛慧當觀察籌量所得涅槃非真實也但是如來方便之力

于一佛乘分別說三如彼導師為止息故化作大城既知息已而告之言寶處在近此城非實我化作耳**究竟**華嚴經名為究竟地 智慧決定故**因地**楞嚴

當審觀因地發心與**中祥**成按喪禮無中祥之名唯後漢書禮儀志註中引應劭之**命婦**果地覺為同為異 言謂中祥大祥以紅為領緣究未考中祥是何時也

釋名大夫之妃曰命婦婦服也服家**心王**涅槃經是身如城血肉筋骨皮裹其上手足以**一**事也夫受命于朝妻受命于家也 為卻敵樓櫓目為窳孔頭為殿堂心王處中

**乘**涅槃經如來普為諸衆生故三乘之法說言一乘一乘之法隨宜說三法華經一切諸世尊皆說一乘道今此諸大衆皆應除疑惑諸佛語無異唯一無二乘**勝鬘夫**

**人**楞伽經今勝鬘夫人及利智滿足諸菩薩等宣揚演說如來藏名七識俱生聲聞計著見人法無我故勝鬘夫人承佛威神說如來境界非聲聞緣覺及外道境界如來藏識藏餘佛及餘利

智依義菩薩智 慧境界**天女**維摩詰經時維摩詰室有一天女見諸大人聞所說法便現其身舍利弗言天止此室其已久如答曰我止此室如耆年解脫舍利弗言止此久耶

天女曰耆年解脫亦何如久舍利弗默然不答天女曰如何耆舊大智而默答曰解脫者無所言說故吾于是不知所云天女曰言說文字皆解脫相所以者何解脫者不內不外不在兩間文字亦不

內不外不在兩間是故舍利弗無離文字說解脫也舍利弗問天女汝于三乘為何志求天女曰以聲聞法化衆生故我為聲聞以因緣法化衆生故我為辟支佛以大悲法化衆生故我為大乘舍利

弗如人入瞻蔔林唯巖瞻蔔不巖餘香如是若入此室但聞佛功德之香不樂聞聲聞辟支佛功德之香也其有釋梵四天王諸天龍鬼神等入此室者聞斯上人講說正法皆樂佛功德之香發心而出

吾止此室十有二年初不聞說聲聞辟支佛法但聞菩薩大慈大悲不可思議諸佛之法此室常現入未會有難得之法何等為入此室常以金色光照晝夜無暈不以日月所照為明是為一未會有

難得之法此室入者不為諸垢之所惱是為二未會有難得之法此室常有釋梵四天王及他方菩薩來會不絕是為三未會有難得之法此室常說六波羅蜜不退轉法是為四未會有難得之法此

室常作天人第一之樂絃出無量法化之聲是為五未會有難得之法此室有四大藏眾寶積滿周  
窮濟乏求得無盡是為六未會有難得之法此室釋迦牟尼佛阿彌陀佛阿閼佛寶德寶炎寶月寶  
嚴難勝師子響一切利成如是等十方無量諸佛是上人念時即皆為來廣說諸佛秘要法藏說已  
還去是為七未會有難得之法此室一切諸天嚴飾宮殿諸佛淨土皆于中現是為八未會有難得  
之法舍利弗此室常現八未會有難得之法誰  
**陟** 魏風陟彼岵兮瞻望父兮  
**有漏法** 毛萇傳山無草木曰岵

大般若經具壽善現白佛言世尊云何有漏法佛告善現世間五蘊十二  
處十八界四靜慮四無量四無色定所有一切墮三界法是各有漏法  
**泣血** 禮記高子皋之執親之喪也泣

血三年未嘗見齒君子以為難孔穎達正義凡人涕淚必因悲聲而出若  
血出則不由聲也今子卓悲無聲其涕亦出如血之出故云泣血  
**滅性** 禮記三日而食

練毀不滅性不  
以死傷生也  
**十力** 僧肇維摩詰經註十力是如來  
之別稱耳十力備故即以為各  
**百身之贖** 秦風彼蒼者天殲我  
良人如可贖兮人百

其身  
**無上樂** 華嚴經功德具足充滿法  
界徧照十方施無上樂  
**法王** 法華經如來于三界中為大法王以法教  
化一切眾生釋迦方誌凡人極位名曰輪

王聖人極位名  
曰法王  
**安詳** 法華經爾時世尊從  
三昧安詳而起  
**湛然** 南史帝問大僧正慧念曰見不可思議事  
不慧念答曰法身常住湛然不動

**迦陵** 翻譯名義迦陵頻伽此云妙聲鳥大論云如伽陵頻伽鳥在窟中未出發聲微妙勝于餘  
鳥正法念經云山谷曠野其中多有迦陵頻伽出妙音聲如是美音若天若人緊那羅等

無能及者唯除  
如來音聲  
**曼陀** 翻譯名義曼陀羅此云適意又云白  
花大藏一覽曼陀羅花此云雜色花  
**慈悲女** 維摩詰經法喜以為  
妻慈悲心為女鳩摩

羅什註慈悲性弱從物入有猶  
如女之為性弱而隨物  
**法性海** 華嚴經能捨一切諸妄見海能觀一切諸法性海宗  
鏡錄諸經內逗緣稱機更有多名隨處安立以廣大

義邊目之為海以圓明理顯稱之曰珠以萬法  
所宗號之曰王以能生一切詔之曰母  
**導首** 華嚴經為諸眾生而作導  
首令修一切善根法行



繡如意輪像讚

并序

寂等于空非心量得如則不動離意識界實無所住  
常遍羣生不捨有爲懸超萬行法性如是豈可說邪  
如意輪者觀世音菩薩陀羅尼三昧門現方便于幻  
眼六臂色身以究竟爲佛心體真相隨念卽藏乃無  
緣之慈應度而來斯不共之力衆生如意菩薩何心  
崇通寺尼無疑道登等貴族出家梵筵上首久積淨  
業三世皆空長在道場一乘自立亡兄故河南少尹  
雖明世典深達實相以不二法處于百官花萼相連  
恩深女弟旃檀舊繞望絕仁兄雖曰如夢無寧喪我  
煩惱性淨示有同凡之悲菩提路空強爲助道之相  
選妓惟潔底功加敬針鋒線縷日就月將五彩相宣

千光欲發金蓮捧足寶珠垂髻原夫審像于淨心成

形于纖手像顧本作豫誤今校正珊瑚掌內疑現不動如來頻婆口

中同乎無法可說焚香讚歎散花瞻仰有情苦業滅

而不生無上法輪轉而恆寂願以此福冥用莊嚴乃

為偈曰

菩薩神力不思議能以一身遍一切常轉法輪無所

轉衆生隨念得解脫色即是定非空有是故以色像

觀音願以淨斯六趣福迴向過去不可得

心量謂自心現量楞伽經觀諸有為法離攀緣所緣無心之心量我如則不動金剛

取于相如陀羅尼法苑珠林陀羅尼者西天梵音東華人譯則云持也持善不失持惡不生

器盛水水不漏散惡不替根心生能遮令不生若欲作惡罪時持令不作是名陀羅尼肇翻總持謂

持善不失持惡不生又翻遮持輔行云體遮三惑性持三智熏聞云遮二邊之惡持中道之善此從

慧性三昧門大藏一覽三昧或云三摩提或云三摩地此云正定謂任緣一境離諸邪亂也

云正定亦云正受圭峯疏云不受諸受名為正受遠法師云夫稱三昧者專思寂想之謂也思專則志一不分想寂則氣虛神明氣虛則智恬其照神明則無幽不徹斯二乃是自然之元符用一而致

用也是故靖恭閑宇而感物通靈御心惟正動必入微此假修以凝神積功以移性 **六臂**楞嚴經觀世音菩薩白佛言由我初獲妙妙清淨寶覺故我能現衆多妙容能說無邊祕密神呪其中或現一首三首五首七首九首十一首如是

乃至一百八首千首萬首八萬四千樂迦羅首二臂四臂六臂八臂十臂十二臂十四十六十八二十至二十四如是乃至一百八臂千臂萬臂八萬四千母陀羅臂二目三目四目九目如是乃

至一百八目千目萬目八萬四千清淨寶目或慈或威或定或慧救護衆生得大自在 **無**

**緣慈**涅槃經慈有三緣一緣衆生二緣于法三則無緣衆生緣者緣于五陰願與其樂是名衆多緣貧窮衆生如來大師永離貧窮受第一樂若緣衆生則不緣佛法亦如是以是義故緣如來者名曰無緣世尊慈之所緣一切衆生如緣父母妻子親屬以是義故名曰衆生緣法緣者不見父母

妻子親屬見一切法皆從緣生是名法緣無緣者不住法相及衆生相是名無緣十六觀經以無緣慈攝諸衆生王簡栖頭陀寺碑文唱無緣之慈而澤周萬物李善註夫行慈者以衆生為緣衆生為緣則慈無所寄故大士之慈離于衆相離相行慈名為無緣無緣生慈是為真實以斯而唱則物無不周涅槃經曰得諸菩薩無緣之慈僧肇論曰禪典唱無緣之慈思益演不知之知呂向註大事之

慈空中而行空中行 **不共力**維摩詰經大聖法王衆所歸淨心觀佛靡不欣各見世尊在其前斯則神力不共法 **上首**涅槃經爾慈故為無緣之慈

河沙菩薩摩訶薩人中之龍位階十地安住不動方便現身其名曰海德菩薩無盡意菩薩如是等菩薩摩訶薩而為上首復有二恆河沙等諸優婆塞受持五戒威儀具足其名曰威德無垢稱王優

婆塞善德優婆塞等而為上首復有三恆河沙諸優婆塞受持五戒威儀具足其名曰壽德優婆塞夷德鬘優婆塞夷毘舍佉優婆塞等八萬四千而為上首 **淨業**維摩詰經

諸禪定久積淨 **三世皆空**華嚴經了知三世皆空寂 **雖明世典**維摩詰經雖明世典常樂佛法 **深達**

業稱無量

諸禪定久積淨

業稱無量

**實相**維摩詰經彼上人者難為酬對深達實相善說法要**如夢**華嚴經應知世間諸行如夢**菩提路**華嚴經示我菩提路住佛正見地

**日就月將**周頌日就月將學有緝熙于光明鄭康成箋日就月將言當習之以積漸也**千光**金光明經如日千光彌滿虛空**淨心**

維摩詰經隨其心淨則一切功德淨**纖手**陸機詩佳人撫琴瑟纖手清且閒**不動如來**華嚴經如來應正等覺示涅槃時入不動三昧

**頻婆口**法華經如來唇色赤好如頻婆果**無法可說**金剛經須菩提汝勿謂如來作是念我當有所說法莫作是念何以故若人言如來

有所說法即為誦佛不能解我所說故須菩提說法者無法可說是名說法**無上法輪**法華經我于伽耶城菩提樹下坐得成最正覺轉無上法輪涅槃經諸佛

世尊凡有所說皆悉名為轉法輪也翻譯名義轉佛心中化他之法度入他心名轉法輪**一身遍一切**華嚴經如來能以一身自在變化徧一切世界不思

**六趣**釋氏要覽五趣一天二人三地獄四畜生五餓鬼謂修羅四趣皆攝故今開為一趣故云六趣也趣者何義毘婆沙論云所往義是諸有情所應往結生之處故名趣也

毘曇論云趣到義謂彼善惡業因能令有情到其生處又道義故名六道矣**迴向**法苑珠林迴向者回諸福德向無上道

**給事中竇紹為亡弟故駙馬都尉于孝義寺浮**

**圖畫西方阿彌陀變讚**并序

**易曰游魂為變傳曰魂氣則無不之固知神明更生**

**矣輔之以道則變為妙身之于樂士大覺曰聖離妄**

曰性克修其業以正其命得無法者卽六塵爲淨域  
繫有相者憑十念以往生西方變者給事中竇紹敬  
爲亡弟故駙馬都尉某官之所畫也天理之愛加人  
數等悲讓佞而無所痛殞身而莫贖傾無長之工不  
平分于我生將厚貸于泉路尙茲繪事滌彼染業寶  
樹成列金砂自映迦陵欲語曼陀未落墜此中年登  
乎上品池蓮寶座將踰棠棣之榮水鳥法音當悟鶴  
鳴之力讚曰  
生因妄念沒有遺識憑化而遷轉身不息將免六趣  
惟茲十力哀此仁兄友于後生不知世界畢意經營  
傍熏獲悟自性當成

竇紹

按唐書宰相世系表有竇紹爲給事荊府長史兄弟八人二曰綜三曰綸四曰繹爲駙馬都尉衛尉卿五曰續六曰績爲奉先令七曰續八曰級公主列傳元宗女常山公主下嫁

寶鐸

# 游魂為變

周易精氣為物游魂為變是故知鬼神之情狀孔穎達正義曰精氣為物者謂陰陽精靈之氣氤氳積聚而為萬物也游魂為變者物既積聚極則

分散將散之時浮遊精魂去離物形而為改變則生  
變為死成變為敗或未死之間變為異類也

# 若魂氣則無不之

禮記骨肉復歸于土

命也若魂氣則無不之也無不之也

# 十念

法苑珠林彌勒發問經云若欲樂生安養國者當修十念即得往生何等為十一者于一切眾生常生慈心二者于一切眾生不毀其行

若有毀者終不往生三者于一切眾生深起悲心除殘害心四者發護法心不惜身命于一切法不生誹謗五者于忍辱中生決定心六者深心清淨不染利養七者發一切種智心日日常念無有廢

忘八者于一切眾生尊重心除憍慢心謙下言說九者于諸談話不生染著心近于覺意深起種種善根因緣不生憤鬧散亂心十者常念觀佛除去諸相當知如是十念一一次第相續而起不生

彼國無有是處釋氏要覽稱十念者即是念十聲阿彌陀佛觀經云臨終遇善知識教稱十聲阿彌陀佛得生第九品十疑論問云眾生造惡無量云何臨終十念成就即得往生出過三界結業答眾

生造惡是有間心臨終念佛是無間心善心猛利故承佛願力故

# 上品

淨土化生凡有九品謂上品上生上品中生上品下生中品上生中品中生中品下生下品上生下品中

生下品下生佛說觀無量壽佛經上品上生者若有眾生願生極樂國者發三種心即便往生何等為二一者至誠心二者深心三者迴向發願心具三心者必生彼國復有三種眾生當得往生何等

為三一者慈心不殺具諸戒行二者讀誦大乘方等經典三者修行六念迴向發願願生彼國具此功德一日乃至七日即得往生彼國時此人精進勇猛故阿彌陀如來與觀世音大勢至無數化

佛百千比邱聲聞大眾無量諸天七寶宮殿觀世音菩薩執金剛臺與大勢至菩薩至行者前阿彌陀佛放大光明照行者身與諸菩薩授手迎接觀世音大勢至與無數菩薩讚歎行者勸進其心行

者見已歡喜踊躍自見其身乘金剛臺隨從佛後如彈指頃往生彼國生彼國已見佛色身眾相具足見諸菩薩色相具足光明寶林演說妙法聞已即悟無生法忍經須臾間歷侍諸佛徧十方界于

諸佛前次第受記還至本國得無量百千陀羅尼門上品中生者不必受持讀誦方等經典善解義趣于第一義心不驚動深信因果不謗大乘以此功德迴向願求生極樂國行此行者命欲終時阿

彌陀佛與觀世音大勢至無量大眾眷屬圍繞持紫金臺至行者前讚言法子汝行大乘解第一義是故我今來迎接汝與千化佛一時授手行者自見坐紫金臺合掌叉手讚歎諸佛如一念頃即生

彼國七寶池中此紫金臺如大寶華經宿則開行者身作紫磨金色足下亦有七寶蓮花佛及菩薩俱時放光照行者身目即開明因前宿習普聞眾生純說甚深第一義諦即下金臺禮佛合掌讚歎

世尊經于七日應時即于阿耨多羅三藐三菩提得不退轉即能飛行徧至十方歷待諸佛于諸佛所修諸三昧經一小劫得無生忍現前授記上品下生者亦信因果不謗大乘但發無上道心以此

功德迴向願求生極樂國行者命欲終時阿彌陀佛及觀世音大勢至與諸眷屬持金蓮華化作五百佛來迎此人五百化佛一時授手讚言法子汝今清淨發無上道心我來迎汝見此事時即自見

身坐金蓮華坐已華合隨世尊後即得往生七寶池中一日一夜蓮華乃開七日之中乃得見佛雖見佛身于眾相好心不明了于三七日後乃了了見聞眾音聲皆演妙法遊歷十方供養諸佛于諸

佛前聞甚深法經三小劫得百法明  
**棠棣** 詩小雅棠棣之華鄂不韡韡今之人莫如兄弟  
**水鳥法音** 佛說觀無

量壽佛經極樂國土有八池水一池水七寶所成其寶柔軟從如意珠王生分為十四支一一支作七寶色黃金為渠渠下皆以雜色金剛以為底沙一一水中有六十億七寶蓮華一一蓮華團圓

正等十二由旬其摩尼水流注華間尋樹上下其聲微妙演說苦空無常無我諸波羅蜜復有讚歎諸佛相好者如意珠王涌出金色微妙光明其光化為百寶色鳥和鳴哀雅常讚念佛法念僧是

為八功德 **鵲鴿** 詩小雅鵲鴿在 **熏** 釋氏要覽薰義者顯識論云譬如燒香熏衣香體滅而香水想 **熏** 氣在衣此香不可言有體滅故不可言無香氣在衣故宗

鏡錄熏習義者如世衣服非臭非香隨以物熏則有彼氣真如淨法性非是染無明熏故則有染相無明染法實無淨業真如熏故說有淨用 **自性** 楞伽經自性無垢畢竟清淨

**為相國王公紫芝木瓜讚** 并序

孝悌之至通于神明天為之降和地為之嘉植發書

占之推理可得何者人心本于元氣元氣被于造物  
心善者氣應氣應者物美故呈祥于魚鳥或發揮于  
草木示神明之陰騭與天地之嘉會今中書侍郎相  
公先生左丞府君沉潛上德遐尚絕軌江海漭沆嬰  
孩杏壇高門長軌隱几含素蓋鳳凰之高逝薄龍虎  
之逶迤積有淳德誕敷餘慶而我相公生而英姿河  
目海口量與太素而無端倪應會神速動若發括事  
遣理盡澹然虛空亦猶太清雲無處所重元之旨達  
而有餘奧大白之明漫而不及理文可以經邦訓俗  
武可以保大定功故天子咨之以布元化昔者高堂  
旣聞聞字疑誤扇枕無所歐血長號禮不能制其哭泣之度  
終身巨痛時無以加其霜露之惕攻苦食淡寢苦枕



塊淚少于血骨餘于形風淚起而裂其心鳥悲鳴而感其哭俄而紫芝生棟葉成仙人之蓋色奪齊侯之衣又有木瓜在林味若楚王之萍大如安期之棗枯物無生物之理而布獲滋蔓時果有常分之形而碩大殊亢鄰里駭之郡縣聞之公泣而不敢言州司遽表以獻或曰因心而致人之祥也或曰率土所生國之瑞也有識君子曰至孝所感物爲人之祥大賢佐時人爲國之瑞二物者雖感曩時之純至亦符今日之崇高也公尤不敢當歸美于今上以爲震位先兆孝德動天至乾元二年乃畫圖以進詔報曰芝草者延壽之徵也木瓜者投報之應也蓋至誠所感有開必先朕與卿道契雲龍義同水石位崇台袞寄重股

肱故得嘉瑞薦臻靈物昭格君臣同德區宇克寧覽其進圖可為嘉應請宣付史館者既依史策亦藏書府讚曰

紫芝三秀則生于梁木瓜一實其大盈筐嘉應薦至其故何祥哀哀孝思漣漣泣血終身致毀每慟將絕雲為徘徊風為慘切依仁據德移孝為忠經目盡理任心便公其道橐籥虛而不窮公位先兆聖人斯覩賜以詔書藏之祕府邦家之光哀榮終古

相國王公

按唐書宰相表乾元元年五月乙未太常少卿王瓌為中書侍郎同中書門下平章事二年三月乙未瓌罷為刑部尚書宰相世系表瓌乃王方慶六世孫祖

仲連揚州錄事參軍父紹不仕

絕軌

孫綽遊天台山賦追羲農之絕軌躡二老之元縱

湊沆

張衡西京賦顧臨太液滄池湊沆薛綜註湊沆猶洸潒寬大也

杏

壇

莊子孔子遊乎緇帷之林休坐乎杏壇之上

河目海口

孔叢子萇宏語劉文公曰吾觀孔仲尼有聖人之表河目而隆額黃帝之形也家語孔子適鄭

與弟子相失獨立郭東門外或人謂子貢曰東門外有一人焉其長九尺有六寸河目隆額王肅註河目上下匡平而長也孝經援神契孔子海口言若含澤斗脣吐教陳機授度

大白

老子上德若谷  
大白若辱

**保大定功**

見十七卷  
七德註中

**巨痛**

晉書謝尚傳抱傷心之巨  
痛懷切怛之至戚

**霜露之**

**惕**

禮記霜露既降君子履之必有悽愴之心非其寒之謂也  
春雨露既濡君子履之必有怵惕之心如將見之

**寢苦枕塊**

禮記父母之喪  
居倚廬寢苦枕

塊不說經

**齊侯衣**

韓非子齊桓公好服紫一國盡  
服紫當是時也五素不得一紫

**楚王萍**

家語楚昭王渡江江中有  
物大如斗圓而赤直觸王

舟舟人取之王大怪之遍問羣臣莫之能識王使使聘于魯問于孔子子曰此所謂萍實者也可剖  
而食之吉祥也唯羈者為能獲焉使者返王遂食之大美久之使來以告魯大夫大夫因子遊問曰

夫子何以知其然曰吾昔之鄭過乎陳之野聞童謠曰楚王渡江得萍實  
大如斗赤如日剖而食之甜如蜜此是楚王之應也吾是以知之

**布獲**

封禪書匪唯偏  
我汜布獲之師

古註布獲  
言遍布也

**延壽**

古瑞命記曰王者慈仁則芝生採食之則延年  
不終與真人同論衡芝草延年仙者所食

**投報**

國風投我以木瓜報  
之以瓊瑤非報也永

以為  
好也

**有開必先**

禮記者欲將至  
有開必先

**水石**

李蕭遠運命論張良受黃石之符誦三略之說  
以游于羣雄其言也如以水投石莫之受也及

其遭漢祖也其言也如以  
石投水莫之逆也

**台袞**

北史楊雄傳論位登  
台袞慶流後嗣

**漣漣**

國風泣涕  
漣漣

**橐籥**

老子天地  
之間其猶

橐籥乎虛而不屈動而愈出河上公註天地空虛和  
氣流行萬物自生其空虛猶橐籥動而搖之益出聲

**邦家之光**

小雅樂只君子  
邦家之光

**終古**

楚辭春蘭兮秋菊長  
無絕兮終古

### 皇甫岳寫真讚

有道者古其神則清雙眸朗暢四氣和平長江月影

太華松聲周而不器獨也難名且未婚嫁猶寄簪纓  
燒丹藥就辟穀將成雲溪之下法本無生

雲劉本顧可久  
本俱作漢誤

### 裴右丞寫真讚

澹爾清德居然素風氣和容衆心靜如空智以窮理  
才包至公大盜振駭羣臣困蒙忘身徇節歷險能通  
仁者之勇義無失忠凝情取象惟雅則同粉繪不及  
清明在躬麟閣之上其誰比崇

困蒙

本周易蒙卦

清明在躬

禮記清明在躬氣志如神正義曰清謂清靜明謂顯著言聖清靜光明之德在于躬身

## 王右丞集卷之二十

王

困

變古亦高直體

王右丞集卷之二十一

仁和趙殿成松谷箋註

碑二首

裴僕射濟州遺愛碑

夫為政以德必世而後仁齊人以刑苟免而無恥則  
刑禁者難久百年安可勝殘德化者効遲三載如何  
考績刑以佐德猛以濟寬月期政成成而不朽者惟  
公能之月期當是  
期月之訛公名耀卿字渙之河東聞喜人也益為

帝虞實相帝舜非子其胄而邑諸裴邑顧本作已誤  
今校正在漢者

為水衡在魏者守代郡十三代祖徽魏益豫雍兗徐  
五州刺史蘭陵武公源于大賢派以俊德世濟其美  
不隕其名矣曾祖正隋散騎常侍長平郡贊理祖脊

皇朝洛南南鄭二縣令著族斯茂衣冠未敢爭雄繼

世皆賢英彥無出其右故有常侍縣君遞輝迭暎父

守真真顧本作忠謨今考唐書本傳校正太常博士判駕部夏官員外今上楚

王府諮議參軍邠寧二州刺史贈晉兗沂三州刺史

文儒之宗伯禮樂之本源藉業雖曰承家復始由乎

種德再典大郡二為仙郎舉十大夫是則是數且年

不及壽而位未稱德朝多其能歿而獨贈公則晉州

之第三子也語而能文有識便智為兒則量過黃髮

未仕而心在蒼生伯達試經子琰應詔古之人也我

不後之伯達顧本作伯建子琰顧本作子淡俱誤今校正八歲神童舉試毛詩尚書論語

及第解褐補祕書省校書郎歷中宗安國相王府典

籤中字疑誤東觀載筆班固名香西園賦詠劉楨氣逸轉國

子主簿檢校詹事府丞學識宜在儒林風度雅膺儲

案

儲顧本作諸誤  
今校正

河南府士曹參軍考功員外郎公府屈廊

廟之才曹無留事仙郎明黜陟之法野無遺賢右司

兵部二郎中長安縣令其在含香一臺推妙以之製

錦四海是儀公之斷獄也必原情以定罪不阿意以

侮法是以小失天旨

旨字顧本作二  
日誤今校正

出爲此州刺史公推善

于國不稱無罪思利于人志其屈己戮豪右以懲惡

一至無刑旌孝弟以勸善洪惟見德然後務材訓農

通商惠工敬教勸學授方任能行之一年郡乃大理

襁負而至何憂乎蕩析之人

析顧本作相誤  
今校正

路不拾遺何畏

乎穿窬之盜既富之矣汲黯奚取于開倉使無訟乎

仲由何施其折獄居無何詔封東嶽關東列郡頗當



馳道至于犧牲玉帛資糧屏履其或不供為有司所  
 劾因而厚斂非天子之意豐省之度多不得中故二  
 千石有不能受事于宰旅者矣季孫請魯視邾滕濤  
 塗恐師出周鄭抑為是也公盡事君之心且曰從人  
 之欲萬斯箱之粟茲乃如京百執事之人于我乎館  
 四封之境二為帝庭一郡之賦再粒天下士卒林會  
 馬牛谷量士顧本作十馬顧本作襄俱誤今校正皆投足獲安端拱取給無虞燥  
 濕不畏寇盜草莽之中用能使其體羈繼之外無所  
 勞其力天朝中貴持權用事厚為之禮則生我羽毛  
 小不如意則成是貝錦公享有常牢覲無私幣冒貨  
 賄者我以為仇淫芻蕘者吾所能禦至于急宣中旨  
 暴征庶物或命嘉蔬先春當薦錫貢珍果非土所生

舉是一隅其徒干計皆曾不旋踵若取諸懷又不知其備預之所以然也謂餽牢竭矣而家有餘糧謂疲勞甚矣而人有餘力豈非積年之儲用之有度終身之逸使之有時不然班貢藝事輕重以列我視子男之國而倍公侯之征今日之事我爲上也大駕還都分遣中丞蔣欽緒御史劉日政宋珣等巡按皆嘉公之能奏課第一公未受賞朝而歸藩天災流行河水決溢蝗蟲避境雖馬稜之化能然稷顧本作接誤今校正洪水滔天固帝堯之時且爾高岸峯以雲斷平郊豁其地裂噴薄雷吼冲融天迴百姓巢居主客有其家室五稼波殄沼毛荒于畎畝公急人之虞分帝之憂御衣假寐對案輟食不候駕而星邁不入門而雨行議隄防也

至則平板榦具糗糧揆形畧趾量功命日而赤岸成  
谷白濤亘山雖有呂梁之人盡下淇園之竹無能爲  
也乃有壞防之餘衝波且盡僅在而危同累卵將墜  
而間不容髮公暴露其上爲人請命風伯屏氣以遷  
跡陽侯整波而退舍又王尊至誠未足加也然後下  
密捷搴長茭土簣雲積金鎚電散公親巡而撫之慰  
而勉之千夫畢飯始就飲食一人未息不歸蘧廬惰  
者發憤以躒勤懦者自強以齊壯成之不日金隄栽  
栽下截重泉上可方軌北河迴其竹箭東郡鬱爲桑  
田先是朝廷除公宣州刺史公惜九仞之垂成恐衆  
心之或怠懷絲綸之詔密金玉之音率負薪而益勤  
親執撲而彌勵旣成乃發書示之皆捨畚攀轅廢歌

成泣淚而濟袂澤陰魯郊哀哀號呼不崇朝而達四境噫公之視人也如子人之去公也如父宜其升聞于天司我五教公之富人也以簡簡則不擾而人得肆其業非富歟公之愛吏也以嚴嚴則畏威而吏不陷于罪非愛歟是其大旨也至若沛郡謂爲神明淮陽謝其清淨尊經于學校魯風載儒加信于兒童齊人不詐明閑視聽其察姦也無全曉習文法于決事乎何有六義之製文在于斯五車之事學半于我其爲身計保乎忠貞將爲孫謀貽以清白

貽顧本作賜誤今校正

熊軾

之貴子弟夷于平人龍門則高賓客不遺下士非禮不動出言有章語曰愷悌君子人之父母其是之謂乎維也不才嘗備官屬公之行事豈不然乎維實知

之維能言之况夫婦男女思我遺愛者吟詠成風者  
艾人吏願頌清德者道路如市則王襄所講奚斯之  
頌美政盛德綴詞之士固未嘗闕如也維敢拒之哉  
頌曰

童子何知兮公邁成人  
大不必佳兮公德日新  
天生德于公兮遺此下民  
天子命我兮守茲東郡  
人調公以謫去兮不能致訓  
公會不私己兮政聲益振  
惟歲十月兮帝封岱宗  
千乘萬騎兮行幸山東  
小郡之賦兮再粒萬邦  
豐不盈儉不陋兮公之舉也  
得中河爲不道兮離常流以  
痛毒不用一牲兮不沉一玉  
身當中流兮馮夷感而避賢  
敕陽侯兮使却走夫洪漣  
板築旣具兮薪又屬庶人  
欣以就役兮高岸崛起于深

谷人降邱宅土兮桑田鬱以載綠行無五馬兮食不  
載味惠恤鰥寡兮威讐黠吏公之德兮曾無與二人  
之遺愛兮淚淫淫歲久不衰兮至今性與天道吾不  
得聞兮誌其小者近者兮已是過人之德音

**裴僕射**

劉昫唐書裴耀卿贈戶部尚書守真子也少聰敏數歲解屬文童子舉弱冠拜秘書正字俄補相王府典籤時睿宗在藩甚重之令與椽邱悅文學韋利器更直府中以

備顧問府中稱為學直及睿宗升極拜國子主簿開元初累遷長安令長安舊有配戶和市之法百姓苦之耀卿到官一切令出儲畜之家預給其直遂無姦僦之弊公私甚以為便在職二年寬猛得

中及去官縣人甚思詠之十三年為濟州刺史其年車駕東巡州當大道道里綿長而戶口寡弱耀卿躬自條理科配得所時大駕所歷凡十餘州耀卿稱為知頓之最又歷宣冀二州刺史皆有善政

入為戶部侍郎二十年禮部尚書信安王禕受詔討契丹詔以耀卿為副其冬遷京兆尹明年拜黃門侍郎同中書門下平章事克轉運使明年遷侍中二十四年拜尚書左丞相罷知政事累封趙城

侯天寶元年改為尚書右僕射尋轉左僕射一歲薨年六十三贈太子太傅諡曰文獻宋祁唐書裴耀卿為濟州刺史俄徙宣州前此大 wat 河防壞諸州不敢擅興役耀卿曰非至公也乃躬護作役未

訖有詔徙官耀卿懼功不成弗即宣而撫巡飭厲愈急湜成發詔而去濟人為立碑頌德

**三載考績**

尚書三載考績孔安國傳三年有成故以考功

**猛**

**以濟寬**

左傳政寬則民慢慢則糾之以猛猛則民殘殘則施之以寬寬以濟猛猛以濟寬政是以和

**聞喜**

唐書地理志河東道絳州有聞喜縣

**裴**

**氏世系**

按唐書宰相世系表裴氏出自風姓顓頊裔孫大業生女華女華生大費大費生皋陶皋陶生伯益賜姓贏氏生大廉大廉五世孫曰仲衍仲衍四世孫曰軒軒生潘潘

生飛廉飛廉生惡來惡來生女防女防生旁鼻旁鼻生太几太几生大駱大駱生非子周孝王使養馬汧渭之間以馬蕃息封之于秦為附庸使續嬴氏號曰秦嬴非子之支孫封豭鄉因為氏今聞

喜書城是也六世孫陵當傷王之時封為解邑君乃去邑從衣為裴裴衣長貌一云晉平公封顯瑱之孫鍼于周川之裴中號裴君疑不可辨陵裔孫蓋漢水衡都尉侍中九世孫燉煌太守遵自雲中

從光武平隴蜀徙居河東安邑安順之際徙聞喜會孫暉并州刺史度遠將軍子茂字巨光靈帝時歷郡守尚書率諸將討李傕有功封陽吉平侯生三子潛徽輯徽字文秀魏冀州刺史蘭陵武公四

子黎康楷綽黎字伯宗名演游擊將軍祕書監二子粹苞苞三子軫不彬彬生嗣嗣西涼武都太守三子邕天明策邕度江居襄陽生順宗順宗三子叔寶叔業令寶叔業齊南兖州刺史初歸北號南

來吳裴事後魏豫州刺史蘭陵郡公諡忠武子禧之字文聽北齊隋王左常侍禧之子譚輔國將軍襲蘭陵敬公譚子景富平令景子正隋散騎常侍正子睿字歸原南鄭鄭令睿子守真字方忠邠寧

二州刺史方忠第三子耀帝虞漢書地理志秦之先曰伯益出自帝顓頊助禹治水為舜朕虞養育草木鳥獸賜姓嬴氏守代郡

三國志裴潛字文行河東聞喜人也太祖定荊州以潛參丞相軍事出歷三縣令入為倉曹屬時代郡大亂以潛為代郡太守世濟其美不隕其

名句出左傳詳見十八卷十六族註長平郡隋書地理志長平郡舊曰贊理杜氏通典隋開皇三年改別駕治中為長

史司馬至煬帝又罷長史司馬置贊治一人後又改郡贊治為丞位在通守下唐人以高宗諱治通以治為理故曰贊理洛南唐書地理志關內道南

鄭唐書地理志山南道興元府有南鄭縣太常博士唐六典太常寺有博士四人從七品上駕部唐六典兵部有駕部員外郎一人從六品

上夏官員外唐六典兵部有員外郎二人從六品上唐書光宅元年改兵部曰夏官楚王劉昫唐書元宗本紀垂拱三年閏七月丁卯封楚王

長壽二年臘月丁卯改封臨淄郡王諮議參軍唐書百官志王府官有諮議參軍事一人正五品下掌訐謀議事邠寧晉克

沂按唐書地理志邠州新平郡寧州彭源郡俱屬關內道晉州平陽郡屬河東道兗州魯郡沂州琅邪郡俱屬河南道承家周易師卦大君有命開國承家復始

左傳公侯之子種德也孔穎達正義種物必布于地故言種也是則是數小雅君子是則是傲

毛萇傳是則是傲言可法傲也伯達魏書司馬朗字伯達河內温人也十二試經為童子郎子琰後漢書黃琬字子琰早而辯慧祖父瓊為魏郡太守建和元年

正月日食京師不見而瓊以狀聞太后詔問所食多少瓊思其對而未知所況琬年七歲在傍曰何不言日食之餘如月之初瓊大驚即以其言應詔而深奇愛之

校書郎唐書百官志祕書省有校書郎十人正九品下安國相王劉昫唐書睿宗本紀神龍元年以誅張易之昆弟功進號安國相王遷太

尉加實封典籤唐書百官志王府官有典籤二人從八品下掌宣傳書教班固隋書經籍志光武中與篤好文雅于東觀及仁壽閣集新書校書郎班固傅毅等典

掌焉劉楨三國志文帝為五官將及平原侯植皆好文學王粲與北海徐幹字偉長廣陵陳琳字孔璋陳留阮瑀字元瑜汝南應瑒字德璉東平劉楨字公幹並見友善文帝書與

元城令吳質曰公幹有逸氣但未遭耳國子主簿唐書百官志國子監有主簿一人從七品下詹事府丞唐書百官志詹事府

有丞二人正六品上儲案韋承慶重上東宮啓昔參朱邸忝膠東之藩史晚侍青宮叨望苑之儲案河南府唐書地理志河南府河南郡本洛州開元元年為府

士曹參軍唐書百官志外官有士曹司士參軍事掌津梁舟車舍宅工藝考功員外郎唐六典吏部有考功員外郎一人從六品

上曹無留事南史梁始興忠武王憺為荊州刺史自以少年始居重任開導物情辭訟者皆立待教決于俄頃曹無留事下無滯獄黜陟尚書黜陟幽明孔安國傳黜退其幽者升進其明者野無遺賢尚書野無遺賢萬邦咸寧右司郎中唐六典尚書都省有右司郎中



一人從五品上 **兵部郎中** 唐六典兵部有郎中二人從五品上

**長安縣** 唐書地理志京兆府有長安縣

**一臺推**

**妙** 晉書尚書令衛瓘學問深博明習文藝與尚書郎敦煌索靖俱善草書時人號為一臺二妙

**天旨** 晉書拜授之榮初非天旨

**務材訓農**

左傳衛文公大布之衣大帛之冠務材訓農通商惠工敬教勸學授方任能孔穎達正義曰務材務在植材用也訓農訓民勸農業也通商通商販之路合貨利往來也惠工加恩惠于百工賞其利器用也敬教敬民五教也勸學勸民學問也授方授民

以事皆有方法也任能其所委任信用能人也

**襁負** 三國志涼茂為泰山太守旬月之間襁負而至者千餘家裴松之註博物

記曰襁織縷為之廣八寸長尺二以約小兒于背上負之而行 **路不拾遺** 史記子產為相三年門不夜關道不拾遺後漢書宋登為潁川太守市無二價道不拾遺

**汲黯** 史記河內失火延燒千餘家上使汲黯往視之還報曰家人失火屋比延燒不足憂也臣過河南河南貧人傷水旱萬餘家或父子相食臣謹以便宜持節發河南倉粟以振貧民

臣請歸節伏矯制之罪上賢而釋之 **封東嶽** 唐書元宗本紀開元十三年十一月庚寅封于泰山 **馳道** 禮記馳道不除孔穎達正義馳道正道如今御路也

是君馳走車馬之處故曰馳道也 **犧牲玉帛** 左傳犧牲玉帛待于二境 **資糧屏屨** 左傳若出于陳鄭之間共其資糧屏屨其

可也杜預註屏草屨也孔穎達正義曰少儀云君將適他臣如致金玉貨貝于君則曰致馬資于有司鄭元云資猶用也然則諸所費用之物皆為資也糧謂米粟行道之食也屏屨俱是在足之物善

惡異名耳揚雄方言云屏纒屨也絲作之曰履麻作之曰屨纒者謂之屨喪服傳曰 **宰旅** 左傳

宣子聘于周王使請事對曰晉土起將歸時事于宰旅無他事矣鄭康成 **魯視邾滕** 左傳

子使謂叔孫以公命曰視邾滕杜預 **師出周鄭** 左傳陳轅濤塗謂鄭申侯曰師出于陳鄭

註兩事晉楚則貢賦重故欲比小國

循海而歸其可也申侯曰  
善濤塗以告齊侯許之  
如京小雅會孫之稼如茨如梁會孫之庾如坻如京乃求于斯倉乃求萬斯箱毛萇傳京高邱也  
百執事

商書邦百師長百執事之人尚皆隱哉孔穎達正義  
云百執事謂大夫以下諸有職事之官皆是也  
粒虞書蒸民乃粒孔安國傳米食曰粒  
林會詩大雅殷商之旅其

會如林孔穎達正義殷商之兵  
衆其會聚之時如林木之盛也  
谷量漢書戎王十倍其償子畜畜至用谷量牛馬師古註言其數饒不可算計故以山谷多少言之  
無虞

燥濕左傳賓至如歸無寧蓄患不畏寇盜而亦不患燥濕  
羽毛西京賦所好生毛羽所惡成瘡瘡張銑註言此辯士所好者譽之使生羽毛所惡者毀之令生瘡瘡

貝錦小雅萋兮斐兮成是貝錦彼譖人者亦已太甚毛萇傳貝錦錦文也鄭康成箋興者喻譖人集作己過以成于罪猶女工之集采色以成錦文  
冒貨賄

左傳貪于飲食冒于貨賄  
杜預註冒亦貪也  
淫芻蕘左傳叔鮒求貨于衛淫芻蕘者孔穎達正義芻者飼牛馬之草也蕘者共燃火之草也  
中旨

南史豫聞中旨  
罔不宣露  
暴征左傳偏介之關暴征其私  
旋踵史記議不反顧計不旋踵  
若取諸懷左傳所謂取諸其懷

而與之者  
餽牽竭矣左傳吾子淹久于敝邑惟是脯資餽牽竭矣註性腥曰餽牲生曰牽  
班貢藝事左傳子產爭承曰昔

天子班貢輕重以列列尊貢重周之制也卑而貢重者甸服也鄭伯男也而使從公侯之貢懼弗給也敢以爲請諸侯靖兵好以爲事行理之命無月不至貢之無藝小國有闕所以得罪也諸侯修盟存小國也貢獻無極亡可待也存亡之制將在今矣自日中以爭至于昏晉人許之仲尼謂子產于

是行也足以爲國基矣詩曰樂只君子邦家之基子產君子之求樂者也且曰合諸侯藝貢事禮也  
杜預註列位也  
藝法制也

代有  
馬稜東觀漢記馬稜爲廣陵太守郡連歲有蝗蟲穀價貴稜奏罷鹽官振貧羸薄賦稅蝗蟲飛入海化爲魚蝦  
洪水滔天書益稷謨洪水滔天  
天災流行左傳天災流行國家

王右丞集卷二十一  
七  
中華書局聚

浩浩懷山 冲融 木華海賦冲融沉瀦李善註冲融沉瀦深廣之貌

五稼 杜預左傳註平地出水漂殺熟麥及五稼之苗孔穎達正義種之曰稼斂之曰稽月

今五時食穀黍稷麻麥豆周禮謂之五穀故云

星邁 魏明帝善哉行兼塗星邁亮效行阻

平板榦具

猴糧 左傳令尹蔣艾獵城沂使封人慮事以授司徒量功命日分財用平板榦稱奮築程土物議遠邇略基趾具猴糧度有司事三旬而成不愆于素杜預註榦榦也略行也趾城足也

猴乾食也孔穎達正義曰釋詁云榦榦榦也舍人曰榦正也築墻所立兩木也榦所以當墻兩邊郭土者也彼榦為榦故謂榦為榦謂墻之兩頭立木也板在兩旁即郭土者即彼丈榦也平板榦者等

其高下使 呂梁之人 莊子孔子觀于呂梁縣水三十仞流沫四十里鼃鼃魚鼃之所不能游也見一丈夫游之以為有苦而欲死也使弟子並流而拯之數百

步而出被髮行歌而遊于塘下孔子從而問焉曰吾以子為鬼察子則人也請問蹈水有道乎曰亡吾無道吾始乎故長乎性成乎命與齋俱入與汨偕出從水之道而不為私焉此吾所以道之也

淇園之竹 漢書上乃使汲仁郭昌發卒數萬人塞瓠子決河于是上以用事萬里沙則還自臨決河淇白馬玉璧令羣臣從官自將軍以下皆負薪實決河是時東郡燒

草以故薪柴少而下 累卵 漢書危于累卵難于上天 間不容髮 漢書其出不出間不容髮 為人請

命 裴松之三國志註為民請命則活萬國為世撥亂則致升平 風伯 龍魚河圖天太白星主兵凶其精下為風伯之神風俗通飛廉風

伯也元冥兩師也搜神記風伯 陽侯 應劭漢書註陽侯古之諸侯也 王尊 漢書王尊遷東郡太守久之河

水感溢泛浸瓠子金隄老弱奔走恐水大決為害尊躬率吏民投沉白馬祀水神河伯尊親執圭璧使巫策祝請以身填金隄因止宿廬居隄上吏民數千萬人爭叩頭救止尊尊終不肯去及水感隄

壞吏民皆奔走惟一主簿泣在尊旁立不動而水波稍卻迴還吏民嘉壯尊之勇節 下密捷 如淳漢書註樹竹塞水決之口稍稍布插按樹之水稍弱補令密謂之捷以草塞其

中乃以土填之  
有石以石爲之  
**長菱**  
漢書溝洫志長菱今湛美玉河公許今薪不屬巨瓊曰竹葦經謂之菱也所以引置土石也師古曰纂拔也湛美玉者以祭河

也菱字宜從竹  
奉音騫菱音交  
**土簣**  
玉篇簣土籠也  
**蘧廬**  
郭象莊子註蘧廬猶傳舍也  
**成之不日**  
大雅庶民攻之不日成之

**重泉**  
淮南子川谷通原積水重泉龜鼉之所便也  
**方軌**  
漢書車不得方軌師古註方軌謂併行也  
**竹箭**  
慎子西河下龍門其流敵于竹箭

**九仞**  
周書爲山九仞功虧一簣孔安國傳八尺曰仞  
**執扑**  
左傳子罕聞之親執扑以行築者而挾其不勉者曰吾儕小人皆有闔廬以辟燥濕寒暑今君爲一臺而

不速成何以爲役杜  
預註扑杖也  
**攀轅**  
北史宋世良拜清河太守及代至傾城祖道有老人丁金剛者泣而前謝曰老人年九十記三十五政府君非惟善政清亦徹底今失賢

者人何以濟莫  
不攀轅滄泣  
**崇朝**  
國風崇朝其雨毛萇傳崇終也從旦至食時爲終朝  
**升聞**  
尚書元德升聞乃命以位  
**五教**  
尚書汝作司徒敬敷

五教左傳舜舉八元使布五教于四方父義母慈兄友弟恭子孝孔穎達正義曰一家之內父母兄弟子尊卑有五品父不義母不慈兄不友弟不恭子不孝是五品不遜順也故使契爲司徒布五教

于四方教父以義教母以慈教兄以友教弟以恭教子以孝是之謂五教  
**淮陽**  
史記汲黯遷爲東海太守黯學黃老之言治官理民好清靜擇丞史而任之其治責大指而已不苛小黯

多病臥閨閣內不出歲餘東海大治稱之  
後爲淮陽太守黯居郡如故治淮陽政清  
**加信兒童**  
後漢書郭伋爲并州牧始至行部到西河美稷有童兒數百各騎竹馬道

次迎拜伋問兒曹何自遠來對曰聞使君到喜故來奉迎伋辭謝之及事訖諸兒復送至郭外問使君何日當還伋謂別駕從事計日當告之行部既還先期一日伋爲違信于諸兒遂止于野亭須期

乃入  
**齊人**  
漢書齊人多詐而無情  
**明閑**  
北史薛琬久在省闈明閑簿領  
**曉習文法**  
漢書尹翁歸爲獄小吏曉習文法

**六義**  
子夏詩序故詩有六義焉一曰風二曰賦三曰比四曰興五曰雅六曰頌  
**忠貞**  
左傳臣竭其股肱之力加之以忠貞  
**孫謀**  
詩大雅詒厥孫謀以

燕翼  
清白後漢書楊震性公廉不受私謁子孫常蔬食步行故舊長者或欲令為開產業震不肯曰使後世稱為清白史子孫以此遺之不亦厚乎 出言有

章詩小雅其容不改出言有章 王襄漢書益州刺史王襄欲宣風化于衆庶聞王褒有俊材請與相見使褒作中和樂職宣布詩選好事者令依鹿鳴之聲習而歌之時何武

為儻子選在歌中久之武等學長安歌太學下轉而上聞宣帝 奚斯班固兩都賦故臯陶歌虞召見武等觀之皆賜帛謂曰此威德之事吾何足以當之 奚斯頌魯李善註詩魯頌

曰新廟奕奕奚斯所作薛君曰奚斯魯公子也 綴詞潘岳馬汧督誅綴詞之士未之或遺也 童子何知

國語范文子暮退于朝武子曰何暮也對曰有秦客庚辭于朝大夫莫之能對也吾知三焉武子怒曰大夫非不能也讓父兄也爾童子何知而三掩入于朝 大不必佳

世說孔文舉年十歲隨父到洛時李元禮有威名為司隸校尉詣門者皆備才清稱及中表親戚乃通文舉至門謂吏曰我是李府君親既通前坐元禮問曰君與僕有何親對曰昔先君仲尼與君先

人伯陽有師資之尊是僕與君奕世為通好也元禮及賓客莫不奇之大中大夫陳寔後至人以其語語之寔曰小時了了大未必佳文舉曰想君小時必當了了寔大踉蹌 岱宗

初學記太山五經通義云一曰岱宗言王者受命易姓報功告成必于岱宗也東方萬物始交代之處宗長也言為羣嶽之長 千乘萬騎蔡邕獨斷天子大駕則公卿奉

引大將軍參乘太僕御屬 痛孔安國尚書傳痛病也 沉玉見淇園竹註中 馮夷山海經從極之淵深三百仞維冰夷恒都

焉冰夷人面乘兩龍郭璞註冰夷馮夷也淮南云馮夷得道以潛大川即河伯也穆天子傳所謂河伯無夷者竹書作馮夷事或作冰也博物志馮夷華陰潼鄉人也得仙道化為河伯李善文選註書

傳曰河伯華陰潼鄉人也姓馮氏名夷浴于河中而溺死是為河伯太公金匱曰河伯姓馮名修裴氏新語謂為馮夷淮南子曰馮夷服夷石而水仙註曰馮夷河伯也華陰潼鄉隄首人服夷石而水

仙俾使也史記正義馮名夷以庚日溺死河常以庚日好溺死人 洪漣木華海賦喻波則洪漣 降邱宅土馬貢桑土

既靈是降邱宅土孔安國傳地高曰邱大水去民下邱居平土就桑靈

威

梁書武帝紀功業克建威馨四海

淚淫淫

楚辭望長楸而太息兮涕淫淫

其若霞王逸註淫淫流貌也

德音

詩豳風公孫碩膚德音不瑕

### 京兆尹張公德政碑

雲從龍風從虎氣應也聖人作賢人輔德同也君臣

同德天地通氣以康九有以遂萬類惟皇御極二十

載光格四表至于海隅日出越小大邦蠻貊師長罔

不欽于成憲以承天休然天子猶日省三揖列辟

揖唐文粹

日聽萬方輿頌懼人有未化賢有未登故敷及陋

兼乎十等

故顧本作明今改從唐文粹本

時以觀行乃得我賢京兆焉夫京兆號為難理清淨

病于不給刀筆拘于守文或以軟弱廢或以賊殺劾

把宿負淺為丈夫用鉤距蓋非長者我則異于是大

道難名大理無法閉關于任數巧算不能知堅壁于  
畫一善政不能下摧宿豪如薙草無愠色視大權如  
歷塊無傲容百司之務總以奇而得正

唐文粹作百司之吏  
總一德以威服

五

方之人雜異教而同理受命之始先聲已振黠吏惡  
少聞風改行

改唐文粹  
作族

及乎鳴騶詣府登堂坐定縣尹掾

史以次上謁守正之人其氣高含章之人其詞大見

容色而聞號令小人戚而君子泰

感唐文粹  
作感

日者櫟陽男

子閭里為豪借客報仇聚人為盜或白日手刃或黃

塵袖鎚政寬則以身先諸偷操急則以事中長吏貳

過不已萬計自脫公命吏縛之立死鈴下

鈴顧本作領今  
改從唐文粹本

于

是人入閭室若遇大賓焉前年不登人頽太甚野無

遺秉

兼唐文粹  
作糠

路有委骨天子不忍征于不粒賦于無衣

六軍從衛以臨東諸侯息關中也帝曰咨天之降威

之唐文粹人罔畏罪台恐寇盜迺邑矧曰蕩析離居惟爾

克濟撫茲方夏方夏唐文粹作西土公拜稽首思塞休命布慈惠之

政不以利淫振雷霆之威其或宥過饗人減雙雞之

膳圉人省五馬之秣陶不獻服巧不填館自身已往

振廩同食雖人烟不動道殣相望不思濫以苟生咸

守教以就死是不可能也先是王公或專南山之利

司農涸昆明之池收赤岸澤將為田以便官至是悉

奏罷之舟鮫衡麓之守廢鮫唐文粹作漁誤蒲荷薪蒸之產入自

郊徂邑室有魚殮斬陰伐陽市多山木人得以贍惟

涇有防比歲多決近縣疲于力役他山匱于度材公

命刮朽壤填巨石辦大木去編管其始告勞乃終有



慶匠石日減功萬藏史日省錢億農始竟耒竟唐文粹作學女

始安織于是台背黃髮之老唐文粹作齡背黃髮之耆曰我有田疇鍾

秉其畝我有子弟顏閔其行鄉黨以睦惇失其獨道

路有禮汰無與爭顧元緯本作鄉黨以睦恂子失其獨道路有禮祀汰無與爭今改從唐文粹本酒先養老賄

不問吏既無吠犬犬唐文粹作狗亦無奸人臨年餘資幸蒙惠

化幸唐文粹作竊其曷以臻茲君子曰此天子至公內舉不避

親錫汝明君君唐文粹作尹張公之力也夫公于國為外戚于

帝為外弟重組累印珥香貂者七葉奉車駙馬乘朱

輪者十人勝衣則綺襦紈袴通籍則玉墀青瑣動則

兩驂如舞坐則五鼎成列文軒楚製素女趙舞而公

儼兮其若客淡兮其無味客舊本皆作容今校正心在四教語稱七

德目視六籍口誦九歌懷君子令德之忠保詩人錫

類之孝悌有過于共被慈有踰于含食惡衣以居公服不敢降也屈體下士王綱不敢替也協二姓之好以正人倫旁無嬖御分一人之憂以審官政下多英傑若夫皇帝敬問之詔御札自書天王命賜之衣上宮所製勞勤則中使接武計議則走馬來朝豈惟衆臣重其經術爲吏雜以儒雅而已且公之升聞于天

唐文粹于之字下多一德字

非一朝一夕之漸也亦所以稱職于累官著

聲于所在其丞祕書也闕文遺簡多在大家深爲子孫之藏密有緘滕之固公不憚權貴或抵或誘盡歸天閣

盡一本作畫非

官書備焉其牧郢也

郢字下唐文粹多一人字

人有不若德

戮之不爲暴人有不保居撫之不爲諂存者考其事壯其食以畜之行者緝其宮藝其樹以待之此邦之

人既優他邦之人又重焉重唐文粹作至未盈一歲遂增萬戶

其守汾也仍歲大旱郡祠介推雖屢舞僊僊僊僊舊作仙非而

靈應未若公命束蘊取火伐樹寘薪釀酒而祝曰有

功于人祀為明神無德而祿禍亦覆餗自絳以來人

實祀子純犧大璧不敢愛必以薦也童兒季女不敢

黷必以敬也神既靡咎人將安仰若亭午而雨則樹

其鷺羽執此駢毛不然者火燎將至焮天鑠地靈衣

且為煨燼豐屋將為茂草爾其圖之言未畢而雲興

拜未起而雨降周于闔境不入他郡雖封疆咫尺而

彼竭我盈嘻若記能事載盛德渭川之竹不足簡終

南之木不足軸夫訓人至于禮義曰德安人免于阽

危曰功德者上賞于上下頌于下長老孜孜願刊于

石以予學于舊史來卽我謀且維與人編戶與人爲  
伍與人出入與人言語知風俗之淳弊識政化之源  
本屬詞媿文書事蓋實詞曰

五代相韓七葉侍漢及我聖朝亦生邦翰大道無形  
貞蠱以幹含章不耀在割能斷情僞萬端吾道一貫

帝選賢尹無以易張金印紫綬京兆之良

良唐文粹  
作章

佩我

鳴玉冠我兩梁天子休命拜手以將寬而愛人立滅  
暴彊明明天子哀此南畝將息西人遂覲東后我教  
我訓我鎮我守茫茫三秦則罔餬口守死以義徇生  
不苟王曰外弟視人不佻何以寵之手書以詔何以  
問之賜衣而朝俾人華胥致君帝堯刻石作頌永世

彌昭

京兆尹

唐六典京兆尹從三品

九有

商頌方命厥后奄有九有毛萇傳九有九州也

萬類

張華詩洪鈞陶萬類大塊稟羣生李周翰

註萬類萬物也

四表

虞書光被四表格于上下孔安國傳格至也

海隅日出

周書海隅出日罔不率俾

越小大

邦

周書越小大邦用喪

師長

商書邦伯師長孔安國傳云衆長公卿也孔穎達正義云師訓爲衆衆長衆官之長故爲三公六卿也與蠻貊字不相貫右丞蓋借作君長字用矣

以承天休

商書各守爾典以承天休孔安國傳守其常法承天美道

三揖

周禮土揖庶姓時揖異姓天揖同姓鄭康成註土揖推手小下之也時揖

平推手也天揖推手小舉之

列辟

司馬相如封禪文歷選列辟以迄于秦李善註辟君也班固典引德臣列辟功君百王李周翰註列辟百官也

輿頌

晉語輿人

誦之曰佞之見佞果喪其田章昭註輿衆也不歌曰誦

敷側陋

虞書明明揚側陋孔安國傳明明舉明人在側陋者廣求賢也孔穎達正義汝當明白舉其明德之人于辟

隱鄙陋之處何必在位之人乃舉之也往時文人有訾明揚側陋四字爲割截書語用者是從沈蔡註而未遠稽天二孔之釋耳

十等

左傳天有十日人有十等故王臣公公臣

大夫大夫臣士士臣卑卑臣輿輿臣隸隸臣僚僚臣僕僕臣臺孔穎達正義云公者五等諸侯之總名公言公正無私也大夫者夫之言扶也大能扶成人也士者事也言能理庶事也服虔云阜造也

造成事也輿衆也佐卑舉衆事也隸隸屬于吏也僚勞也共勞事也僕僕豎主藏者也臺給臺下微名也

把宿負

漢書張敞守京兆尹自趙廣漢誅後比更守尹如黃霸等數人

皆不稱職京師寤廢長安市偷盜尤多百賈苦之敞既視事求問長安父老偷盜曾長數人居皆温厚出從童騎閭里以爲長者敞皆召見責問因貫其罪把其宿負令致諸偷以自贖偷長曰今一旦

召詣府恐諸偷驚駭願一切受署敞皆以爲吏遣歸休置酒小偷悉來賀且飲醉偷長以赭汗其衣裾吏坐里閭閱出者汗赭輒收縛之一日捕得數百人窮治所犯或一人百餘發盡行法罰由是枹

鼓稀鳴市無偷盜天子嘉之師古曰把執持也

淺爲丈夫

左傳宣子出曰吾淺之爲丈夫也

鉤距

漢書趙廣漢爲京兆尹尤善爲鉤距以得

事情鉤距者設欲知馬賈則先問狗已問羊又問牛然後及馬參伍其賈以類相準則知馬之貴賤不失實矣唯廣漢至精能行之他人效者莫能及也晉灼註鉤致也鉤問也使對者無疑示若不問而自知衆莫覺所由

**任數** 韓非子夫治法之至明者任數不任人是以前術之國不用譽而得以閉其術為鉤也 人之情境內必治任數也亡國使兵公行乎其地而弗能圍禁者任人而無數也淮南子體道者逸 畫一 漢書百姓歌之曰蕭何為法講若畫一曹參代之守而不窮任數者勞而無功 而弗失載其清靖民以寧壹師古曰畫一言整齊也 **宿**

**豪** 漢書長安宿豪大猾東市賈萬城西萬章箭張 他計切 **歷塊** 聖主得賢臣頌 禁酒趙放杜陵楊章等皆通邪結黨挾養奸軌 他計切 **歷塊** 過都越國蹶如

**歷塊** 聲而後實者 **族行** 左傳公之奇以 其族行 **掾** 六書故掾乃屬 官通稱 **上謁** 漢書傳不

至門上謁師古註上 **含章** 周易含章可貞孔穎達正 義內含章美之道 **櫟陽** 元和郡縣志京 北府有櫟陽縣 **借客報**

**仇** 漢書朱雲少時通輕俠借 客報仇師古註借助也 **鈴下** 晉書輿服志鈴 下二人執馬鞭 **閭室** 南史何子平幼持操檢教厲名 行雖處閭室如接大賓

**不登** 劉昫唐書本紀開元二十一年關中久雨害稼京師饑詔 出太倉米二百萬石給之二十二年春正月己巳幸東都 **遺秉** 小雅彼有遺秉此有 澤穗毛萇傳云秉把

**委骨** 鮑照蕪城賦埋魂幽石委 骨窮塵李善註委猶積也 **不粒** 北史高允雖蒙寵待而家 貧布衣妻子不粒 **東諸侯** 左傳 諸侯杜預註主齊魯之屬 我國有疵

**析離居** 商書今我民用蕩析離居罔有定極 孔穎達正義播蕩分析離其居室 **宥過** 尚書宥過無大 刑故無小 **雙鷄** 左傳公膳 日雙鷄饗

人竊更之以驚杜預 **圉人** 鄭康成周禮註 圉人掌養馬者 **省秣** 毛萇詩傳歲凶年穀 不登則趣馬不秣 **陶不獻服**

杜預左傳註復**填館**左傳坊人以時填館宮室杜預註坊人塗者填塗也孔穎達正義曰釋宮陶主衣服之官**填館**云鏝謂之枋李巡曰鏝一名枋塗工作具也郭璞云泥鏝也然則坊是塗

之所用因謂泥墻屋**振廩同食**左傳自廬以往振廩同食杜預註振發也廩倉也同食上下無異饌也**道殣**左傳道殣之人為坊人

富溢尤杜預註餓死為殣國語四境**舟鮫衡麓蒲荷薪蒸**左傳山林之木衡鹿

守之數之薪蒸虞侯守之海之鹽蜃祈望守之杜預註衡鹿舟鮫虞侯祈望皆官名也孔穎達正義曰周禮司徒之屬有林衡之官掌巡林麓之禁鄭元云衡平也平林麓之大小及所生者竹木生平

地曰林山足曰麓此置衡鹿之官守山林之木是其宜也舟是**魚殮**公羊傳俯而窺其戶方食魚殮**斬陰**行水之器鮫是大魚之名澤中有水有魚故以舟鮫為官名也

**伐陽**周禮仲冬斬陽木仲夏斬陰木鄭康成註鄭司農云陽木春夏生者陰木秋冬生者元謂陽木生山南者陰木生山北者**涇防**元和郡縣志涇水在京北府雲

陽縣西南二十五里初鄭國分涇水置鄭渠後倪寬又穿六輔渠今此縣與三原界六道小渠猶有存者謹按秦始皇元年韓聞秦好興事欲疲之乃使水工鄭國間說令鑿涇水自仲山西瓠口為渠

東注洛三百餘里欲以溉田中作而覺秦欲殺國國曰始臣為間然渠成亦秦之利秦以為然卒使就渠既成溉澤鹵之地四萬頃畝皆一鍾關中無凶年命為鄭國渠後至漢武帝元鼎六年一百三

十六歲倪寬為左內史又奏請穿六輔渠以益溉鄭渠旁高印之田後十六歲**他山**詩小雅他

趙中大夫白公又奏穿涇水注渭中溉田四千餘頃人得其饒而歌之**編管**左傳或取一秉

以為**編管**左傳或取一秉**乃終有慶**借周易坤卦句**匠石**莊子匠石之齊至乎

曲轅**台背黃髮**魯頌黃髮台背壽胥與試鄭康成箋黃髮台背皆壽徵也台之言給也大老則背有給文**鍾秉**杜預左傳註六斛曰秉**酒先養老**家語酒者所以養老**吠犬**後漢書劉寵拜會稽太守簡除煩苛禁察非法郡中大化徵為

晏論語集解十

將作大匠山陰縣有五六老叟龐眉皓髮自若邪山谷間出人齋百錢以送寵寵勞之曰父老何自苦對曰山谷鄙生未嘗識郡朝宅守時吏發求民間至夜不絕或狗吠竟夕民不得安自明府下車以來狗不夜吠民不見吏年老遭值聖明今聞當見棄去故自扶奉送寵曰吾政何能及公言邪勤苦父老為人選一大錢受之

化

內舉不避親

韓非子聖王明君內舉不避親外舉不避讎

奉車駙馬

唐書百官志奉車都尉掌駙副車有其名

而無其人大陳設則他官攝駙馬都尉無定員與奉車都尉皆從五品下

朱輪

漢書楊惲傳惲家方隆盛時乘朱輪者十人

綺襦紈袴

漢書敘傳

在于綺襦紈袴之間非其好也晉灼曰白綺之襦冰紈之袴也師古曰紈素也今素綾也並貴戚子弟之服

通籍

漢書霍光夫人顯及諸女皆通籍長信宮師古註通籍謂禁門之中

皆有名籍恣出入也

兩驂如舞

詩鄭風執轡如組兩驂如舞孔穎達正義其兩驂馬與兩服馬和諧如人舞者之中于樂節也

文軒

後漢書崔駰傳文軒

丹轂顯于新世

素女

史記太帝使素女鼓五十弦瑟悲帝禁不止故破其瑟為二十五弦此借用其字作美女稱

儼兮其若客

道德經古

之善為士者微妙元通深不可識夫唯不可識故強為之容與兮若冬涉川猶兮若畏四隣儼兮其若客河上公註如客畏主人儼然無所造作也

淡兮其無味

道德經道之出口淡乎其無味

四教

禮記樂正崇四術立四教順先王詩書禮樂以造士春秋教以禮樂冬夏教以詩書

六籍

班固東都賦六籍所不能談李善註六籍

六經

令德

左傳忠為令德

錫類

詩孝子不匱永錫爾類鄭康成箋孝子之行非有竭極之時長以與汝之族類謂廣之以教導天下也

含食

世說新語郗公值永嘉喪亂在鄉里甚窮餒鄉人以公名德傳共飴之公常攜兄子邁及外甥周翼二小兒往食鄉人曰各自饑困以君之賢欲共濟君耳恐不能兼有所存公于是獨往食輒含飯箸

兩頰邊還吐與二兒後並得存同過江郗公亡翼為劉縣解職歸席苴于公靈牀頭心喪終三年

敬問

晉書成帝幼冲見王導每拜常與導書手詔則云惶恐言中書作詔則曰



敬問于是  
以為定制  
**天王**  
蔡邕獨斷天王諸夏之所稱天  
下之所歸往故稱天王

**接武**  
武跡也借用禮  
記堂上接武字  
**衆臣重其**

**經術**  
漢書始元五年有一男子乘黃犢車建黃旒衣黃襜褕著黃冒詣北闕自謂衛太子公車  
以聞詔使公卿將軍中二千石雜識視長安中吏民聚觀者數萬人右將軍勒兵闕下以

備非常丞相御史中二千石至者立莫敢發言京兆尹雋不疑後到叱從吏收縛或曰是非未可知  
且安之不疑曰諸君何患于衛太子昔蒯瞶違命出奔輒距而不納春秋是之衛太子得罪先帝亡

不即死今來自詣此罪人也遂送詔獄天子與大將軍霍光聞而嘉之曰公卿  
大臣當用經術明于大誼繇是名聲重于朝廷在位者皆自以不及也  
**雜以儒雅**

漢書張敞治京兆略循趙廣漢之迹方略耳目發伏禁姦不如廣漢然敞  
本治春秋以經術自輔其政頗雜儒雅往往表賢顯善不醉用誅罰  
**祕書丞**  
唐書百官  
志祕書省

丞一人從  
五品上  
**緘滕**  
莊子攝緘  
滕固屬鏞  
**郢**  
唐書地理志山南東  
道有郢州富水郡  
**若德**  
若順也周書宏  
于天若德  
**保居**  
尚書  
生民

保厥  
居  
**汾**  
唐書地理志河東道  
有汾州西河郡  
**介推祠**  
太平寰宇記汾州介休縣有介山一名橫嶺地名綿  
上左傳晉侯賞從亡者介之推不言祿祿亦不及遂

與母皆隱而死晉侯求之不獲以綿上為之田曰以志吾過且旌善人杜註西河介休縣  
南有地名綿上此山即綿上田之故地漢以為縣郡國志云介山上有子推塚并祠存  
**屢舞**

**僊僊**  
詩小雅舍其坐遷屢舞僊僊孔  
穎達正義僊僊舞貌也  
**東縕取火**  
漢書蒯通傳即東縕取火于亡  
肉家師古註縕亂麻音于粉反  
**覆**

**鍊**  
周易鼎折足覆公餗其形渥凶孔穎  
達正義鍊糝也八珍之膳鼎之實也  
**純犧**  
高唐賦進純犧禱琬室孔  
安國尚書傳色純曰犧  
**大壁**  
左傳界余  
而大壁

**亭午**  
初學記纂要云日在午曰亭午孫綽遊天台山  
賦羲和亭午遊氣高褰劉良註亭至也  
**鷺羽**  
詩陳風無冬無夏值其鷺羽毛  
長傳鷺鳥之羽可以為翳鄭康

成箋翳舞者所  
持以指麾  
**駢毛**  
左傳王賴之而賜之駢旄之盟杜預註駢旄赤牛也孔穎達正義周禮牧  
人陽祀用駢牲檀弓云周人尚赤牲用駢尚書洛誥云文王駢牛一武王

駢牛一諸言駢皆是赤牛則知此駢旄是赤牛也旄謂尾也共旄旗之用故其字從旄旗者旄旗行而從風偃也  
**靈衣**楚辭九歌靈衣兮披披玉佩兮陸離  
**來卽**

**我謀**詩衛風匪來貿絲來卽我謀鄭康成箋卽就也  
**編戶**漢書諸將故與帝爲編戶民師古註編戶言列次民籍也  
**五代相韓**

史記留侯張良者其先韓人也大父開地相韓昭侯宣惠王襄哀王父平相釐王悼惠王悼惠王二十三年平卒卒二十歲秦滅韓良年少未宦事韓韓破良家僮三百人第死不葬悉以家財求客刺

秦王爲韓報仇以大父父五世相韓故  
**七葉侍漢**左太冲詩金張藉舊業七葉珥漢紹李善註班固漢書金日磾贊曰七葉內侍何其盛也七葉自武至平也又張湯

傳贊曰張氏之子孫相繼自宣元以來爲侍中常侍者凡十餘人功臣之後惟有金氏張氏親近貴寵比于外戚  
**邦翰**詩大雅大邦維屏大宗維翰毛萇傳翰幹也邦翰者互文借用

爲邦家楨幹之臣也  
**大道無形**淮南子大道無形大仁無親大辯無聲大廉不矜大勇不矜  
**貞蠱以幹**周易蠱卦初六幹父之蠱有子

考無外厲終吉九二  
**在割能斷**晉書袁宏爲東征賦賦末列稱過江諸名德不及陶侃侃子胡奴嘗于曲室抽刀問宏曰家公勳跡如此君賦云何

相忽宏窘急答曰我已感述尊公何乃言無因曰精金百汰在  
**兩梁**杜氏通典漢武帝太初元年更名右扶風與左馮翊

京兆尹是爲三輔治長安城中銀章青綬進賢兩梁冠絳朝服佩水蒼玉  
**天子休命**尙書敢對揚天子之休命  
**明明天子**漢書

成傳明明天子  
**觀東后**尙書歲二月東巡狩至于岱宗柴望秩于山川肆觀東后孔安國傳遂見東方之國君  
**三秦**三輔黃圖項籍滅秦

俊德烈烈  
分其地爲三以章邯爲雍王都廢邱司馬忻爲塞王都櫟陽董翳爲翟王都高奴謂之三秦  
**視人不佻**詩小雅我有嘉賓德音孔昭視民不佻君子是則是做毛萇傳

恍愉也是則是做言可法做也鄭康成箋視古示字也可以示  
**問之**詩鄭風雜佩以問之毛萇傳云問遺也

天下之民使之不愉于禮義是乃君子所法做言其賢也

王右丞集卷之二十一

王右丞集卷之二十二

仁和趙殿成松谷箋註

碑一首

魏郡太守河北採訪處置使上黨苗公德政碑

一本北字下多  
一道字

五方殊俗魏風婉而其人舒九土異宜冀田壤而其  
賦錯前政有寬猛之異時令有班藝之差夫非酌舊  
典于可行啓新圖于必當多方而不失正一貫而或  
從權曲成更人大抵厚俗選衆而舉非公而誰公先  
自吏部侍郎出爲安康郡太守某載月日詔以公爲  
魏郡太守河北道採訪處置使公諱某字郡縣人也  
其出處本末奕世冠冕國史家牒詳焉凡邦伯到官

詔使按部或閉閣思政或下車作威或劾吏爲明或  
移書示禁公異于是可略而言公素號鮮明積有治  
行宿訟不決之務餘地割分疑獄自誣之枉容光立  
照故陋其思政也安全長吏不逐老丞成就諸生光  
教小吏

吏顧本作史今  
考漢書校正

導德齊禮有恥且格故鄙其作威也

謝亭長之問勞野次之賢吏悉謂爲神明人不隱其  
毫髮故無事劾吏也列郡共職清節銷其過求諸曹  
報簿直筆破其污詆故不待移書也山東古之七雄  
河北有其四國地方數千里人蓋億萬計獻子三歎  
之饋滋無舊德平原十日之飲顧有遺風朱亥袖鎚  
豪雄扼腕曹王拂局輕薄爲心奢泰擬都護之堂遲  
緩學邯鄲之步公抑末技而敦本斥浮食以歸業督

課八政擇良吏以遣行講求六籍置學官于便坐于  
是橫經左塾力穡先疇盡業農桑大興庠序家知禮  
義更式段子之廬戶有京坻增修史起之貌叢臺歌  
舞成市鄴郡帝王舊都衮服靚妝挾筑跼屣淇上留  
客河間數錢公課其組紵之庸開其婚嫁之節冶容  
絕四方之袖織室致五匹之工刑于上官訓及處子  
鄭聲衛樂共棄師襄趙帶燕裾思齊漆室漁陽騎客  
奏報本朝鯤海樓船連漕絕域郊迎館給不敢淫其  
芻蕘水路陸衢盡若安于枕席某載月日詔賜紫袍  
玉帶金魚袋衣若干副方伯十聯賴其澄清之轡天  
子七命賜以安吉之衣緹油屏車璽書增秩未是過  
也勝殘之化旣成觀俗之風允穆優游無事學宦思

歸况乎父母之邦近在嬰兒之國表請拜掃有詔許  
焉預約守宰幸無偵候至郡則投刺上謁至邑則舍  
車而徒展禮先塋椎心泣血迴趨長老稽顙緒言宗  
人族姻姑黨姪行覲以重幣筐篚徧于里閭享有加  
牢牛酒溢于衢陌朱軒駟馬耀于衡門紫綬雙龜出  
入編戶蘇公佩印始歸鄉里盡歡疏傅散金不與子  
孫爲計迨乎將去仍以餘資一里置社備養生送死  
之具一鄉置校開閱禮敦詩之本相如衣錦且飛大  
漢檄書買臣懷紱不德長安廐吏故使巴蜀太守負  
弩前驅會稽守丞引章下拜此蓋恨不禮于他日思  
釋憾于故鄉是輕桑梓之人適騁斗筲之志豈若公  
自心而至率禮無違來悅去思推才降體平陽傳舍

不許望塵山陰吏卒詎聞治道富貴還鄉榮之至也  
揚名顯親孝之終也凡百君子無一至焉公當九伯  
之官兼八使之任深總之體不求于無虞□□于草  
竊政成德舉風動神行頃有勳臣旁典屬郡曩者風  
雲際會攀附騰驤貪天之功以爲己力謂國不忘尙  
嘉迺勳宋父宣驕條侯倨貴當關常從橫恣不法帷  
帳狗馬僭侈踰制公劾之則重傷國恩置之則大廢  
邦典于是喻以禍福告之話言昔有不愛趙城將蹈  
滄海旣尊漢室願遂赤松功成不居道家所躡至于  
析珪分組跨壤連州懷四術而自疑見九重而失望  
或冤家上變司敗受辭朝享膏梁寧知獄吏暮成菹  
醢遍賜諸侯難恃白馬之盟徒思黃犬之樂彤墻峻



字萬乘□□□□紫衣狐裘一朝而數三罪雖嫌絳

灌等列不踰梁楚為墟于是翕肩振驚折節度教杜

門謝絕賓客終身不紊紀綱以寬服人實在有德厥

有挾左道飛訛言南國青珠之符東海赤刀之術分

風送客割水飲人偽辯而納之于邪善誘而濟之以

惡戶外多保汝之屨恐為亂階階舊作增非門前無長者之

車知其惑衆公奉誅首惡悉宥面從丕蔽要囚惟良

折獄長顧本作議事以制不徵于書副至仁之納隍用輕

典于平國刑期不濫人乃大安奏課計功天下小察

責吏以實則舉其不矜欲人自新則賞其宿負官以

德舉政以禮成至于賞善勸能正源端本齊風變魯

蓋以悉禮名儒晉盜奔秦豈俟多誅惡少納貢獻賦

則惟恐居後疇庸命賞則義不敢先布以聖恩奉宣  
明主之詔問其理狀對用議曹之言邦家之光其斯  
謂矣年若干秀才擢第應制舉第若干等授某官歷  
某官若夫明眸白皙玉潤珠耀美秀備于儀形風流  
發于言笑行之方也留如守司智之圓也速若發括  
量包羣有思入無間壞壁古文曲臺遺禮淮王九師  
之易漢氏三家之詩傳癖書淫鷹揚學府比文園入  
室之武同丞相登科之策奏甚平讞詩窮綺靡硯燔  
紙貴虎視詞林嘗奉和聖製雨中春望詩云雨後山  
川光正發雲端花柳意無窮又奉和行幸詩云接仗  
風雲動迎軍鳥獸舞時人以爲鮑參軍謝吏部爲更  
生云

云顧本作日誤  
今校正

某年月日詔除公河東太守兼採訪使

官吏百姓等或守闕乞留或遮道更借淚增時雨思  
結仁風親愛之深諱名而號爲父歌詠不足取姓以  
命其兒公旣去官多歷年所人思愈甚共立生祠異  
邑居而瓦合無契約而磨至恐不預于聚財懼不任  
乎輸力棠樹勿翦何如審像圖形桐鄉置祠豈比耳  
聞身及以此觀德何德之深仍建豐碑立于祠宇匍  
匐千里前後百輩求綴詞之客爲頌德之文維也竊  
比老農不知舊史衆心所至難抑與于輿人予病未  
能不獲已于求我乃爲頌曰

禹別九州漢分八使實惟方伯且曰連帥建節乘輅  
觀風察吏山東河北全趙大魏授方任能惟名與器  
蓋非其才孰享斯位天子命我導揚皇風敬教勸學

通商惠工法去太甚政貴得中守丞老病小吏童蒙  
督郵不逐博士成功遂安賢者大啓儒宮四國之餘  
一都之會平原舊俗信陵遺態博塞以遊椎埋爲害  
叢臺淇水燕裾趙帶淳化旁屬貞風俶載劈續卷綃  
橫經秉耒秉耒作乘非清節峻邈碩量宏深投書置水酌酒  
捐金樹德滋蔓持刑不淫訛言免坐倨貴懷音繡衣  
罷斧墨綬停琴旣此時雨當聞作霖申哀松柏展敬  
桑梓伏謁公門徒行故里椎心馬鬣啓顙鯁齒身紆  
紫綬禮及童穉帝賜黃金盡于筐篚社養宗人學招  
邑子能事具舉令問允穆璽書改印緹油轉轂壁挂  
胡牀舍留官犢人吏老幼涕泗號哭頌德豐碑圖形  
華屋閱實數美移晷更僕

苗公

劉昫唐書苗晉卿上黨壺關人幼好學善屬文進士擢第初授懷州修武縣尉歷奉先縣尉坐累貶徐州司戶參軍秩滿隨調判入高等授萬年縣尉遷侍御史歷度支兵吏部三

員外郎開元二十三年遷吏部郎中二十四年拜中書舍人二十九年拜吏部侍郎天寶二載御史中丞張倚男爽參選晉卿以倚初承恩欲悅附之考選人判等凡六十四人登甲乙丙科爽在其首

衆知爽不讀書論議紛然上怒晉卿貶為安康郡太守三載閏二月轉魏郡太守充河北採訪處置使居職三年政化洽聞會入計因上表請歸鄉里既至壺關望縣門而步小吏進曰太守位高德重

不宜自輕晉卿曰禮下公門軾路馬况父母之邦所宜尊敬汝何言哉大會鄉黨歡飲累日而去又出俸錢三萬為鄉學本以教授子弟尋改河東太守河東採訪使入為尚書東京留守徵為憲部尚

書拜左相晉卿寬厚廉謹為政舉大綱不問小過所到有惠化魏人思之為立碑頌德魏風婉左傳吳公子札來聘請觀于周樂為

易行以德輔此則明主也九土國語能平九土章昭冀田禹貢冀州厥土惟白壤厥賦惟上上錯孔

壤賦謂土地所生以供天子上第一錯雜雜出第二等之賦曲成易曲成萬物而不遺安康郡按唐書地理志金州本西城郡

改漢陰郡隸山南東道邦伯商書邦伯師長孔安國傳宿訟東觀漢記魯恭為中牟令宿訟許伯

典直各退老丞漢書黃霸為潁川太守力行教化而後誅罰務在成就全安長吏許丞老病聾

自相責讓多皆當出于民所易新吏又未必賢或不如其故徒相益為亂凡治道去其太甚者耳小

吏漢書文翁為蜀郡守仁愛好教化見蜀地辟陋有蠻夷風文翁欲誘進之乃選郡縣小吏開敏

齋計吏以遺博士數歲蜀生皆成就還歸文翁以為右職用次察舉官有至郡守刺史者又修起學官于成都市中招下縣子弟以為學官弟子為除更繇高者以補郡縣吏次為孝第力田數年爭欲

為學官弟子富人至出錢以求之繇  
是大化蜀地學于京師者比齊魯焉  
**謝亭長之問**  
漢書趙廣漢為京兆尹嘗記召湖都亭長叩頭服實有之漢廣因曰還為吾謝界上亭長勉思職事有以自效京兆不忘卿厚意其發奸

摘伏如神  
**勞野次之賢**  
漢書黃霸為潁川太守嘗欲有所司察擇長年廉吏遣行屬令皆此類也周密吏出不敢舍郵亭食于道旁為攫其肉民有欲詣府口言

事者適見之霸與語道此後日吏還謁霸霸見迎勞之曰甚苦食于道旁  
**河北有其四**

乃為烏所盜肉吏大驚以霸具知其起居所問毫釐不敢有所隱

**國**  
成按唐開元天寶間河北道所隸州府凡二十五安東乃高麗之地戰國時未入版圖其懷衛相魏澶五州是古魏國之地洛邢趙恒定莫瀛深冀貝十州是古趙國之地易幽媯營平五州

是古燕國之地博德滄棣四州是古  
**獻子二嘆**  
國語梗陽人有獄將不勝請納賂于魏獻子獻子將許之閻沒謂叔寬曰與子諫乎

吾主以不賄聞于諸侯今以梗陽之賄殃之不可二人朝而不退獻子將食問誰在庭曰閻明叔襄  
**十**

也同辭對曰吾小人也貪饋之始至懼其不足故數中食而自咎也曰豈主之食而有不足是  
**十**

以再數之既食願以小人之腹為君子之心屬厭而已是以三數獻子曰善乃辭梗陽人  
**日飲**  
史記秦昭王乃詳為好書遺平原君曰寡人聞君之高義願與君為十日之飲君為布衣之友君幸過寡人寡人願與君為十日之飲

始自魏宮內用裝奩戲文帝于此戲特妙用手巾角拂之無不  
**都護堂**  
左思魏都賦都護之堂殿居綺牕劉淵林

註都護者將軍曹淵也呂向註  
**邯鄲步**  
漢書昔有學步于邯鄲者會未得其髣髴又復失其故步遂匍匐而歸耳

都護宮名居殿之中飾為綺牕  
**浮食**  
三國志止

浮食之費并從  
**八政**  
禮記齊八政以防淫八政飲食衣服事為異別度量數制鄭康成註飲食容之官為上衣服次之事為謂百工技藝也異別五方用器不同也度丈尺也量

斗斛也數百十也制布帛幅廣狹也

### 便坐

漢書文翁為蜀郡守嘗選學官童子使在便坐視事每出行縣益從學官諸生明經飭行者與俱使傳教令出入閭閻縣邑吏民見而榮

之師古註便坐別坐可以視事非正廷也

### 左塾

禮記古之教者家有塾黨有庠鄉康成註門側之堂謂之塾孔穎達正義周禮百里之內二十五家為閭同共一巷巷首有門門邊有塾

謂民在家之時朝夕出入恒就教于塾故曰家有塾白虎通云古之教民百里皆有師里中之老有道德者為里右師其次為左師教里中之弟子以道藝孝弟仁義也案書傳說云大夫七十致仕而

退老歸其鄉里大夫為父師士為小師新穀已入餘子皆入學距冬至四十五日始出學上老平明坐于右塾庶老坐于左塾餘子畢出然後皆歸夕亦如之

### 力穡

商書若農服田力穡

乃亦有秋孔安國傳穡耕稼也

### 先疇

班固西都賦士食舊德之名氏農服先疇之畎畝

### 段子廬

高士傳段子木者晉人也守道不仕魏文侯欲見就造其門段

干木踰墻而避文侯文侯以客禮待之出過其廬而軾其僕問曰干木布衣也君軾其廬不已甚乎文侯曰段干木賢者也不移勢利懷君子之道隱處窮巷聲馳千里吾敢不軾乎干木先乎德寡人

先乎勢干木富乎義寡人富乎財勢不若德貴財不若義高又請為相不肯後卑己固請見與語文侯立倦不敢息

### 京坻

詩小雅曾孫之稼如茨如梁曾孫之庾如坻如京毛萇傳

京高邱也鄭康成箋庚露積穀也坻水中之高地也

### 史起

漢書魏文侯時西門豹為鄴令有令名至文侯曾孫襄王時與羣臣飲酒王為羣臣祝曰令吾臣皆如西門豹之為人臣

也史起進曰魏氏之行田也以百畝鄴獨二百畝是田惡也漳水在其旁西門豹不知用是不智也知而不興是不仁也仁智約未之盡何足法也于是以史起為鄴令遂引漳水溉鄴以富魏之河內

民歌之曰鄴有賢令兮為史公決漳水兮灌鄴旁終古焉鹵兮生稻梁

### 鄴郡

成按商河宣甲居相即鄴郡之地魏曹操受封于此建都焉洎後趙石虎前燕慕容儁東魏靜帝北齊武

帝並都之

### 絃服靚妝

鄒陽書武力鼎士絃服叢臺之下李善註絃服大威元黃服也左思蜀都賦都人士女絃服靚妝劉淵林註蘇林曰絃服謂威服也張揖曰靚謂粉

白黛黑也顏延年曲水詩序靚妝藻野絃服縵州張銑註靚妝美人脂粉之色絃服美麗之衣也

### 跕屣

史記為倡優女子則鼓鳴瑟跕屣游媚貴富人後宮徧諸侯徐廣曰跕音

帖張晏曰跼屣也瓚曰躡跟為跼也顏師古漢書註屣謂小履之無跟者也跼謂輕躡之也

河間數錢後漢書車班班入河間河間姪女工數錢禮記內則執麻桌治絲繭織紵組紃學女事以共衣服孔穎達正義云組紃俱為條也紵為繒帛故杜註左傳紵謂繒帛皇氏云組是綬也然則薄闊為組似繩者為紃

誨淫 五匹古樂府雞鳴入機織夜夜不得息三日斷五匹大人故嫌遲處子東晰補亡詩堂堂處子無營無欲李善註處子處士也師襄

家語孔子學琴 趙帶燕裾沈約八詠詩開燕裾吹趙帶趙帶飛參差燕裾合且離漆室列女傳漆室女者魯漆室邑之女也過時

未適人當穆公時君老太子幼女倚柱而嘯旁人聞之莫不為之慘者其鄰人婦從之遊謂曰何嘯之悲也子欲嫁耶吾為子求偶漆室女曰嗟乎始吾以子為有知今無識也吾豈為不嫁不樂而悲哉

吾憂魯君老太子幼鄰婦笑曰此乃魯大夫之憂婦人何與焉漆室女曰不然非子所知也昔晉客舍吾家繫馬園中馬佚馳走踐吾葵使我終歲不食葵鄰人女奔隨人亡其家情吾兄行追之逢霖水出溺流而死令吾終身無兄吾聞河潤九里漸洳三百步今魯君老悖太子少愚愚偽日起夫魯國有患者君臣父子皆被其辱禍及眾庶婦人獨安所避乎吾甚憂之子乃曰婦人無與者何哉

鄰婦謝曰子之所慮非妾所及三年魯果亂齊楚攻 鯁海漢書地理志會稽海外有東鯁人分為二十餘國以歲時來獻見云孟康

之魯連有寇男子戰鬪婦人轉輸不得休息 鯁海唐書車服志高宗給五品以上隨身魚銀袋以防召命之詐出內必合之三品以上

註鯁音題謝朓詩化協鯁海君恩變龍庭 金魚袋唐書車服志高宗給五品以上隨身魚銀袋以防召命之詐出內必合之三品以上

長沈約詩浮天出鯁海束馬渡交河 金飾袋垂拱中都督刺史始賜魚天授二年改佩魚皆為龜其後三品以上龜袋飾以金四品以銀五品以銅中宗初罷龜袋復給以魚郡王嗣王亦佩金魚袋景龍中令特進佩魚散官佩魚自此始也

然員外試檢校官猶不佩魚景雲中詔衣紫者魚袋以金飾之衣緋者以銀飾之開元初駙馬都尉從五品者假紫金魚袋都督刺史品卑者假緋魚袋五品以上檢校試判官皆佩魚中書令張嘉貞奏致仕者佩魚終身自是百官賞緋紫必兼

魚袋謂之章服當時服朱紫佩魚者眾矣 方伯十聯禮記千里之外設方伯五國以為屬屬有長十國以為連連有



帥三十國以為卒卒有正二百一十國以為州州有伯八州八伯五十六正百六十八帥三百三十六長八伯各以其屬屬於天子之老二人分天下以為左右曰二伯鄭康成註屬連卒州猶聚也伯帥正亦長也凡長皆因賢侯為之殷  
之州長曰伯虞夏及周皆曰牧  
澄清後漢書時冀州饑荒盜賊羣起乃以范滂為清詔使察之滂登車攬轡慨然有澄清天下之志

**七命**詩唐風豈曰無衣七兮不如子之衣安且  
吉兮毛萇傳侯伯之禮七命冕服七章

緹油屏車漢書黃霸為揚州刺史三歲宣帝詔曰制詔御史其

以賢良高第揚州刺史霸為潁川太守秩比二千石居官賜車蓋特高一丈別駕主簿車緹油屏泥于軾前以彰有德

至尊與于閭閻知民事之難難自霍光薨後始躬萬機厲精為治五日一聽事自丞相已下各奉職而進及拜刺史守相輒親見問觀其所繇退而考察所行以質其言有各實不相應必知其所以然

常稱曰庶民所以安其田里而亡歎息愁恨之心者政平訟理也與我共此者其唯良二千石乎以為太守吏民之本也數變易則下不安民知其將久不可欺罔迺服從其教化故二千石有治理效

輒以璽書勉厲增秩賜金或爵至關內侯公卿缺則選諸所表以次用之  
**嬰兒國**春秋晉師滅赤狄潞氏以潞子嬰兒歸元和郡縣志潞州上黨禹貢冀州之域殷時為黎國春秋時屬晉又兼有潞子之國潞子嬰兒為晉所滅

**偵候**後漢書任延傳止罷偵候守卒  
**投刺**梁書諸葛璩安貧守道悅禮敦詩未嘗投刺

刺邦宰曳裾府寺釋名書稱刺書以筆刺紙簡之上也  
**舍車而徒**用周易賁卦詞  
**椎心**李陵報蘇武書此陵所以仰天椎心而泣血也

**緒言**莊子曩者先生有緒言而去  
**牢**鄭康成周禮註三牲牛羊豕具為一牢  
**筐篚**南史江革曰我通不受餉不應獨當故人筐篚  
**雙龜**章懷太子後漢書註漢舊儀曰銀印皆龜鈕其文刻曰某官之章苗為太守又為採訪處置使兼官二印故曰雙龜雙龜字出潘岳馬汧督誅中

**蘇公**史記蘇秦為從約長并相六國  
**疏傳**漢書北報趙王乃行過雒陽車騎輜重諸侯各發使送之甚眾擬于王者蘇秦喟然嘆曰使我有洛陽負郭二頃田吾豈能佩六國相印乎于是散千金以賜宗族朋友

爲大傳上疏乞骸骨上以其年篤老許之加賜黃金二十斤皇太子贈以五十斤廣既歸鄉里日令家共具設酒食請族人故舊賓客與相娛樂數問其家金餘尙有幾所趣賣以共具居歲餘廣子孫竊謂其昆弟老人廣所愛信者曰子孫幾及君時頗立產業基址今日飲食費且盡宜從丈人所勸說君買田宅老人卽以閑暇時爲廣言此計廣曰吾豈老悖不念子孫哉顧自有舊田廬令子孫勤爲其中足以共衣食與凡人齊今復增益之以爲贏餘但教子孫怠墮耳賢而多財則損其志愚而多財則益其過且夫富者衆之怨也吾旣亡以教化子孫不欲益其過而生怨又此金者聖主所以惠養老臣也故樂與鄉黨宗族共饗

### 閱禮敦詩

左傳趙衰曰卻縠可臣亟聞其言矣說禮樂而敦詩書孔穎達正義云說謂愛樂之

敦謂厚重

### 相如

漢書司馬相如爲郎數歲會唐蒙使略通夜郎中發巴蜀吏卒千人郡又多爲發轉漕萬餘人用軍興法誅其渠率巴蜀民大驚恐上聞之乃遣相如責唐

蒙等因諭告巴蜀民以非上意檄曰云云相如還報唐蒙已略通夜郎因通西南夷道發巴蜀廣漢卒作者數萬人治道二歲道不成士卒多物故費以億萬計蜀民及漢用事者多言其不便時邛

苻之君長聞南夷與漢通得賞賜多多欲願爲內臣妾請吏比南夷上問相如相如曰邛苻再驪者近蜀道易通異時嘗通爲郡縣矣至漢興而罷今誠復通爲置縣愈于南夷上以爲然乃拜相如爲

中郎將建節往使副使者王然于壺克國呂越人馳四乘之傳因巴蜀吏幣物以賂西南夷至蜀太守以下郊迎縣令負弩矢先驅蜀人以爲寵

### 買臣

漢書朱買臣傳拜買臣會稽

太守初買臣免待詔常從會稽守邸者寄居飯食拜爲太守買臣衣故衣懷其印綬步歸郡邸直上計時會稽吏方相與羣飲不視買臣買臣入室中守邸與共食食且飽少見其綬守邸怪之前引其

綬視其印會稽太守章也守邸驚出語上計掾吏皆醉大呼曰妄誕耳守邸曰試來視之其故人素輕買臣者入視之還走疾呼曰實然坐中驚駭白守丞相推排陳列中庭拜謁買臣徐出戶有頃長

安廡吏乘駟馬車來迎買臣遂乘傳去

### 率禮無違

後漢書朱浮傳清明履約率禮無違張衡南都賦獻酬既交率禮無違

### 平陽傳舍

漢書霍去病旣壯大乃自知父爲霍中孺未及求問會爲驃騎將軍擊匈奴道出河東河東太守郊迎負弩矢先馳至平陽傳舍遣吏迎中孺中孺趨入拜謁將軍迎拜因跪曰去病不早自知爲大人

遺體也中孺扶服叩頭曰老臣得託命將軍此天力也去病大為中儒買田宅奴婢而去

### 山陰吏卒

漢書朱買臣吳人也上拜買臣會稽太守上謂買臣曰富貴不

歸故鄉如衣繡夜行今子何如買臣頓首辭謝會稽聞太守且至發民除道縣吏並送迎車百餘乘入吳界見其故妻妻夫治道此用其事易會稽為山陰者蓋以叶聲之輕重耳

### 揚名

### 顯親

孝經立身行道揚名于後世以顯父母孝之終也

### 九伯

左傳五侯九伯女實征之杜預註五等諸侯九州之伯

### 八使

後漢書周舉傳時詔

遣八使巡行風俗皆選素有威名者乃拜舉為侍中與侍中杜喬守光祿大夫周栩前青州刺史馮羨尚書欒巴侍御史張綱兗州刺史郭遵太尉長史劉班並守光祿大夫分行天下其刺史二千石

有賦罪顯明者驛馬上之墨綬以下便輒收舉其有清忠惠利為百姓所安宜表異者皆以狀上于是八使同時俱拜天下號曰八使

### 風動神行

沈約齊故安陸昭王

碑文公下車敷化風動神行呂延濟註風動神行言化無所不至也

### 貪天之功

左傳天未絕晉必將有主主晉祀者非君而誰天實置之而二三子以為己力不亦

誣乎竊人之財猶謂之盜况貪天之功以為己力乎

### 宋父宣驕

左傳稠父喪勞宋父以驕詩維彼愚人謂我宣驕毛萇傳宣示也

### 條侯倨

### 貴

史記鄧都傳丞相條侯至貴倨也藩岳西征賦重條侯之倨貴

### 當關

嵇康與山巨源絕交書當關呼之不置張銑註漢置當關之職欲曉即至門呼人使起

### 邦

### 典

周禮凡諸侯之獄訟以邦典定之鄭康成註邦典六典也

### 告之話言

大雅其維哲人告之話言順德之行毛萇傳話言古之美言也

### 滄海

按史記魯連見新垣衍言不肯帝秦之事平原君欲封魯連魯連辭讓使者三終不肯受平原君乃置酒酒酣起前以千金為魯連壽魯連笑曰所貴于天下之士者為人排患釋難解紛亂而無取也

即有取者是商賈之事也而連不忍為也遂辭平原君而去終身不復見其後二十餘年燕將攻下聊城聊城人或讒之燕將懼誅因保守聊城不敢歸齊田單攻聊城歲餘士卒多死而聊城不下魯

連乃為書約之矢以射城中遺燕將書燕將見魯連書泣三日乃自殺聊城亂田單遂屠聊城歸而言魯連欲爵之魯連逃隱于海上曰吾與富貴而詘于人寧貧賤而輕世肆志焉此混二事作一事

用赤松史記留侯乃稱曰家世相韓及韓滅不愛萬金之資為韓報仇強秦天下振動今以三寸舌為帝者師封萬戶位列侯此布衣之極于良足矣願棄人間事欲從赤松子

游耳乃學辟穀導引輕身功成不居老子功成而弗居夫惟弗居是以不去析珪揚雄解嘲析人之珪儋人之爵張銑註析分也珪諸侯所執也

四術三國志古今賢士大夫所以失名喪身傾家害國者其由非一也然要其大歸總其常患四者而已急議論一也爭名勢二也重朋黨三也務欲速四也急議論則傷人爭名勢則

敗友重朋黨則蔽主務欲速則失德此四者不除未有能全也

上變史記條侯子為父買工官尙方甲楯五百被可以葬者取庸苦之不予錢庸知其盜買縣官器怒而上變告子事連條侯

司敗章昭國語解楚謂司寇為司敗獄吏漢書人上書有告周勃欲反下廷尉逮捕勃治之勃恐不

勃復爵邑勃既出曰吾嘗將百萬軍安知獄吏之貴也

菹醢史記漢誅梁王彭越臨之威其醢徧賜諸侯白馬之盟漢書功臣表于是申

以丹書之信重以白馬之盟師古曰白馬之盟謂刑白馬歃其血以為盟也

黃犬之樂史記李斯傳二世二年七月具斯五刑論腰斬咸陽市斯出獄與其中子

俱執顧謂其中子曰吾欲與若復牽黃犬俱出上蔡東門逐狡兔豈可得乎遂父子相哭而夷三族

彫墻峻宇尚書甘酒嗜音峻宇彫墻孔安國傳峻高大彫飾畫

紫衣狐裘左傳衛侯為虎幄于籍圃成求令名者而與之始食焉太子請使良夫良夫乘衷甸兩牡紫衣狐裘至袒裘不釋劍而食太子使牽以退數之以三罪而殺之

絳灌等列史記韓信知漢王畏惡其能常稱病不朝翕肩揚雄解嘲翕肩蹈背扶服入囊師古註翕斂也呂向

註翕肩畏懼貌折節史記齊王大怒折節而下秦左道禮記析言破律亂名改作執左道以亂政殺鄭康成

道地道尊右為貴故漢書云右賢左愚右貴左賤故正道為右不正道為左

訛言小雅民之訛言寧莫

之懲

# 青珠符

南史宋太子劭傳有女巫嚴道育夫為劫坐沒入奚官劭姊東陽公主應閣婢王鸚鵡白公主道育通靈主乃白上託云善蠶求召入道育曰所奉天神當賜

符應時主夕臥見流光相隨狀若螢火遂入巾箱化為雙珠圓青可愛于是主及劭並信惑之

# 赤刀

西京雜記東海人黃公少時為術能制蛇御虎佩赤金刀以絳繪束髮立與雲霧坐

成山河及衰老氣力羸憊飲酒過度不能復行其術秦末有白虎見于東海黃公乃以赤刀往厭之術既不行遂為虎所殺

# 割水飲人

北史靈太后臨朝屬有沙門惠

憐以呪水飲人云能愈疾百姓奔湊日以千數李義徽白清河王懌稱其妖妄因令義徽草奏以諫太后納其言

# 保汝

莊子列御寇之齊中道而反遇百昏瞶人伯昏瞶人曰奚方而

反曰吾驚焉曰惡乎驚曰吾嘗食于十餐而五餐先饋伯昏瞶人曰若是則汝何為驚已曰夫內誠不解形謀成光以外鎮人心使人輕乎貴老而擊其所患夫餐人特為食羹之貨多餘之贏其為利

也薄其為權也輕而猶若是而况于萬乘之主乎身勞于國而知盡于事彼將任我以事而效我以功吾是以驚伯昏瞶人曰善哉觀乎汝處己人將保汝矣無幾何而往則戶外之屢滿矣伯昏瞶人

北面而立敦杖蹙之乎頤立有間不言而出賓者以告列子列子提屣蹠而走暨乎門曰先生既來曾不發藥乎曰已矣吾固告汝曰人將保汝果保汝矣非汝能使人保汝而汝不能使人無保汝也

郭象註苟不遺形則所在見保保者聚守之謂也

# 首惡

漢書濟南贖氏宗人三百餘家豪猾二千石莫能制于是景帝拜都為濟南守至則誅贖氏首惡餘皆股栗

# 面

從虞書汝無面從退有後言

# 丕蔽要囚

周書要囚服念五六日至于旬時丕蔽要囚孔安國傳要囚謂察其要辭以斷獄既得其辭服膺思念五六日至于

十日至于三月乃大斷之言必反覆思念重刑之至也

# 惟良折獄

周書非佞折獄惟良折獄孔安國傳惟良可以折獄惟平良可以斷獄

# 以制

左傳鄭人鑄刑書叔向使詒子產書曰昔先王議事以制不為刑辟懼民之有爭心也民知有辟則不忌于上並有爭心以徵于書而傲幸以成之非可為矣

梁書武帝紀古人云一物失所如納諸墮

# 輕典

周禮刑新國用輕典刑平國用中典刑亂國用重典孔安國傳新國者新辟地立君之國用輕法者為其民未習于教平國承平守成之

國也用中典者  
常行之法  
**刑期不濫**  
左傳善爲國者賞不僭而刑不濫賞僭則懼及淫人刑濫則懼及善人  
**小察**  
晉書謝安傳不存小察宏以大

綱  
**政以禮成**  
左傳共儉以行禮而慈惠以布政政以禮成民是以息  
**晉盜奔秦**  
左傳晉侯請于王以鞮冕命士會將中軍

且爲太傅子是晉國之盜逃奔于秦羊舌職曰吾聞之禹稱善人不善人遠此之謂也夫詩曰戰戰兢兢如臨深淵如履薄冰善人在上也善人在上則國無幸民之多幸國之不幸也是無善人之謂也

**疇庸**  
陸機漢高祖功臣頌帝疇爾庸  
**議曹之言**  
漢書龔遂爲勃海太守數年上遣使者徵遂議曹王生願從功曹以爲王生素嗜酒無節度不

可使遂不忍逆從至京師王生日飲酒不視太守會遂引入宮王生醉從後呼曰明府且止願有所白遂還問其故王生日天子即問君何以治勃海君不可有所陳對宜曰皆聖主之德非小臣之力也遂受其言既至前上果問以治狀遂對如王生言天子說其有讓笑曰

君安得長者之言而稱之遂因前曰臣非知此乃臣議曹教戒臣也  
**留如守司速**

**若發括**  
莊子其發若機括其司是非之謂也其留如詛盟其守勝之謂也司字疑是勝字之訛  
**無間**  
揚雄解嘲大者含元氣細者入無間李善註無間言

至微也  
**曲臺**  
漢書后倉說禮數萬言號曰后氏曲臺記服虔曰在曲臺校書著說因以爲名師古曰曲臺殿在未央宮劉向七略宣皇帝時行射禮博士后倉爲之辭至今記之曰曲

**臺記**  
**九師易**  
七略易傳淮南九師道訓淮南王安聘明易者九人號九師說  
**三家詩**

漢書藝文志詩經二十八卷魯齊韓三家應劭  
**傳癖**  
晉書杜預嘗稱王濟有馬癖和嶠有錢癖武帝聞之謂預曰卿有何癖對曰臣有左

自謂所見不博更求異書聞京師有者必往祈借清河崔慰祖謂之書淫  
**學府**

晉書儒林傳范平等  
**文園**  
史記司馬相如拜爲孝文園令索隱云百官志云陵園令六百石掌按行掃除也法言詩人之賦麗以則辭人之賦麗以淫如孔氏之門

用賦也則賈誼升堂相如入室矣如其不用何 **丞相登科** 漢書元光五年徵賢良文學當川國推上公孫宏宏

下策奏天子擢宏對為第一召入見容貌甚麗拜為博士待詔金馬門元朔中代薛澤為丞相 **平讞** 漢書景帝紀諸獄疑若雖文致于法而于

魚列 **綺靡** 陸機文賦詩緣情而綺靡 **硯燔** 晉書陸機天才秀逸辭藻宏麗第雲嘗與 **紙**

反 **貴** 晉書左思欲賦三都構思十年門庭藩溷皆著筆紙過得一句即便書之及賦成時人未之重

註魏都劉逵註吳蜀陳留衛瓘又為思賦作略解司空張華見而嘆曰班張之 **虎視** 曹植與吳

下鷹揚其體鳳 **詞林** 梁昭明太子與晉安王書 **鮑參軍** 宋書鮑照字明遠文辭贍逸嘗

濟俱清當時以為美瑞照為河清頌其序甚工世祖以照為中 **謝吏部** 南齊書謝朓遷尚書

言詩沈約常云二百 **守闕乞留** 後漢書种暲為梁州刺史甚得百姓歡心破徵當遷吏人

復留 **遮道更借** 後漢書穎川盜賊羣起帝謂寇恂曰穎川迫近京師當以時定惟念獨卿

險有事隴蜀故狂狡乘間相誑誤耳如聞乘輿南向賊必惶怖歸死臣願執銳前驅即已車駕南征

受納 **號為父** 漢書召信臣遷南陽太守吏民親愛號之曰召父後漢書鮑德為南陽太守時

州諸軍事修召信臣遺跡激用澁清諸水以浸原田萬餘 **取性命兒** 後漢書賈彪舉孝廉

項分疆刊石使有定分公私同利眾庶賴之號曰杜父

多不養子彪嚴為其制與殺人同罪數年間人養子者千數僉曰賈父所長生男名為賈子生女名為賈女任延為九真太守駱越之民無嫁娶禮法各因淫好無適對匹不識父子之性夫婦之道延乃移書屬縣各使男年二十至五十九女年十五至四十皆以年齒相配其貧無禮聘令長吏以下各省俸祿以賑助之同時相娶者二千餘人其產子者始知種姓咸曰使我有是子者任君也多各子為任

### 瓦合

漢書鄼食其傳足下起瓦合之卒收散亂之兵師古註瓦合謂如破瓦之相合雖曰聚合而不齊也又陳湯傳湯知烏孫瓦合不能久攻師古註瓦合謂碎瓦之雜居不

### 齊同

左傳求諸侯而夔至杜預註夔羣也顏延之詩懷仁懷集抱智夔至夔屢字同

### 棠樹

召公當農桑之時重為所煩勞不舍鄉亭止于棠樹之下聽訟決獄百姓各得其所壽百九十餘乃卒後人思其德美愛其樹而不敢伐詩甘棠之所作也詩云蔽芾甘棠勿剪勿伐召伯所芘

### 桐鄉

漢書朱邑病且死屬其子曰我故為桐鄉吏其民愛我必葬我桐鄉後世子孫奉嘗我不如桐鄉民及死其子葬之桐鄉西郭外民果然共為邑起塚立祠歲時祠祭不絕

### 輿人

左傳聽輿人之謀杜預註輿衆也

### 禹別九州

孔安國尚書傳禹別九州隨山濬川任土作貢

### 方伯

漢書何武傳刺史古

### 建節乘輅

邱遲與陳伯之書佩紫懷黃讚帷幄之謀乘輅建節奉疆場之任劉良註輅使車也節旌節也晉書輿服志輅車古之時軍車

### 一都之會

史記貨殖傳邯鄲亦漳河之間一都會也燕亦勃碣之間一都會也三國志呂乂傳蜀郡一都之會戶口衆多此用其句

### 博塞以遊

莊子問滅奚事則挾筴讀書問穀奚事則博塞以遊

### 推埋

漢書又使人推埋攻剽為奸甚衆師古註推殺人而埋之故曰推埋

### 酒捐金

後漢書張奐傳東羌豪帥感奐恩德上馬二十匹先零酋長又遺金釧八枚奐並受之而召主簿于諸羌前以酒酌地曰使馬如羊不以入廐使金如粟不以入懷悉以

### 樹德滋蔓

左傳伍員曰樹德莫如滋去疾莫如盡又祭仲曰無使滋蔓

### 懷音

魯頌翻彼飛鴉集于泮林食我桑黹懷我好音鄭康成箋云懷



歸也言鴉恒惡鳴今來止于泮水之木上食其桑糞為此之故故改其鳴歸就我以善音  
喻人感于恩則化也孔穎達正義惡聲之鳥食桑糞而變音喻不善之人感恩惠而從化繡衣

**罷斧**

漢書武帝末軍旅數發郡國盜賊羣起繡衣御史暴勝之使持斧逐捕盜賊以軍興從事誅二千石以下

人因之以彈琴為令故事  
停琴蓋即罷去之意

**時雨**

趙岐三輔決錄茂材郭伋為穎川化如時雨

**作霖**

商書若歲大旱用汝作霖雨

**馬鬣**

禮記孔子之喪有自燕來觀者舍于子夏氏子夏曰聖人之葬人與人之葬聖人也子何觀焉昔者夫子言之曰吾見封之若堂者矣見若坊者矣見若覆夏屋者矣見若斧者矣從若斧者焉馬鬣封

之謂也今一日三斬板而已封尚行夫子之志乎哉孔穎達正義既言四墳之異夫子之意從若斧者焉以為刃上難登狹又易為功力子夏既道從若斧形恐燕人不識故舉俗稱馬鬣封之謂也以

語燕人馬鬣鬣之上其肉薄封形似之

**啓顙**

駱賓王兵部奏姚州破賊露布南薰解愠仰雲闕以翔魂東律和音叩轅門而啓顙

**鯢齒**

郭璞爾雅註鯢齒齒齒墮更生細

者

**邑子**

史記中大夫泄公曰臣之邑子素知之

**令問**

家語凡三代之王必先其令問

**壁挂胡牀**

裴松之三國志註魏略曰裴潛

為兗州時嘗作一胡牀及其去也留以挂壁

**舍留官牘**

裴松之三國志註時苗為壽春令始之官乘薄羣車黃犍牛布被囊居官歲餘牛生一犢及其去留其犢

謂主簿曰今來時本無此犢犢是淮南所生有也羣吏曰六畜不識父自當隨母苗不聽時人皆以為激然由此名聞天下晉書羊篇歷官清慎有私牛于官舍產犢及遷而留之

**華屋**

戰國策乃說趙王于華屋之下鮑彪註華高麗也

**移晷**

昭明太子文選序未嘗不心遊目想移晷忘倦呂向註晷日影日側不知其倦

**更僕**

禮記儒行遽數之不

能終其物悉數之乃留更僕未可終也孔穎達正義留久也更代也僕太僕也君燕朝則太僕正位掌擯相也言若委細悉說之則大久僕侍疲倦宜更代之

王右丞集卷之二十三

仁和趙殿成松谷箋註

碑二首

故右豹韜衛長史賜丹州刺史任君神道碑

右一本作

左

君諱某字某其先奚仲之後于周為上卿

周疑是殷字或商字之訛

世

有功列于諸侯氏則任鬱為著族後有官于京兆者

子孫因家焉今為萬年縣人也遠祖某漢河東太守

曾祖某周清河太守先復舊職

先疑是克字之訛

異世而同符祖

某隋梁州南鄭縣令父某皇石州離石縣令不墜象

賢一門而二鳧鳥皆為政以德遺愛在人能高其門

必有興者雖不當代果生達人君離石府君之第某

子也膺一賢之期鍾累葉之善忠孝自得稟乎天姿  
詩禮輔成潤以庭訓文含四始雕蟲之技附庸武有  
七德啼猿之術居外明經者皓首弱歲成儒達法者  
腐脣端居曉吏以鄉貢明經擢第解褐益州新都尉  
居無何丁母憂廬以長號淚少于血杖而後起骨餘  
于形彈琴不成從先王之禮捧筐便慟有終身之哀  
服闋授左金吾衛兵曹參軍轉左衛錄事參軍又遷  
右豹韜衛長史王樂爲用率武夫以扞城人愛其才  
稱君子之爲衛方將冠章甫之冠衣縫掖之衣奏議  
雲臺論政赤墀一見天子必爲之前席三說大臣必  
爲之解印若端委以相六合盡宅心于帝庭授鉞以  
董八蠻可傳首于魏闕然後挂冠東郡拂衣五湖

郡當是都

訛字之

高蹈煙虹笑謝珪組天命不祐沮我良策春秋若

干以某年月日寢疾卒于永興里第某年月日葬于

京兆神禾原禮也禾舊本作和非嗣子曰某善繼先志克成厥

家多藝多才安英實選匪□實寶十城之價不以力

聞萬夫之敵命同御座漢帝以恩待故人超將中軍

先軫以才登元帥以某年月日從駕謁五陵天子若

曰自古明王王舊本作三非因心以孝待人由己以施物故休

戚共憂樂同也其贈羽林將軍任某父使持節丹州

諸軍事丹州刺史敬其事則命以始寵其身以及其

親明主所以盡心忠臣所以盡力故羊舌職悅是賞

也陳力異代官成聖朝修文下泉名在天爵前賢陰

德雖遺慶于後昆嗣子揚名乃大顯于先父養則致

樂沒而有稱昔也爲士享惟將軍之食今則典邦葬亦諸侯之禮皇帝命之太史書之報昊天之恩曾舉世未有豈與夫手樹行櫛躬廬長松負土成墳傭身以葬匹夫之孝同年而語哉君少有大略長而能賢安于仁樂于善厚生以儉守智以愚視事所及筆硯盈庭其力文也容膝之外圖書滿屋其嗜學也八體之能右軍曾未知翰五弦之妙中散何擅于琴以禮庇身以清守官惟邦之彥惟國之翰夫人河東裴氏始以某爲光祿也封河東郡君及是又贈河東郡太君子之忠由母之教母以子貴不亦宜乎司文者執簡以往刊石旌德其詞曰

薛侯之裔兮代濟其美不隕其名是生碩德兮爲世

作程忠不祐孝不福兮早謝休名身為士兮子為卿

大將羽林兮統天兵大顧本作文誤今校正天子寵兮為崇榮贈我

武符兮賜我專城青松寂寂兮晝無人聲狗不吠兮

雞不鳴蒼茫千古兮孰云旌賴孝子兮揚音英

豹韜衛唐六典左右威衛光宅元年改為左右豹韜衛神龍元年復為左右威衛有長史各一人從六品上丹州唐書地理志關內道有丹州咸寧郡

奚仲之後唐書宰相世系袁任姓出自黃帝少子禹陽受封于任因為姓十二世孫奚仲為夏車正更封于薛又十二世孫仲虺為湯左相太戊時有臣厲武丁時有

祖己皆徙國于邳祖己七世孫成侯又遷于擊亦謂之擊國漢有御史大夫廣阿侯任敖世居于沛其後徙居渭南萬年縣按唐書地理志京北府有萬年縣離

石縣按唐書地理志河東道石州有離石縣象賢禮記繼世以立諸侯象賢也鄭康成註賢者子孫恆能法其先父德行遺愛在人

晉書樂廣所在為政無當時功譽然每去職遺愛為人所思南史蕭引傳吾宗再世為始興郡遺愛在人高門漢書于定國父子公其閭門壞父老方共治之于公謂曰少高大門閭令

容駟馬高蓋車我治獄多陰德未嘗有所冤子孫必有興者至定國為丞相承為御史大夫封侯傳世云一賢員半千傳五百歲一賢者生四始子夏詩序是謂四始

詩之至也孔穎達正義四始者鄭答張逸云風也小雅也大雅也頌也此四者人君行之則為興廢之則為衰又箋云始者王道興衰之所由然則此四者是人君興廢之始故謂之四始也雕

蟲法言或問吾子少而好賦曰然童子雕蟲篆刻俄而曰壯夫不為也啼猿淮南子楚王有白猿王自射之則搏矢而熙使養由基射之始調弓矯矢未發而猿擁柱號矣

**弱歲**江總讓尚書令表臣弱歲立朝本無奇志**杖而後起**禮記君子之執親之喪也水漿不入口者三日杖而後能起**彈琴不**

**成**禮記子夏既除喪而見與之琴和之而不和彈之而不成聲作而曰哀未忘也先王制禮而勿敢過也**左金吾衛兵曹參軍**

唐六典左金吾衛有兵曹參軍事二人正八品下**左衛錄事參軍**唐六典左衛錄事參軍事一人正八品上**扞城**周南赴赴武夫公侯

干城毛萇傳干扞也晉書桓溫傳贊受寄扞城用恢威略**君子為衛**晉書劉超遷射聲校尉時軍校無兵義興人多義隨超因統其眾以宿衛號為君子營

**章甫之冠縫掖之衣**禮記孔子對曰丘少居魯衣縫掖之衣長居宋冠章甫之冠鄭康成註逢猶大也大掖之衣大袂禪衣也此君子有道藝者所衣也

**前席**漢書文帝思賈誼徵之至入見上方受釐坐宣室上因感鬼神事而問鬼神之道藝者所衣也

**解印**用史記蔡澤說范睢事**端委**左傳吾與子弁冕端委以治民臨諸侯杜預註弁冕冠也端委禮衣也**宅心**陸機漢高祖功臣頌萬邦宅心

駿民効足李周翰註宅居也言天下之人懷高祖寬仁之德常居于心劉琨勸進表純化既敷則率土宅心義風既暢則遐方企踵皆作歸心解雖同用周書宅心知訓語而訓異也**授**

**鉞**淮南子凡國有難君自宮召將詔之曰社稷之命在將軍即今國有難願請子將而應之將軍受命乃令祝史太卜齋宿三日之太廟鑽靈龜卜吉日以受鼓旗君入廟門西面而立將入廟

門趨至堂下北面而立主親操鉞持頭授將軍其柄曰從此下至淵者將軍制之將已受斧鉞答曰國不可從外治也軍不可從中御也二心不

可以事君疑志不可以應敵臣既以受制于前矣鼓旗斧鉞之威臣無還請願君亦以垂一言之命于臣也君若不許臣不敢將君若許之臣辭而行**八蠻**孔穎達禮記正義南

方曰蠻者風俗通云君臣同川而浴極為簡慢蠻者慢也其類有八李巡註爾雅云**挂冠**後漢書時

一曰天竺二曰咳首三曰焦僮四曰鼓踵五曰穿胸六曰儻耳七曰狗軼八曰旁春

王莽殺其子字逢謂友人曰三綱絕矣不去禍將及人即解冠挂東都城門歸將家屬浮海客于遼東  
**拂衣五湖**謝靈運詩高揖七州外拂衣五湖裏  
**煙**

**虹**鮑照詩蚌節流綺藻輝石亂烟虹  
**珪組**晉書張軌傳縮累葉之珪組賦絕域之琛寶  
**十城之價**庾信詩名高六國共價重十城

**不以力聞**列子孔子之勁能拓國門之關而不肯以力聞  
**萬夫之敵**三國志關羽張飛皆稱萬人敵為世虎臣

**漢帝**晉書王導傳帝尊號百官陪列命導升御牀共坐導固辭至于三四曰若太陽下同萬物蒼生何由仰照帝乃止漢字疑誤  
**先軫**左傳晉卻擊卒原軫將中軍胥

臣佐下軍上德也杜預註先軫以下軍佐超將中軍故曰上德  
**五陵**唐會要高祖葬獻陵在京北府三原縣界太宗葬昭陵在京北府醴泉縣界高宗葬乾陵在京北府奉天縣界中宗葬定陵在京北府富平縣界睿宗葬橋陵在京北府奉先縣界  
**羽林將軍**唐書百官志左右羽林軍將軍各三人從三品  
**命以始**左傳故敬

其事則命以使服其身則衣之純  
**羊舌職**左傳晉侯賞桓子狄臣千室亦賞士伯以瓜衍之縣曰吾獲狄天子之功也微子吾喪伯氏矣羊舌職說是賞也曰周書所謂庸庸祗祗者謂此物也夫士伯庸中行伯君信之亦庸士伯此之謂明德矣文王所以造周不是過也故詩曰陳錫載周能施也率是道也其何不濟  
**修文**王隱晉書蘇韶死而

魁云顏淵卜商為地下修文郎  
**昊天**詩小雅欲報之德昊天罔極  
**負土成墳**後漢書祭遵喪母負土起墳晉書山濤年踰耳順居喪過禮負土成墳手

**植松**搜神記漢董永千乘人少偏孤與父居肆力田畝鹿車載自隨父亡無以葬乃自賣為奴以供喪事主人知其賢與錢一萬遣之永行三年喪畢欲  
**傭身以葬**還主人供其奴職道逢一婦人曰願為子妻遂與之俱主人謂永曰以錢與君矣永曰蒙君之惠父喪收藏永雖小人必欲服勤致力以報厚德主曰婦人何能永曰能織主曰必爾者但令君婦為我織縑百疋于是永妻為主人家織十日而畢女出門謂永曰我天之織女也緣君至孝天帝令我助君償債耳語畢凌空而去不知所在  
**守智以愚**家語聰明睿知守之

**織縑百疋**是永妻為主人家織十日而畢女出門謂永曰我天之織女也緣君至孝天帝令我助君償債耳語畢凌空而去不知所在  
**守智以愚**家語聰明睿知守之

**織女也緣君至孝**天帝令我助君償債耳語畢凌空而去不知所在  
**守智以愚**家語聰明睿知守之

**守智以愚**家語聰明睿知守之

**守智以愚**家語聰明睿知守之



以愚容膝歸去來辭倚南牕以寄傲審容膝之易安八體晉書自秦壞古文有八體一曰大篆二曰小篆三曰刻符四曰蟲書五曰摹印六曰署書七曰殳書八曰

隸書中散臧榮緒晉書嵇康字叔夜譚國人也少有奇才博覽經籍無所不見拜中散大夫嵇康琴賦衆器之中琴德最優故綴敘所懷以為之賦惟邦之

彥詩彼其之子邦之彥兮毛萇傳彥士之美稱惟國之翰詩維申及甫維周之翰毛萇傳翰幹也鄭康成箋申伯甫侯皆以賢知入為周之楨幹之臣

母以子貴公羊傳子以母貴母以子貴執簡以往左傳南史氏聞太史盡死執簡以往聞既書矣乃還碩德晉書索襲

傳索先生碩德名儒真可以諡大義為世作程蔡邕陳太邱碑文含光醇德為士則程劉良註程法也武符唐人以諱謂虎符也漢書文帝紀初與郡守為銅虎符竹使符

狗不吠雞不鳴漢書燕王旦自歌曰歸空城兮狗不吠雞不鳴橫衍何廣廣兮固知國中之無人

大唐故臨汝郡太守贈祕書監京兆韋公神道

碑銘

坑七族而不顧赴五鼎而如歸徇千載之名輕一朝

之命烈士之勇也隱身流涕獄急不見南冠而繫遜

詞以免北風忽起刎頸送君智士之勇也種族其家

則廢先君之嗣戮辱及室則累天子之姻非苟免以

全其生思得當有以報漢棄身爲餌俛首入橐僞就以亂其謀佯愚以折其僭謝安伺桓温之亟蔡邕制董卓之邪然後吞藥自裁嘔血而死仁者之勇夫子爲之公諱某字某京兆杜陵人也昔豕韋氏主盟于商後扶陽侯重世相漢高祖某官父某某官並勳德茂著史牒詳焉

牒顧本作諫誤今校正

公卽文貞公之仲子也初以

宰相子弁髦署吏抱拜授封加朝散大夫封平樂郡公累拜某官丁文貞公憂又丁某國夫人憂無容顧禮殆不勝喪終身之痛歷稔猶毀幼無童心長積純氣抱其天素立于人紀先聖微言宿儒未辨貫穿精義總括旁說文言蔚于興表筆態妍于力外子虛上林敢云雄似黃庭團扇方議雁行鶴氅乏姿羊車奪

映

乏顧本誤作之  
今校正

會選公壻詔婚王室天家煥燿獨任素風

時論騰踴宜在右職乃拜中書舍人動翔鳳之詠啓

迪古詩下流水之書敦崇雅誥轉太常少卿六宗九

奏悉具其儀天神地祇可得而禮俄入覲累貶巴陵

太守

入覲疑是以親  
二字之訛

稍遷壽春太守又遷臨汝太守其理務

教訓其政尚寬簡謂其敘在六官又踐三事疇咨帝

載必歌九功之德式和人則必復三代之英天子避

其用親奸臣惡其異己馮衍竟廢揚雄不遷抑古人

而有之何夫子之命也逆賊安祿山吠堯之犬驅彼

六驪憑武之狐猶威百獸藉天子之寵稱天子之官

徵天子之兵逆天子之命始反幽薊稍逼温洛云誅

君側尚惑人心列郡無備百司安堵變折衝為賊矣

兼法令而盜之將逃者已落穀中謝病者先之死地  
密布羅網遙施陷穽舉足便跌奮飛卽挂智不能自  
謀勇無所致力賊使其騎劫之以兵署之以職以孥  
爲質遣吏挾行公潰其腹心候其間隙義覆元惡以  
雪大恥嗚呼上京旣駭法駕大遷天地不仁穀洛方  
鬪鑿齒入國磨牙食人君子爲投檻之猿小臣若喪  
家之狗僞疾將遁以猜見囚勺飲不入者一旬穢溺  
不離者十月白刃臨者四至赤棒守者五人刀環築  
口戟枝叉頸縛送賊庭實賴天幸上帝不降罪疾逆  
賊恫瘝在身無暇戮人自憂爲厲公哀予微節私予  
以誠推食飯我致館休我畢今日歡泣數行下示予  
佩玦斫手長吁座客更衣附耳而語指其心曰積憤

攻中流痛成疾恨不見戮專車之骨梟枕鼓之頭焚  
骸四衢然臍三日見子而死知予此心之明日而卒  
某年月日絕于洛陽某之私第以某月日返葬于某  
原禮也皇帝中興悲憐其意下詔褒美贈祕書監天  
下之人謂之賞不失德矣公敦穆孝友明允篤誠高  
居化源濡跡物軌元昆曰陟伯與仲居愛之欲無方  
視之若不足薄其私而厚其室抑謙己而讓其名故  
有靈芝聳蓋嘉木連理時人以爲孝悌之祥而公昆  
季謙而不以聞也維穉弱之契晚年彌篤吾實知之  
能言者乃爲銘曰 銘上

臨汝郡

按唐書地理志汝州臨汝郡屬河南道

韋斌

按劉昫唐書韋斌韋安石之子也景雲初安石爲宰輔時授太子通事舍人早修整尚文藝容止嚴厲有

大臣體與兄陟齊名開元十七年司徒薛王業爲女平恩縣主求婚以斌才地奏配焉遷祕書丞天寶初轉國子司業徐安貞王維崔顥當代辭人特爲推挹天寶中拜中書舍人兼集賢院學士兄陟

先為中書舍人未幾遷禮部侍郎陟在南省斌又掌文誥改太常少卿天寶五載右相李林甫構陷刑部尚書韋堅斌以親累貶巴陵太守移臨汝太守加銀青光祿大夫斌授五品時兄陟為河東太守堂兄由為右金吾將軍紹為太子少師四人同時列戟衣冠之盛罕有其比十四載安祿山反陷洛陽斌為賊所得偽授黃門侍郎憂憤而卒及剋復兩京肅宗乾元元年贈祕書監

**七族** 史記鄒陽傳荆軻之湛七族要離之燔妻子張晏曰七族上至曾祖下至曾孫 **赴五鼎** 新序佛肸以中牟叛置鼎于庭致士大夫曰與我者受邑不吾

與者烹大夫皆從之至于田卑田卑中牟之邑人也曰義死不避斧鉞之罪義窮不受軒冕之服無義而生不仁而富不如烹寡衣將就鼎佛肸脫屣而生之漢書主父偃傳丈夫生不五鼎食死則五鼎烹耳師古曰五鼎烹謂被鑊烹之誅

**獄急** 漢書朱建母死貧未有以發喪方假貸服具辟陽侯迺奉百金祝列侯貴人以辟陽侯故任贖凡五百金久之人或毀辟陽侯惠帝大怒

下吏欲誅之大臣多害辟陽侯行欲遂誅之辟陽侯困急使人欲見建建辭曰獄急不敢見君建乃求見孝惠幸臣閔籍儒于是閱籍儒從其計言帝帝果出辟陽侯辟陽侯之囚欲見建建不見辟陽侯以為肯之大怒及

**南冠** 左傳晉侯觀于軍府見鍾儀問之曰南冠而縶者誰也有司對曰鄭人所獻楚囚也 **勿到送君** 用侯其成功出之大驚

詳見六卷 **種族其家** 漢書蕭曹等皆文吏自愛恐事不就後秦種族其家師古註誅及種族也 **報漢** 漢書李陵提步卒不

地抑數萬之師虜救死扶傷不暇悉舉引弓之民共攻圍之轉鬪千里矢盡道窮士張空拳冒白刃北首爭死敵得人之死力雖古名將不過也身雖陷敗然其所摧敗亦足暴于天下彼之不死宜欲

得當以報漢也師古註言 **入囊** 漢書范雎魏之亡命也折脅拉髀免于微索翕肩蹈背扶服入囊激昂萬乘之主界涇陽抵穰侯而代之 **謝安**

晉書孝武帝富于春秋政不自己桓溫威振內外人情嚙噬互生同異謝安與王坦之盡忠匡翼終能輯穆及溫病篤諷朝廷加九錫使袁宏具草安見輒改之由是歷旬不就會溫薨錫命遂寢

**蔡邕** 後漢書董卓為司空聞蔡邕名高辟之邕不得已到署祭酒甚見敬重舉高第補侍御史又轉侍書御史遷尚書三日之間周歷三臺遷巴郡太守復留為侍中初平元年拜左中

即將從獻帝遷都長安封高陽鄉侯董卓賓客部曲議欲尊卓比太公稱尚父卓謀之于豈豈曰太公輔周受命翦商故特為其號今明公威德誠為巍巍然比之尚父愚意以為未可宜須關東平定車駕還反舊京然後議之卓從其言初平二年六月地震卓以問豈豈對曰地震者陰威侵陽臣下踰制之所致也前春郊天公奉引車駕乘金華青蓋爪畫兩轡遠近以為非宜卓于是改乘卓蓋車卓重豈才學厚相馮待每集讌輒令豈鼓琴贊事豈亦每存匡益

**豕韋氏** 唐書宰相世系表韋氏出自風姓顓頊孫大彭為夏諸侯少康之世封其別孫元哲于豕韋其地滑州韋城是也豕韋大彭迭為商伯周赧王時始失國徙居彭城以國為氏

**扶陽侯** 漢書韋賢代蔡義為丞相封扶陽侯食邑七百戶少子元成復以明經歷位為丞相

**文貞公** 唐書韋安石京兆萬年人舉明經累官中書令封鄆國公卒天寶初加贈左僕射諡文貞

**弁髦** 左傳豈如弁髦而因以敝之孔穎達正義云弁謂緇布冠髦謂童子垂髦凡加冠之禮先用緇布之冠斂括垂髦三加之後去緇布之冠不復更用故云因以敝之右丞用其字蓋取始冠之義

**朝散大夫** 唐六朝散大夫

**不勝喪** 後漢書桓麟母終麟不勝喪未祥而卒成按禮記云居喪之禮頭有創則沐身有瘍則浴有疾則飲酒食肉疾止復初不勝喪乃比于不慈不孝鄭康成註云勝任也孔穎達正義云不勝喪乃比于不慈不孝謂疾不食酒肉創瘍不沐浴毀而滅性者也不留身繼世是不慈也滅性又是違親生時之意故云不孝不云同而云比者此滅性本心實非為不孝

**毀** 禮記居喪之禮毀瘠不形孔穎達正義毀瘠羸瘦也形骨露也骨為人形之主故謂骨為形也居喪乃許羸瘦不許骨露見也

**天素** 零陵先賢傳諸葛亮謂劉巴曰足下雖天素高亮宜少降意也

**人紀** 商書伊訓先王肇修人紀

**宿** 後漢書故司空掾桓梁宿儒威名冠德州里

**雄似** 漢書揚雄傳孝成帝時客有薦雄文似相如者上方郊祠甘泉泰畤汾陰后土以求繼嗣召雄待詔承明之庭

**黃庭** 白氏六帖右軍王羲之嘗見山陰道士有羣鵝求之人邀右軍書黃庭經以換遂書之

**雁行** 晉書王羲之每自稱我書比鍾繇當抗行比張芝草猶當雁行

也書史會要章斌以行草  
著名書小史章斌善隸書  
晉書衛玠總角乘羊車入市見  
者皆以爲玉人觀之者傾都  
世說孟昶未達時家在京口嘗見王恭乘高輿被鶴  
擊裘于時微雪昶于籬間窺之嘆曰此真神仙中人  
羊車

書太甲篇  
中字  
流水之書  
史記下令如流水之源令  
順民心故論卑而易行  
謝朓直中書省詩茲言翔  
鳳池鳴珮多清響  
啓迪  
啓迪開道  
也借用商

宗  
舜典禋于六宗孔安國傳宗尊也所尊祭者其祀有六謂四時也寒暑也日也月也星也水旱  
也孔穎達正義云宗之爲尊常訓也名曰六宗明是所尊祭者有六但不知六者爲何神耳祭  
法云埋少牢于太昭祭時相近于坎壇祭寒暑王宮祭日夜明祭月幽宗祭星雩宗祭水旱也據此  
言六宗彼祭六神故傳以彼六神謂此六宗必謂彼之所祭是此六宗者彼文上有祭天祭地下有  
山谷邱陵此六宗之文在上帝之下山川之上二者次第相類故知是此六宗王肅亦引彼文乃云  
禋于六宗此之謂矣鄭元註彼云四時謂陰陽之神也然則陰陽寒暑水旱各自有神此言禋于六  
宗則六宗常禮也禮無此文不知以何時祀之鄭以彼皆爲祈禱之祭則不可用鄭元註以解此傳  
也漢世以來說六宗者多矣歐陽及大小夏侯說尚書皆云所祭者六上不謂天下不謂地旁不謂  
四方在六者之間助陰陽變化實一而名六宗矣孔光劉歆以六宗爲乾坤六子水火風雷山澤也  
賈逵以爲六宗者天宗三日月星辰地宗三河海岱也馬融云萬物非天不覆非地不載非春不生  
非夏不長非秋不收非冬不藏此其謂六也鄭元以六宗言禋與祭天同名則六者皆是謂之神祇  
謂星辰司中司命風師雨師星謂五緯也辰謂日月所會十二次也司中司命文昌第五第四星也  
風師箕也雨師畢也晉初幽州秀才張髦上表云臣謂禋于六宗祀祖考所尊者六三昭三穆是也  
司馬彪又上表云歷難諸家及自言己意天宗者日月星辰寒暑之屬也地宗社稷五祀之屬也四  
方之宗四時五帝之屬惟王肅據家語六宗與孔同各言其志未知孰是司馬彪續漢書云安帝元  
初六年立六宗祠于洛陽城西北亥地祀比大社魏亦因之晉初荀勗定新祀以六宗之神諸說不  
同廢之摯虞駁之謂宜依舊近  
代以來皆不立六宗之祠也

天神地祇  
周禮凡樂圜鍾爲宮黃鍾爲角太簇爲徵姑洗  
爲羽鼙鼓鼙鼓孤竹之管雲和之琴瑟雲門之

王右丞集

卷一十二

八

中華書局聚

中

華

書

局

聚



舞冬日至于地上之園丘奏之若樂六變則天神皆降可得而禮矣凡樂函鍾為宮太簇為角姑洗為徵南呂為羽靈鼓靈鼗孫竹之管空桑之琴瑟咸池之舞夏日至于澤中之方丘奏之若樂八變則地示皆出可得而禮矣

**巴陵**

按唐書地理志岳州巴陵郡隸江南西道

**壽春**

按唐書地理志壽州壽春郡隸淮南道

**六官**

鄭康成周禮註太宰

司徒宗伯司馬司寇司空為六官

**疇咨**

虞書疇咨若時登庸孔安國傳疇誰也

**帝載**

虞書舜曰咨四岳有能奮庸熙帝之載孔安國傳載事也

**九**

**功之德**

左傳夏書曰戒之用休董之用威勸之以九歌勿使壞九功之德皆可歌也謂之九歌六府三事謂之九功水火金木土穀謂之六府正德利用厚生謂之三事

**式和人則**

周書君牙宏敷五典式和民則孔安國傳大布五常之教用和民令有法則

**三代之英**

禮運大道之行也與三代之英

丘未之逮也而有志焉

**馮衍**

後漢書鮑永馮衍審知更始已歿乃共罷兵幅巾降于河內帝怨衍等不

斬劇賊郭勝等降五千餘人論功當封以讒毀故賞不行建武六年日食衍上書陳八事帝將召見初衍為狼孟長以罪摧陷大姓令狐略是時略為司空長史讒之于尚書令王護尚書周生豐曰衍

所以求見者欲毀君也護等懼之即共排間衍遂不得入後衛尉陰興新陽侯陰就以外戚貴顯深敬重衍衍遂與之交結由是為諸王所聘請尋為司隸從事帝徵西京外戚賓客故皆以法繩之

大者抵死徙其餘至貶黜衍由此得罪當自詰獄有詔赦不問西歸故郡閉門自保不敢復與親故通建武末上疏自陳猶以前過不用顯宗即位又多短衍以文過其實遂廢于家

**雄**

漢書揚雄除為郎給事黃門與王莽劉歆並哀帝之初又與董賢同官當成哀平間莽賢皆為三公權傾人主所薦莫不拔擢而雄三世不徙官

**安祿山**

通鑑安祿

山專制三道陰蓄異志殆將十年以上待之厚欲俟上晏駕然後作亂會楊國忠與祿山不相悅屢言祿山且反上不聽國忠數以事激之欲其速反以取信于上祿山由是決意遽反詐為勅書悉召

諸將示之曰有密旨令祿山將兵入朝討楊國忠諸君宜即從軍眾愕然相顧莫敢異言十一月甲子祿山發所部兵及同羅奚契丹室韋凡十五萬眾號二十萬反于范陽諸將皆引兵夜發詰朝祿

山出薊城南大閱誓衆以討楊國忠爲名榜軍中曰有異議扇動軍人者斬及三族于是引兵而南祿山乘鐵轡步騎精銳煙塵千里鼓譟震地時海內久承平百姓累世不識兵革猝聞范陽兵起遠

近震駭河北皆祿山統內所過州縣望風瓦解守令或開門出迎或棄城竄匿或爲所擒戮無敢拒之者十二月丁亥祿山陷靈昌郡庚寅陷陳留癸巳陷滎陽聲勢益張以其將田承嗣安忠志張孝

忠爲前鋒封常清所募兵皆白徒未更訓練屯武牢以拒賊賊以鐵騎蹂之官軍大敗常清收餘衆戰于葵園又敗戰上東門內又敗丁酉祿山陷東京賊鼓譟自四門入縱兵殺掠常清戰于都亭驛

又敗退守宣仁門又敗乃自苑西壞牆西走河南尹達奚珣降于祿山臨汝宏農濟陰濮陽雲中郡皆降于祿山至德元載春正月乙卯朔祿山自稱大燕皇帝改元聖武六月辛卯乾祐進攻潼關克

之于是河東華陰馮翊上洛防禦使皆棄郡走所在守兵皆散是日哥舒翰麾下來告急上不時召見及暮平安火不至上始懼壬辰召宰相謀之楊國忠首唱幸蜀之策上然之癸巳國忠集百官于

朝堂惶懼流涕問以策略皆唯唯不對仗下士民驚擾奔走不知所之市里蕭條甲午百官朝者什無一二上御勤政樓下制云欲親征聞者皆莫之信乙未黎明上獨與貴妃姊妹皇子妃主皇孫楊

國忠韋見素魏方進陳元禮及親近宦官宮人出延秋門妃主皇孫之在外者皆委之而去是日百官猶有入朝者至宮門猶聞漏聲三衛立仗儼然門既啓則宮人亂出中外擾攘不知上所之于是

王公士民四出 **吠堯犬** 漢書鄒陽傳桀之犬可使吠堯跖之客可使刺由 **六騾** 漢書霍去病傳單于視漢兵多

逃竄山谷 **憑武狐** 戰國策荆宣王問羣臣曰吾聞北方之畏昭奚恤也果誠單于遂乘六騾壯騎可數 **憑武狐** 何如江乙對曰虎求百獸而食之得狐狐曰子無敢食我

也天帝使我長百獸今子食我是逆天帝命也子以我爲不信吾爲子先行子隨我後觀百獸之見我而敢不走乎虎以爲然故遂與之行獸見之皆走虎不知獸畏己而走也以爲畏狐也今王之地

方五千里帶甲百萬而專屬之昭奚恤故北方之畏 **君側** 公羊傳晉趙鞅取晉陽之甲以逐荀

奚恤也其實畏王之甲兵也猶百獸之畏虎也 **元惡** 周書康誥元惡大憝 **上京** 班孟堅幽通賦皇十

于上法駕蔡邕獨斷天子出車駕次第謂之鹵簿有大駕有小駕有法駕法駕公卿不在鹵簿中唯河南尹執金吾洛陽令奉引侍中參乘奉車郎御屬車三十六乘天

地不仁晉書載記天地不仁助寇為虐穀洛方鬪國語靈王二十二年穀洛鬪將毀王宮韋昭註穀洛二水名鬪者兩水格有似于鬪洛在王城

之南穀在王城之北東入于瀝至靈王時穀水盛出于王城之西而南流合于洛水毀王城西南將及王宮鑿齒山海經羿與鑿齒戰于壽華之野羿射殺之在崑崙墟東羿持

弓矢鑿齒持盾郭璞註鑿齒亦人也齒如鑿長五六尺因以名云淮南子堯之時猥猥鑿齒九嬰大風封豨修蛇皆為民害堯乃使羿誅鑿齒于嘑華之野殺九嬰于凶水之上繳大風于青邱之澤高

誘註鑿齒獸名齒長三尺其狀似鑿下徹頷下而持戈盾揚雄長楊賦昔有彊秦封豕其土窺窳其民鑿齒之徒相與磨牙而爭投檻猿淮南子置猿檻中則與豚同非

不巧捷也無所喪家狗家語纍然如喪家之狗王肅註云喪家之狗主人哀荒不見飲食故肆其能也纍然而不得意孔子生于亂世道不得行故纍然是不得意之貌也

恫瘝周書恫瘝乃身孔安國傳云恫痛也瘝病也畢今日歡漢書蘇武傳自分已死久矣王必欲降武請畢今日之驪效死于前泣

數行下漢書蘇武傳李陵泣下數行因與武決專車骨國語昔禹致羣神于會稽之山防風氏後至禹殺而戮之其骨節專車枕鼓

漢書王莽傳夙夜連率韓博士言有奇士長丈大十圍來至臣府曰欲奮擊胡虜自謂巨毋霸出于蓬萊東南五城西北昭如海瀕軛車不能載三馬不能勝臥則枕鼓以鐵箸食焚骸

四衢裴松之三國志註魏略曰孟達被圍旬有六日而敗焚其首于洛陽四達之衢然濟二日後漢書王允與呂布及僕射孫士瑞謀誅董卓使皇

甫嵩攻卓弟旻于郿塢殺其母妻男女盡滅其族乃尸卓于市天時始熱卓素充肥脂流于地守尸吏然火置卓臍中光明達曙如是積日諸袁門生又聚董氏之尸焚灰揚之于路賞

不失德左傳舉不失德明允篤誠左傳齊聖廣淵明允篤誠杜預註允信也篤厚也

王右丞集卷之二十三

王右軍集卷之四十一

卷之四十一

王右丞集卷之二十四

仁和趙殿成松谷箋註

碑銘一首

大唐大安國寺故大德淨覺師碑銘

光宅真空心王之四履建功無旱法將之萬勝故大

塊羣籟無弦出法化之聲恒沙衆形□□為寶嚴之

色至如六師北亂四諦徂征如顧本作和祖顧本作祖俱誤今校正開甘露狹小

之門露顧本作靈誤今校正出臭烟朽故之宅踞寶牀而搖白拂徐

誘草庵沃金瓶而繫素繒遂登蓮座足使天口雄辯

刮語燒書河目大儒培仁擊義斯為究竟孰不歸依

禪師法名淨覺俗姓韋氏孝和皇帝庶人之弟也中

宗之時後宮用事女謁寢盛主柄潛移戚里之親同

分珪組屬籍之外亦縮銀黃况乎天倫將議封拜促  
尚方令鑄印命尚書使備策詰朝而五土開國信宿  
而駟馬朝天禪師歎曰昔我大師尚以菩提釋位今  
我小子欲以恩澤爲侯仁遠乎哉行之卽是裂裳裹  
足以宵遁乞食餬口以兼行入太行山削髮受具尋  
某禪師故蘭若居焉猛虎舐足毒蛇熏體山神獻果  
天女散花澹爾宴安曾無喜懼先有涸泉枯柏至是  
布葉跳波東魏神泉應聞香而忽湧北天衆果候飛  
錫而還生禪枝必復之徵法水再興之象聞東京有  
頤大師乃脫履戶前摳衣座下天資義性半字敵于  
多聞宿植聖胎一瞬超于累劫九次第定乘風雲而  
不留三解脫門揭日月而常照雪山童子不顧芭蕉

之身雲地比邱欲成甘蔗之種大師委運遂廣化緣  
海澄而龍額珠明雷震而象牙花發外家公主長跣  
獻衣薦紳先生却行擁篲乞言于無說請益于又損  
天池杯水遍含秋月之輝草葉樹根皆霑宿雨之潤  
不窺世典門人與宣父中分不受人爵廩食與封君  
相比至于律儀細行周密護持

周密顧本作由米誤  
今從孔氏六帖校正

經典深宗

毫釐剖析窮其二翼卽入佛乘趣得一毛亦成僧寶  
于是同凡現疾處順將終忽謂衆人有疑皆問我于  
是夜當入無餘開口萬言音和水鳥

鳥顧本作馬誤  
今校正

踴身七

樹光映天人如顰出行泯然跌坐以某載月日歸大  
寂滅某月日遷神于少陵原赤谷蘭若香油細氈用  
以茶毗合璧連珠爲之葬具城門至于谷口幡蓋相



連法侶之與都人縞素相半叩膺拔髮灑水空塵升  
堂入室之徒數踰七十破山樹海之哭聲振三千則  
有僧某乙尼某乙故惠莊某氏某郡主賢者某乙等  
各在衆中共爲上首或行如白雪或名詎紅蓮詎字疑誤或  
爲勝鬘夫人或稱毗邪居士士舊本作七非二空法外何處進  
求七覺分中誰當決釋猶衣舍利冀獲菩提身塔不  
出虎溪淚碑有同羊峴淚舊作淚非表心成相相非離于真  
如敘德以言言豈著于文字乃爲銘曰

小三千界後五百年空乘玉牒莫覩金仙無量義處

如來之禪皆同目論誰契心傳目論顧本作日論誤今校正○其一弟在人間

各歸鳳闕去日留訓別時剪髮累賜金錢將加印紱

忽爾宵遁終然兩絕其二救頭學道裹足尋師一花寶

樹八水香池戒生忍草定長禪枝不疑少父更似嬰

兒其三既立勝幡併摧邪網利眼金翅圓身寶掌巧撮

死龍能調老象魔種敗壞聖胎長養其四四生滅度五

陰虛空無說無意非異非同此身何處彼岸成功當

觀水月莫怨松風其五

大安國寺唐會要西京安國寺在長樂坊景雲元年九月十一日勅捨龍潛舊宅為寺便以本封安國為名大德釋氏要覽智度論云梵語婆檀

陀秦言大德律中多呼佛為大德昆柰耶律云佛言從今日後四履南史宋武帝紀曲阜光啓遂荒徐宅營邱表海四履

有聞任昉宣德皇后令地狹乎四履勢卑乎九伯李善註左傳管仲曰昔召康公命我先君太公曰五侯九伯汝實征之賜我先君履東至于海西至于河南至于穆陵北至于無棣杜預註履踐履也

法將涅槃經為此無上大法之將華嚴經大塊羣籟莊子南郭子綦曰女聞人籟而未聞天

籟天子游曰敢問其方子綦曰夫大塊噫氣其名為風是唯無作則萬竅怒呿而獨不聞之寥寥乎山林之畏佳大木百圍之竅穴似鼻似口似耳似枅似圈似臼似洼者似汚者激者譎者叱者吸

者叫者譟者突者咬者前者唱于而隨者唱喁冷風則小和飄風則大和厲風濟則衆竅為虛而獨不見之調調之刁刁乎子游曰地籟則衆竅是已人籟則比竹是已敢問天籟子綦曰夫吹萬不同

而使其自己也咸其自取怒者其誰也傳緯明道論明月在天衆水咸見清風在林羣籟畢響法化之聲維摩詰經維摩詰室常作天人第一之樂絃出無量法化之聲

# 六師

按涅槃經佛初成道向竭闍國度迦葉弟子時王舍城中六師之徒即生大惡心及佛詰王舍城受王供養外道六師相與集聚詣舍衛城舍衛城中須達多長者買祇陀園林造

立精舍請佛居住六師心生嫉妬共集波斯匿王言唯願大王聽我等與彼瞿曇揭其道力若彼勝我我當屬彼若我勝彼彼當屬我時波斯匿王即勅嚴駕來至佛所白言世尊六師向來求摘道力

佛言大王善哉但當更于此國處造立僧房何以故我若與彼摘其神力彼眾之中受化者多此處狹小云何容受佛于爾時為六師故從初一日至十五日現大希有神通變化六師徒眾其數無量

破邪見心正法出家爾時六師內心慚愧相與圍繞至婆枳多城教彼人民信受邪法佛時為母處切利天波利質多樹下安居說法六師心大歡喜唱言瞿曇幻術今已滅沒復教無量眾生長邪

見爾時頻婆娑羅王波斯匿王及四部眾白目連言此閻浮提邪見增長眾生可愍唯願大德至彼天上稽首世尊哀愍眾生還來此住時目連默然而許往彼天上至尊所白佛言佛告目連却後

七日我當還下過七日已佛與一切天人前後圍繞至婆枳多城作大師子吼化無量眾生長六師復相聚集詣毘舍離佛于一時住毘舍離菴羅林間為菴羅女及五百犂車子如應說法時諸犂車同

時請佛于此安居受我供養六師聞之相與詣波羅奈佛又往波羅奈住波羅河邊化寶稱長者子及其同友五十人六師聞已展轉復詣瞻婆大城時瞻婆國一切人民悉共奉事六師之徒初未聞

佛法僧名城中有長者無子奉事六師以求子息其婦懷孕往問六師六師言必生女後往問佛佛言生者必男有大福德六師聞之以菴羅果和毒藥持往其家令婦臨月時服之生兒端正產者無

患其婦服之尋死六師周遍城市高聲唱言沙門瞿曇記彼長者婦當生男福德無勝今兒未生母已喪命爾時長者殯殮棺蓋送至城外將用火焚佛以道眼明見此事詣彼塚問語長者言必定得

子是時死屍火燒腹裂子從中出端坐火中會眾見佛神化皆發無上道心爾時六師周遍六城不得停足復至拘尸那城謗佛為大幻師令諸眾生長邪見佛心生憐愍以其神力請召十方諸大

菩薩雲集此林大師子吼與六師共論爾時無數外道于佛法中信心出家按翻譯名義六師元祖是迦毘羅支流分異遂為六宗一富蘭那迦葉其人起邪見謂一切法斷滅性空無君臣父子忠孝

之道也二末迦黎拘賒黎其人起邪見謂眾受苦樂不因行得皆自然耳三刪闍夜毘羅抵其人謂道不須求經生死劫數苦盡自得如轉縲圓于高山縲盡自止何假求也四阿耆多翅舍欽婆羅其

人著弊衣自披髮五熱炙身以苦行為道謂今身併受苦後身自樂五迦羅鳩馱迦旃延其人謂諸法亦有相亦無相六尼犍陀若提子等其人謂罪福苦樂本自有因要當必受非行道所能斷也

### 四諦

四十二章經世尊成道已作是思惟離欲寂靜是最為勝住大禪定降諸魔道于鹿野苑中轉四諦法輪度憍陳如等五人而證道果法苑珠林言四諦者一苦二集三滅四道具

釋四諦因果次第大小同異者恐文煩不述今且略釋其名令識因果生滅無常理實是苦逼迫行者名為苦諦諦是實義審爾不謬故稱為諦下三諦義同此一釋有漏善惡皆能生果理是因集名為集諦煩惱盡處名為滅理實不生名為滅諦觀理除塵此實不虛名為道諦

狹小門

法華經是舍惟有一門而復狹小釋者曰即理能通故言門微妙難知故言狹小

### 臭烟朽故之宅

法華經譬如長者有一大宅其宅久故而復頽弊堂舍高危柱根摧障屈曲雜穢充徧是朽故宅屬于一人其人近出未久之間于後宅舍忽然火起四面一時其燄俱熾棟梁椽柱爆聲震裂摧折墮落墻壁崩倒臭烟蓬煇四面充塞是時宅主在門外立聞有人言汝

諸子等先因遊戲來入此宅稚小無知歡娛樂著長者聞已驚入火宅方便救濟令無燒害告諭諸子諸子無知雖聞父誨猶故樂著嬉戲不已是時長者而作是念今此舍宅無一可樂而諸子等耽

酒嬉戲不受我教將為火害即便思惟設諸方便告諸子等我有種種珍玩之具妙寶好車羊車鹿車大牛之車今在門外汝等出來隨意所樂可以遊戲諸子聞說如此諸車即時奔競馳走而出到

于空地離諸苦難長者見子得出火宅住于四衢坐師子座而自慶言此諸子等生育甚難愚小無知而入險宅多諸毒蟲魑魅可畏大火猛燄四面俱起而此諸子貪樂嬉戲我已救之令得脫難是

故諸人我今快樂爾時諸子皆詣父所而白父言願賜我等三種寶車長者大富庫藏眾多金銀琉璃磚磔碼碼以眾寶物造諸大車莊校嚴飾周帀欄楯四面懸鈴金繩交絡真珠羅網張施其上金

華諸嬰處處垂下眾綵雜飾周帀圍繞柔軟繒纒以為茵褥上妙細氈價值千億鮮白淨潔以覆其上

上有大白牛肥壯多力形體殊好以駕寶車多諸寶從而侍衛之以是妙車等賜諸子諸子是時歡

喜踊躍乘是寶車遊于四方嬉戲快樂自在無礙告舍利弗我亦如是眾聖中尊世間之父一切眾生皆是吾子深著世樂無有慧心三界無安猶如火宅眾苦充滿甚可怖畏常有生老病死憂患如

是等火熾然不息如來已離三界火宅寂然閑居安處林野今此三界皆是我有其中眾生悉是吾子而今此處多諸患難唯我一人能為救護雖復教詔而不信受于諸欲染貪著深故以是方便為說三乘令諸眾生知三界苦開示演說出世間道是諸子等若心決定具足三明及六神通有得緣覺不退菩薩我為眾生以此譬喻說一佛乘汝等若能信受是語一切皆當成得佛道是乘微妙清淨第一于諸世間為無有上佛所悅可一切眾生所應稱讚供養禮拜無量億千諸力解脫禪定智慧及佛餘法得如是乘令諸子等日夜劫數常得遊戲與諸菩薩及聲聞眾乘此寶乘直至道場

### 徐誘草庵

詳見二十卷寶藏註

### 沃金瓶

法苑珠林佛告諸大眾言我初踰城始出宮門外有轉闍婆王將領部族奏百千天樂來至我所即問我

言欲往何所我答言欲求菩提彼語我言汝定成正覺有拘留孫佛欲入涅槃時付囑我金瓶中已有寶塔威七寶印黃金印有二白銀印有五將付悉達常使我護若成正覺時我尋來至依言受瓶

已不久成道大梵天王與地神堅牢于菩提樹南以黃金白玉造大金剛壇眾寶莊嚴爾時轉闍婆王白十方佛言我見過去佛初成道時威昇金剛壇金瓶威水用灌佛頂成就法王位今見釋尊始

得菩提亦如前佛昇金剛壇我聞山王下七重清海內有八功德水往古諸佛欲昇法王位皆登金剛壇用水灌頂我自往取欲灌釋迦頂彼轉闍婆王開瓶出印塔將瓶取水爾時十方諸佛命我昇

壇我即繞壇三匝從于南面上西轉而北住至于壇中心自敷尼師壇禮十方佛諸佛命我坐入金剛三昧十方來佛又告娑竭龍王汝往大海底寶馬王洲上頻伽羅山頂彼有大巖窟名為金剛藏

用貯輪王鍾及貯法王鍾皆用黃金作七寶白王用填其上諸佛出世皆用千鍾灌頂之上輪王出世亦千鍾灌汝持佛鍾來不用輪王者即威八功德水以灌釋迦爾時龍王承佛教已即取金鍾以

授十方佛諸佛受已命轉闍婆王汝持彼水來瀉我金鍾內諸佛命我起立金壇又禮十方佛時十方諸佛又告和修龍王往頻伽山頂彼山有窟藏諸佛座及輪王座皆用黃金作之如須彌山佛座

九龍繞之輪王座五龍繞之令法王登位時座于十方諸佛又命大魔王及大梵王共舉佛座至金剛壇上諸佛命我坐我即依言便却踞坐時十方諸佛以金鍾威水用灌我頂諸佛灌已次及四

天帝釋魔梵次第灌之我灌頂已得淨三昧無量佛法一時皆現

### 繫素縵

華嚴經此菩薩摩訶薩以離垢縵而繫其頂住法師位廣行布施

### 天口

漢書藝文志田子名駢齊人游稷下號天口駢

**雄辯** 廣絕交論聘黃馬之劇談縱碧雞之雄辯

**刮語燒書** 劇秦美新刻滅古文

刮語燒書弛禮崩樂

塗民耳目呂向註刮除也言除百家之言

**孝和皇帝** 唐書中宗諡曰

孝和皇帝

**庶人**

唐書中宗皇后韋氏為亂兵所殺追貶庶人通鑑睿宗紀景雲

元年秋七月乙亥追廢韋氏為庶人

**後宮用事**

通鑑唐中宗紀上在房陵與后同幽閉備嘗艱危情愛甚篤上每聞敕使至輒惶恐欲自殺后止之曰禍福無常寧

失一死何遽如是上嘗與后私誓曰異時幸復見天日當惟卿所欲不相禁制及再為皇后遂干預朝政如武后在高宗之世

**女謁**

帝王世紀宮室屬籍榮耶女謁行耶

史記田蚡傳宗室無節行者除其屬籍

**銀黃**

漢書楊僕傳懷銀黃垂三組師古註銀銀印也黃金印也

**天倫**

穀梁傳兄弟天倫也范甯註兄先弟後天之倫次

**尚方**

顏師古漢書註尚方主作禁器物

**詰朝**

左傳詰朝將見杜預註詰朝平日也

**五土**

蔡邕獨斷天子大社以五色土為壇皇子封為王者

受天子之社土以所封之方色東方受青南方受赤他如其方色宜以白茅授之各以其所封方之色歸國以立社故謂之受茅土

**信宿**

左傳一宿為舍再宿為信孫綽游天台山

賦陟降信宿迄于仙都

**恩澤侯**

漢書有外戚恩澤侯表

**裂裳裹足**

呂覽公輸般為高雲梯欲以攻宋墨子聞之自魯往裂裳裹足

日夜不休十日十夜而至于郢見荆王

**受具**

釋氏要覽具足戒即出家二眾所受戒也何各具足決定藏論云比丘戒四分義攝一者受具足謂白四羯磨二隨具足謂從此向後隨

一一戒常持覆護故三護他心具足謂比丘一分威儀具足名護他心四具足守戒謂于小罪見畏不犯若有犯者悉皆發露故此具足戒有六聚比丘二百五十條尼三百五十條

**山**

**神獻果**

法苑珠林唐始州永安縣釋惠主姓賈持律第一兼營福業後至故鄉南山藏伏惟食松葉異類禽獸同集無聲或有山神與送茯苓甘松香來

**天女**

**散花**

維摩詰經時維摩詰室有一天女見諸大人聞所說法便現其身即以天花散諸菩薩大弟子上花至諸菩薩即皆墮落至大弟子便著不墮一切弟子神力去花不能令去爾時

天女問舍利弗何故去花答曰此花不如法是以去之天女曰勿謂此花為不如法所以者何是華無所分別仁者自生分別想耳若于佛法出家有所分別為不如法若無所分別是則如法觀諸菩薩華不著者已斷一切分別想故譬如人畏時非人得其便如是弟子畏生死故色聲香味觸得其便已離畏者一切五欲無能為也結習未盡華著身耳結習盡者華不著也

### 東魏

### 神泉

晉書襄國城塹水源在城西北五里其水源暴竭石勒問佛圖澄何以致水澄曰今當勅龍取水迺與弟子法首等數人至故泉源上坐繩牀燒安息香呪願數百言如此三日水

泫然微流有一小龍長五六寸許隨水而來諸道士競往視之有頃水大至墮塹皆滿此云東魏未詳

### 禪枝

梁昭明太子詩藥樹永繁稠禪枝詎凋榘

仙入涅槃佛曰墜于地法水悉枯涸我等定當死金光明經智淵無邊法水具足

### 脫履

列子楊朱南之沛老聃西遊于秦邀于郊至梁而遇老子老子中道仰天而嘆曰始以汝為可

教今不可教也揚朱不答至舍進澹漱巾櫛脫履戶外膝行而前曰向者夫子仰天而嘆曰始以汝為可教今不可教也揚朱不答至舍進澹漱巾櫛脫履戶外膝行而前曰向者夫子仰天而嘆曰始以汝為可

禮記毋踐履毋踏席握衣趨隅孔穎達正義握衣趨隅者握提也衣裳也趨猶向也隅猶角也既不踏席當兩手提裳之前徐徐向席之下角從下而升當已位而就坐也

### 聖胎

仁王經一切諸佛菩薩長養十心為聖胎也

### 雪山童子

佛入雪山修行故謂佛為雪山童子釋氏要覽智度論云梵語鳩摩羅伽秦言童子寄歸傳云白衣詣茲

芻所專誦佛典求落髮號童子西天出家國無止制但投師允可即和僧剃髮故無童子行者之屬今經中呼文殊善才寶積月光等諸大菩薩為童子者即非稚齒如智論云如文殊師利十力四無

所畏等悉具佛事故住鳩摩羅伽地又云若菩薩從初發心斷淫欲乃至菩提是名童子

### 芭蕉之身

涅槃經是身不堅猶如蘆葦伊蘭水沫芭蕉之樹又云譬如芭

蕉生實則枯一切衆生身亦如是

### 甘蔗之種

法苑珠林菩薩本行經云甘蔗王次前有王名大茅草以王位付諸大臣剃除鬚髮服出家衣持戒清淨專心勇猛成就

四禪具足五通得成王仙壽命極長至年衰老肉消背曲雖復拄杖不能遠行時諸弟子欲往東西求覓飲食取好輟草安置籠裏用威王仙懸樹枝上畏諸蟲獸來觸王仙時諸弟子乞食去後有一

獵師遊行山野遙見王仙謂是白鳥遂即射之有兩滴血出墮于地即便命終彼諸弟子乞食來還見王仙被射命終集聚柴木焚燒王屍收骨為塔復將種種雜妙香花供養彼塔爾時彼地有兩滴血即便生出二甘蔗芽漸漸高大至時甘蔗熟日炙開剖其一莖蔗出一童子一莖蔗出一童女端正可喜世無有雙時諸弟子心念王仙在世之時不生兒子今此兩童是王仙種養護看視報諸臣知時諸大臣召喚解相婆羅門教令占相并遣作名彼相師言此童子者既是日炙熟甘蔗開而出生故一名善生二復名甘蔗生又以日炙甘蔗出故亦名日種彼女因緣一種無異故名善賢復名水波時彼諸臣取甘蔗種所生童子幼小時即灌其頂立以為王其善賢女至年長大堪能伏事即拜為王第一之妃

**委運** 晉書自可居常待終頽心委運 **象牙**

**花發**

岬雅象南越大獸其牙生花必因雷聲爾雅象其牙長一尺每雷震必倉卒間似花暴出凌巡隱沒滄滄經譬如虛空震雷起雲一切象牙上皆生花若無雷震花則不生亦無

名字衆生佛性亦復如是常為一切煩惱所覆不可得見是故我說衆生無我若得聞是大般涅槃微妙經典則見佛性如象牙花雖聞契經一切三昧不聞是經不知如來微妙之相如無雷時象牙上花不可得見聞是經已即知一切如來所說秘藏佛性喻如天雷見象牙花聞是經已即知一切無量衆生皆有佛性以是義故說大涅槃名為如來秘密之藏增長法身猶如雷時象牙上花

**薦紳**

史記五帝本紀薦紳先生難言之徐廣曰薦紳即縉紳也古字假借 **却行擁篲** 史記騶衍如燕昭王擁慧先驅請列弟子之座而受業索隱曰

慧帚也謂為之掃地以衣袂擁帚而行恐塵埃之及長者所以為敬也漢書太公擁篲迎門却行師古註却行却退而行也 **無說** 涅槃經如來雖為一切衆生演說諸法實無所說何以故有所說者名為有法如來

世尊非是有為是故無說 **又損** 老子為學日益為道日損損之又損 **中分** 莊子常季問于仲尼

曰王駘兀者也從之遊者與夫子中分魯立不教坐不議 **封君** 漢書秦漢之制列侯封君 **律** 虛而往實而歸固有不言之教無形而心成者耶 **儀** 西域記戒行律 **細行** 周書不矜細行 **二翼** 釋氏以權實為二翼或以定慧為二翼涅槃經猶如車有二輪則有載用鳥有二翼



堪任飛行

**僧寶** 法苑珠林夫論僧寶者謂禁戒守真威儀出俗圖方外以發心棄世間而立法官榮無以動其意親屬莫能累其想宏道以報四恩育德以資三有高超人天重踰金玉

稱爲僧也是知僧寶利益不可稱紀釋氏要覽初小乘說丈六金身是佛寶四諦十二因緣生空教是法寶四果緣覺是僧寶次大乘說三身如來是佛寶二空教是法寶三賢十聖是僧寶

**疑皆問**

涅槃經大覺世尊將欲涅槃一切衆生若有所疑今悉可問爲最後問法苑珠林有阿羅漢名難提蜜多羅化緣既畢將般涅槃集諸苾芻茲芻尼等但有疑者應可速

問

**當入無餘** 法華經如來于今日中夜當入無餘涅槃 **踴身七樹** 涅槃經爾時世尊以黃金身示大衆已即放無量無邊百千萬

億大涅槃光普照十方一切世界日月所照無復光明放是光已即從七寶師子大牀上昇虛空高一多羅樹一反告言我欲涅槃汝等大衆看我紫磨黃金色身如是展轉高七多羅樹七反告言我

欲涅槃汝等大衆應當深心看我紫磨黃金色身從空中下坐師子牀如 **遷神** 潘岳寡婦賦痛是二十四反告諸大衆爲是最後見于如來自此見已無復再覩 存亡之殊制兮

將遷神而 **少陵原**

長安志少陵原在萬年縣南四十里南接終南北至灤水西屈曲六十里入長安縣界即漢鴻固原也宣帝許后葬于此俗號少陵原張禮遊城南

記註漢許后葬少陵在司馬村之東因即其地呼少陵原

**茶毘** 涅槃經佛告阿難我入涅槃如轉輪王經停七日乃入金棺以妙香油注滿棺中密蓋棺門其棺四面應以七寶間

雜莊嚴一切寶幢香花供養經七日已復出金棺既出棺已應以一切衆妙香水灌洗沐浴如來之身既灌洗已以上妙兜羅綿綿綿纏身次以微妙無價白氈千張復于綿上纏如來身又入金棺復

以微妙香油盛滿棺中閉棺令密爾乃純以微妙牛頭栴檀沉水一切香木成七寶車一切衆寶以爲莊嚴載以寶棺至茶毘所無數寶幢寶蓋寶衣天樂香華周徧虛空悲哀供養一切天人無數大

衆應各以栴檀沉水微妙香油茶毘如來哀號戀慕茶毘已訖天人四衆收取舍利 **合璧連** 盛七寶瓶于其城內四衢道中起七寶塔供養舍利翻譯名義茶毘此云焚燒

**珠** 漢書日月如合璧五星如連珠孟康註謂太初上元甲子夜半朔旦冬至時七曜皆會聚斗牽牛分度夜盡如合璧連珠也莊子莊子將死弟子欲厚葬之莊子曰吾以天地爲棺槨以日月

為連壁星辰為珠璣萬物為齋送吾葬具豈不備耶何以加此

**叩膺拔髮**涅槃經大覺世尊已入涅槃爾時阿難悶絕躡地猶如死人寂無氣息爾時樓豆以清冷水灑

阿難面扶之今起以善方便而慰喻之爾時無數一切大眾或常槌

自燒身取于涅槃爾時大眾戀慕舍利弗目不暫捨心生戀慕舉身大哭塵土全身

禮樂然後成之以文德蓋入室升堂者七十有餘人

**破山樹海**晉書顧愷之拜桓温墓賦詩云山崩溟海竭魚鳥將何依或問之曰卿憑重桓公乃爾哭狀其可見乎答

曰聲如震雷破山淚如傾河注海

**聲振三千**涅槃經爾時城內士女天人大眾復重悲哀各以所持號泣供養一時禮拜右繞七匝悲號大哭聲震三千

**惠莊**按唐書睿宗子申王

**紅蓮**按雜寶藏經波羅柰國中有蓮花夫人是生千子後為賢劫千佛

**勝鬘夫人**楞伽經令勝鬘夫人及利智滿足諸菩薩等宣揚演說如來藏及識藏名七識俱生聲聞計著見人法無我故勝鬘夫人承佛威神說如來境界非聲聞緣覺及外道境界如來藏識藏唯佛及餘利智

依義菩薩**毘邪居士**維摩詰經爾時毘耶離大城中有長者名維摩詰已曾供養諸佛深植善本得無生忍辯才無闕遊戲神通逮諸總持獲無所畏降魔勞怨入深法

**二空法**二空人法兩空也羅漢祇得人空大乘人法俱空楞嚴經及諸一切未得二空回向上乘阿羅漢等

**舍利**法苑珠林舍利者西域梵語此云骨身恐濫凡夫死人之骨故

謂七覺分一者念處覺分二者擇法覺分三者精進覺分四者喜覺分五者除覺分六者定覺分七者捨覺分

存梵本之名舍利有三種一是骨舍利其色白也二是髮舍利其色黑也三是肉舍利其色赤也菩薩羅漢等亦有三種若是佛舍利椎打不碎若是弟子舍利椎擊便破矣釋氏要覽舍利乃是戒定慧忍行功德熏成也梵語設利羅今訛略稱舍利華言骨身所以不譯者恐濫凡夫骨身故也又云馱都此云不壞義有二種舍利一全身二碎身碎身有三一骨舍利白色二肉舍利紅色三髮舍利

黑色惟佛舍利五色有神變一切物不能壞焉

**羊峴**

晉書羊祜樂山水每風景必造峴山置酒言詠終日不倦嘗慨然嘆息願謂從事中郎鄭湛等曰自有宇宙便有此山由來賢

達勝士登此遠望如我與卿者多矣皆湮滅無聞使人悲傷如百歲後有知魂魄猶應登此也湛曰公德冠四海道嗣前哲令聞令望必與此山俱傳至若湛輩乃當如公言耳及祜卒襄陽百姓于峴

山祜平生游憩之所建碑立廟歲時饗祭焉望其碑者莫不流涕杜預因名爲墮淚碑

**後五百年**

法苑珠林釋迦佛如來滅後正法住世五百歲像法住世亦五

百歲又法苑珠林佛伸右手摩彌勒頂作如是言彌勒我付囑汝當來末世後五百歲正法滅時汝當守護三寶莫令斷絕

**玉牒**

劉孝標廣絕交論鏤金板而鏤盤玉書玉牒而刻鐘

鼎說文牒札也

**無量義處**

法華經爾時世尊四眾圍繞供養恭敬尊重讚嘆爲諸菩薩說大乘經名無量義教菩薩法佛所護念佛說此經已結加趺坐入于無量

義處三昧身心不動大般若經言無量者量不可得不可在過去法中不可量在未來法中不可量在現在法中

**如來禪**

楞伽經云何如來禪謂入如來地得自覺聖智相三

種樂住成辦衆生不思議事是名如來禪

**目論**

史記越世家齊使者曰幸也越之亡也吾不貴其用智之如目見毫毛而不自見其睫也今王知晉之失計而不自知越之過是目論

也索隱曰言越王知晉之失而不自覺越之過猶人眼能見毫毛而不自見其睫故謂之目論也王巾頭陀寺碑文穿鑿異端者以違方爲得一順非辯僞者比微言于目論

**救頭**

大般若經菩薩修行如救頭然

**寶樹**

華嚴經一切寶樹行列莊嚴

**八水香池**

華嚴經八功德水湛然盈滿其水香氣如天梅檀法苑珠林八功德水依

順正理論云一甘二冷三軟四輕五清淨六不臭七飲時不損喉八飲己不傷腹

**嬰兒**

涅槃經應當于是大涅槃經專心思惟五種之行一者聖行二者梵行三者天行四者嬰兒行

五者病行云何名爲嬰兒行善男子不能起住來去語言是名嬰兒如來亦爾不能起者如來終不起諸法相不能住者如來不著一切諸法不能來者如來身行無有動搖不能去者如來已到般

涅槃不能語者如來雖爲一切衆生演說諸經實無所說

**勝幡**

維摩詰經降伏四種魔勝幡建道場鳩摩羅什曰外國破敵得勝則豎勝幡道場降魔亦表其勝相也釋氏要覽長

阿含經云若沙門于此寺法中勤苦得一法者便當暨幡告四遠

### 利眼金翅

華嚴經譬如金翅鳥王飛行虛空迴翔不去以清淨眼觀察海內諸龍宮殿奮勇猛

力以左右翅鼓揚海水悉令兩闢知龍男女命將盡者而搏取之如來應正等覺金翅鳥王亦復如是住無礙行以淨佛眼觀察法界諸宮殿中一切衆生若會種善根已成熟者如來奮猛十力以止

觀兩翅鼓揚生死大愛海水使其兩闢而撮取之置佛法中令斷一切妄想戲論安住如來無分別無礙行

### 魔種敗壞

涅槃經夫四魔者是菩薩時能以智慧破壞四魔大般若經若有發心于彼功德深生隨喜皆能破壞一切魔軍宮殿眷

屬西域記魔王知菩薩將成正覺也誘亂不遂憂惶無賴集諸神衆齊整魔軍治兵振旅將憐菩薩

于是風雨飄注雷電晦冥縱火飛烟揚沙激石備矛盾之具極弦矢之用菩薩于是入大慈定凡厥兵仗變爲蓮花魔軍怖駭奔馳退散

### 四生滅度

金剛經佛告須菩提

所有一切衆生之類若卵生若胎生若濕生若化生若有色若無色若有想若無想若非有想若非無想我皆令入無餘涅槃而滅度之涅槃經如火不遇薪名之爲滅滅生死故名爲滅度

### 彼岸

涅槃經菩薩及佛具足成就六波羅蜜多到彼岸僧肇維摩詰經註彼岸涅槃岸也彼岸涅槃岸豈崖岸之有以我異于彼故借謂之耳錦繡萬花谷梵經云波羅蜜多此云到彼岸彼岸者西土

俗以設論諸佛地謂之彼岸衆生輪回作業之地如在海中謂之此岸則佛地所以謂之彼岸

### 水月

維摩詰經如智者見水中月菩薩觀衆生爲若此金光明經聲聞之身猶如虛空

幻響化如水中月

# 王右丞集卷之二十四

王右丞集

卷之二十四

八 中華書局聚



王右丞集卷之二十五

仁和趙殿成松谷箋註

碑銘二首

能禪師碑

唐文粹作六祖能禪師碑銘

無有可捨是達有源無空可住是知空本離寂非動  
 乘化用常在百法而無得周萬物而不殆鼓柁海師  
 不知菩提之行散花天女能變聲聞之身則知法本  
 不生因心起見見無可取法則常如無顧本作而誤今校從唐文粹本世之  
 至人有證于此得無漏不盡漏度有為非無為者其  
 惟我曹溪禪師乎禪師顧本少此三字今從唐文粹本增入俗姓盧氏某郡某  
 縣人也名是虛假不生族姓之家法無中邊不居華  
 夏之地善習表于兒戲利根發于童心不私其身臭

味于畊桑之侶苟適其道羶行于蠻貊之鄉顧本侶作似適作行羶作能俱

誤今校從唐文粹本年若干事黃梅忍大師願竭其力即安于井臼

素劔其心獲悟于稊稗每大師登座學衆盈庭中有

三乘之根共聽一音之法禪師默然受教會不起予

退省其私迴超無我其有猶懷渴鹿之想尚求飛鳥

之跡香飯未消弊衣仍覆皆曰升堂入室測海窺天

窺舊本作扇非謂得黃帝之珠堪受法王之印大師心知獨得

謙而不鳴天何言哉聖與仁豈敢天舊作回非子曰賜也吾

與汝弗如弗唐文粹作不臨終遂密授以祖師袈裟而謂之曰

唐文粹無而字物忌獨賢人惡出已吾且死矣汝其行乎吾唐文粹作子

禪師遂懷寶迷邦銷聲異域衆生爲淨土雜居止于

編人世事是度門混農商于勞侶如此積十六載南

海有印宗法師講涅槃經禪師聽于座下因問大義  
質以真乘既不能酬翻從請益乃嘆曰化身菩薩在

此色身肉眼凡夫願開慧眼遂領徒屬盡詣禪居徒顧本作

其今校從唐文粹本奉為挂衣親自削髮于是大興法雨普灑客塵

乃教人以忍曰忍者無生方得無我始成于初發心

以為教首顧本于教字下多人以二字今從唐文粹本刪去至于定無所入慧無所依大

身過于十方本覺超于三世根塵不滅非色滅空行

願無成即凡成聖舉足下足長在道場是心是情同

歸性海商人告倦自息化城窮子無疑直開寶藏其

有不植德本難入頓門妄繫空花之狂曾非慧日之

咎顧本以頓門作禁門妄繫作未繫慧日作思日俱非是今從唐文粹本校正常歎曰七寶布施等恒河沙

億劫修行盡大地墨不如無為之運無礙之慈宏濟



四生大庇三有既而道德遍覆名聲普聞泉館卉服  
之人去聖歷劫塗身穿耳之國航海窮年塗舊作途非皆願

拭目于龍象之姿忘身于鯨鯢之口駢立于戶外跌  
坐于牀前林是旃檀更無雜樹花惟蒼蔔不嗅餘香  
皆以寶歸多離妄執九重延想萬里馳誠思布髮以  
奉迎願叉手而作禮則天太后孝和皇帝並敕書勸  
諭徵赴京城禪師子牟之心敢忘鳳闕遠公之足不  
過虎溪固以此辭竟不奉詔遂送百衲袈裟及錢帛  
等供養天王厚禮獻玉衣于幻人女后宿因施金錢  
于化佛尚德貴物異代同符至某載月日中忽謂門  
人曰吾將行矣俄而異香滿室白虹屬地飯食訖而  
敷坐沐浴畢而更衣彈指不留水流燈焰金身永謝

薪盡火滅山崩川竭鳥哭猿啼諸人唱言人無眼目  
列郡慟哭世且空虛某月日遷神于曹溪安座于某  
所擇吉祥之地不待青鳥變功德之林皆成白鶴鳴  
呼大師至性淳一天姿貞素百福成相衆妙會心經  
行宴息皆在正受談笑語言曾無戲論故能五天重  
跡百越稽首修虵雄虺毒螫之氣銷跳及彎弓猜悍  
之風變畋漁悉罷蠱醜知非多絕羶腥効桑門之食  
悉棄罟網襲稻田之衣永惟浮圖之法實助皇王之  
化弟子曰神會遇師于晚景聞道于中年中顧本作長今校從唐文粹本廣  
量出于凡心利智踰于宿學雖末後供樂最上乘先  
師所明有類獻珠之願願唐文粹作願世人未識猶多抱玉之  
悲謂余知道以頌見託偈曰

五蘊本空六塵非有衆生倒計不知正受蓮花承足

楊枝生肘苟離身心孰為休咎其一至人達觀與物齊

功無心捨有何處依空不着三界徒勞八風以茲利

智遂與宗通其二愍彼偏方不聞正法俯同惡類將與

善業教忍斷嗔修慈捨獵世界一花祖宗六葉其三大

開寶藏明示衣珠本源常在妄轍遂殊過動不動離

俱不俱吾道如是道豈在吾其四道遍四生常依六趣

有漏聖智無義章句六十二種一百八喻悉無所得

應如是住其五

### 能禪師

傳燈錄慧能大師姓盧氏其先范陽人父行蹈武德中左官于南海之新州遂占籍焉三歲喪父其母守志鞠養及長家尤貧窶師樵採以給一日負薪至市中聞客讀

金剛經悚然問曰此何法也得于何人客曰此名金剛經得于黃梅忍大師師遠告其母以為法尋師之意直抵韶州遇高行士劉志略結為交友尼無盡藏者即志略之姑也常誦涅槃經師暫聽之

即為解說其義尼遂執卷問字師曰字即不識義即請問尼曰字尚不識安能會義師曰諸佛妙理非關文字尼驚異之告鄉里耆艾云能是有道之人宜請供養于是居人競來瞻禮近有寶林古寺

舊地衆議營緝俾師居之四衆霧集俄成寶坊師一日自念曰我求大法豈可中道而止明日遂行至昌樂縣西山石室間遇智遠禪師師遂請益遠曰觀子神姿爽拔殆非常人吾聞西域菩提摩傳心印于黃梅汝當往彼參決師辭去直造黃梅之東禪即唐咸亨二年也忍大師一見默而識之後傳衣法今隱于懷集四會之間至儀鳳元年丙子正月八日屆南海遇印宗法師于法性寺講涅槃經師寓止廊廡間暮夜風颺利幡聞二僧對論一云幡動云風動往復酬答未會契理師曰可容俗流輒預高論否直以風幡非動動自心耳印宗切聆此語竦然異之翌日邀師入室徵風幡之義師具以理告印宗不覺起立云行者定非常人師爲是誰師更無所隱直敘得法因由于是印宗執弟子之禮請受禪要乃告四衆曰印宗具足凡夫今遇肉身菩薩指坐下盧居士云卽此是也因請出所傳信衣悉令瞻禮至正月十五日會諸名德爲之剃髮二月八日就法性寺智光律師受滿分戒其戒壇卽宋朝求那跋陀三藏之所置也三藏記云當有肉身菩薩在此壇受戒又梁末真諦三藏于壇之側手植二菩提樹謂衆曰却後一百二十年有大開土于此樹下演無上乘度無量衆師具戒已于此樹下開東山法門宛如宿契明年二月八日謂衆曰吾不願此居要歸舊隱時印宗與緇白千餘人送師歸寶林寺韶州刺史韋據請于大梵寺轉妙法輪并受無相心地戒門人紀錄目爲壇經盛行于世後返曹谿兩大法兩學者不下千數中宗神龍元年降詔云朕請安秀二師宮中供養萬機之暇每究一乘二師並推讓云南方有能禪師密受大師衣法可就彼問今違內侍薛簡馳詔迎請願師慈悲速赴上京師上表辭疾願終林麓薛簡曰京城禪德皆云欲得會道必須坐禪習定若不因禪定而得解脫者未之有也未審師所說法如何師曰道由心悟豈在坐也經云若見如來若坐若臥是行邪道何故無所從來亦無所去若無生滅是如來清淨禪諸法空寂是如來清靜坐究竟無證豈在坐邪簡曰弟子之迴主上必問願和尚慈悲指示心要師曰道無明暗明暗是代謝之義明暗無盡亦是有盡簡曰明喻智慧暗况煩惱修道之人儻不以智慧照破煩惱無始生死憑何出離師曰若以智慧照煩惱者此是二乘小兒羊鹿等機上智大根悉不如是簡曰如何是大乘見解師曰明與無明其性無二無二之性卽是實性實性者處凡愚而不減在賢聖而不增住煩惱而不亂居禪定而不寂不斷不常不來不去不在中間及其內外不生不滅性相如常住不遷名之曰道簡曰師說不生不滅何異外道師曰外道所說不生不滅者將滅止生以生顯滅滅

猶不滅生說無生我說不生不滅者本自無生今亦無滅所以不同外道汝若欲知心要但一切善惡都莫思量自然得入清淨心體湛然常寂妙用常沙簡蒙指教豁然大悟禮辭歸闕表奏師語有詔謝師并賜摩納袈裟絹五百匹寶鉢一口十二月十九日勅改寶林為中興寺三年十一月十八日又勅韶州刺史重加崇飾賜額為法泉寺師新州舊居為國恩寺師說法利生經四十載先天二年七月一日謂門人曰吾欲歸新州時大衆哀慕乞師且住師曰諸佛出現猶示涅槃有來必去理亦常然吾此形骸歸必有所往新州國恩寺沐浴訖跣趺而化異香襲人白虹屬地即其年八月二日也時韶新兩郡各修靈塔道俗莫決所之兩郡刺史共焚香祝云香烟引處即師之欲歸焉時香爐騰涌直貫曹谿以十一月十三日入塔壽七十六

天女

維摩詰經時維摩詰

室有一天女見諸大人聞所說法便現其身即以天華散諸菩薩大弟子上舍利弗言汝何以不轉女身天女曰我從十二年來求女人相了不可得當何所轉譬如幻師化作幻女若有人問何以不轉女身是人為正問不舍利弗言不也幻無定相當何所轉天女曰一切諸法亦復如是無有定相云何乃問不轉女身即時天女以神通力變舍利弗令如天女天女自化身如舍利弗而問言何以不轉女身舍利弗以天女像而答言我今不知何轉而變為女身天女曰舍利弗若能轉此女身則一切女人亦當能轉如舍利弗非女而現女身一切女人亦復如是雖現女身而非女也是故佛說一切諸法非男非女即時天女還攝神力舍利弗身還復如故天女問舍利弗女身色相今何在舍利弗言女身色相無在無不在天女曰一切諸法亦復如是無在無不在夫無在無不在者佛所說也

無漏

釋氏謂道心如完器妙理猶淨水一切煩惱破壞道心迷失妙理猶如破器不能停淨水譏其過失名之曰漏即欲漏有漏無明漏也四果永盡名曰無漏

度

有為非無為

華嚴經何等為有為法所謂欲界色界無色界衆生界何等為無為法所謂虛空涅槃數緣滅非數緣滅緣起法性住

利根

涅槃經一切衆生凡有三種所謂利根中根鈍根

臭味

左傳晉范宣子來聘公享之宣子賦標有梅季武子曰誰敢哉今譬于草木寡君在君君之臭味也杜預註言同類也

羶行

莊子羊肉不羶蟻羶羊肉羊肉羶也舜有羶行百姓悅之故三徙成鄧之虛而十有萬家

黃梅忍大師

傳燈錄宏忍大師斬

州黃梅人也姓周氏生而岐嶷童遊時逢一智者數曰此子闕七種相不逮如來後遇信大師得法嗣化于破頭山咸亨中有一居士姓盧名慧能自蘄州來參謁師問曰汝自何來曰嶺南師曰欲須何事曰唯求作佛師曰嶺南人無佛性若爲得佛曰人卽有南北佛性豈然師知是異人乃訶曰著槽廠去能禮足而退便入碓坊服勞于杵臼之間晝夜不息經八月師知付授時至遂告衆曰正法難解不可徒記吾言持爲己任汝等各自隨意述一偈若語意冥符則衣法皆付時會下七百餘僧上座神秀者學通內外衆所宗仰咸共推稱云若非尊秀曠敢當之神秀切聆衆譽不復思惟乃于廊壁書一偈云身是菩提樹心如明鏡臺時時常拂拭莫遣有塵埃師因經行忽見此偈知是神秀所述乃讚數曰後代依此修行亦得勝果令各誦念能在碓坊忽聆誦偈乃問同學是何章句同學曰和尚求法嗣令各述心偈此則秀上座所述和尚深加歎賞必將付法傳衣也能曰美則美矣了則未了同學訶曰庸流何知勿發狂言能曰子不信耶願以一偈和之同學不答相視而笑能至夜密告一童子引至廊下自秉燭令童子于秀偈之側寫一偈云菩提本非樹明鏡亦非臺本來無一物何假拂塵埃大師後見此偈云此是誰作亦未見性衆聞師語遂不之顧迨夜乃潛令人自碓坊召能行者入室告曰諸佛出世爲一大事故隨機小大而引導之遂有十地三乘頓漸等旨以爲教門然以無上微妙秘密圓明真實正法眼藏付于上首大迦葉尊者展轉傳授二十八世至達摩居士于此土得可大師承襲以至于吾今以法寶及所傳袈裟用付于汝善自保護無令斷絕能居士跪受衣法啓曰法則既授衣付何人師曰昔達摩初至人未知信故傳衣以明得法今信心已熟衣乃爭端止于汝身不復傳也且當遠隱俟時行化能曰當隱何所師曰逢懷卽止遇會且藏能禮足已捧衣而出是夜南邁大衆莫知師自此不復上堂凡三日大衆疑怪致問師曰吾道行矣何更詢之復問衣法誰得耶師曰能者得于是衆議盧行者名能尋訪既失懸知彼得卽共奔逐上元二

二一

乘

魏書釋老志初階聖者有三種人其根業太差謂之三乘聲聞乘緣覺乘大乘取其可乘運以至道爲名此三人惡迹已盡但修心盪累濟物進德初根人爲小乘行四諦法中根人爲中乘

受十二因緣上根人爲大乘則修六度雖階三乘而要由修進萬行拯度億流彌長遠乃可登佛境矣劉孝標世說註法華經曰三乘者一曰聲聞乘二曰緣覺乘三曰菩薩乘聲聞者悟四諦而得道

也緣覺者悟因緣而得道也菩薩者行六度而得道也然則羅漢得道全由佛教故以聲聞為名也辟支佛得道或聞因緣而解或聽環珮而得悟神能獨達故以緣覺為名也菩薩者大道之人也方便則止行六度真教則通修萬善功

不為己志存廣濟故以大道為名也 **一音** 維摩詰經佛以一音演說法眾隨類各得解皆謂世尊同其語斯則神力不共法涅槃經一切眾生病

種形類二足四足多足無足佛以一音而為說法彼 **無我** 金剛經是故佛說一切法無我無人彼異類各自得解各各嘆言如來今日為我說法 無眾生無壽者若菩薩通達無我法

者如來說名真 **渴鹿之想** 楞伽經不知心量愚癡凡夫取內外性依于一異俱不俱有無是菩薩 非有非無常無常自性習因計著妄想譬如羣鹿為渴所逼見

春時炎而作水想迷 **飛鳥之跡** 涅槃經如鳥飛空跡不可尋華嚴經 亂馳趨不知非水 了知諸法性寂滅如鳥飛空無有跡 **弊衣** 用法華經 窮子事

**測海窺天** 東方朔答客難語曰以管窺天以蠡測海以筵 **黃帝之珠** 莊子黃帝 撞鐘豈能通其條貫考其文理發其音聲哉 遊乎赤水

之北登乎崑崙之邱而南望還歸遺其元珠使知索之而不得使離朱索之而不得 使喫詬索之而不得也乃使象罔象罔得之黃帝曰異哉象罔乃可以得之乎 **法王之**

**印** 法華經我為法王于法自在安隱眾生成現于 **謙而不鳴** 義本周易 世汝舍利弗我此法印為欲利益世間故說 謙卦 銷聲 儒書

傳文博之漱流 **編人** 後漢書朱浮傳至或 **印宗法師** 傳燈錄廣州法性寺印宗和尚 枕石鏟跡銷聲 傳牛車齊于編人 吳郡人也姓印氏從師出家精

涅槃大部唐咸亨元年抵京師勅居大敬愛寺固辭往蘄州錫忍大 **化身** 大藏一覽金光明最 師後于法性寺講涅槃經遇六祖能大師始悟元理以能為傳法師 勝王經云一切如來

有三種化身應身法身如是三身具足攝受阿耨菩提云何化身如來昔在修行 **肉眼** 翻譯 地中為諸眾修種種法得自在力隨眾生意隨眾生理現種種身是名化身 名義

眼有五種一肉眼二天眼三慧眼四法眼五佛眼肉眼見近不見遠見前不見後見外不見內見晝 不見夜見上不見下得慧眼不見眾生盡滅一異相捨離諸著不受一切法智慧自內滅是名慧眼

**挂衣削髮**

釋氏要覽寄歸傳云西國出家具有聖制諸有發心出家者師乃問諸難事難入佛法之基七衆所攝也師次爲辦縵條僧脚崎下裙濾羅鉢等方請阿遮梨爲剃髮師親爲著下裙次與上衣頂戴受著已授與鉢器授十戒此名室羅末尼羅方成應法爲五衆攝堪消施利

**法雨**

涅槃經雨大法雨普潤衆生華嚴經佛于一剎那中普雨無邊大法雨

**客塵**

維摩詰經菩薩斷除客塵煩惱而起大悲僧肇註心遇外緣煩惱橫起故名客塵

**慧無所依**

華嚴經一切佛法依慈悲慈悲復依方便立方便依智智依慧無礙慧身無所依成唯識論依謂一切有生滅法仗因託緣而得生住諸所仗託皆說爲依如

王與臣互相依等

**非色滅空**

維摩詰經色卽是空非色滅空色性自空僧肇註不待色滅然後爲空

**舉足下足**

維摩詰經菩薩若應

諸波羅蜜教化衆生諸有所作舉足下足當知皆從道場來住于佛法矣

**德本**

法華經此諸菩薩非初發意皆久植德本于無量百千萬億佛所淨修梵行

**慧日**

**之咎**

華嚴經譬如日出普照世間于一切淨水器中影無不現普徧衆處而無來往或一器破便不現影佛子于汝意云何彼影不現爲日咎不答言不也但由器壞非日有咎如來智

日亦復如是前現法界無前無後一切衆生淨心中物無不現心器常淨常見佛身若心濁器破則不得見

**七寶布施**

金剛經須菩提如恒河中所有沙數如是

沙等恒河于意云何是諸恒河沙寧爲多不須菩提言甚多但諸恒河尚多無數何況其沙須菩提若有善男子善女人以七寶滿爾所恒河沙數三千大千世界以用布施得福多不須菩提言甚多

佛告須菩提若善男子善女人于此經中乃至受持四句偈等爲他人說而此福德勝前福德

**大地墨**

用法華經中事詳見十一卷註無爲

有壞滅無爲之法無有壞滅

**無礙之慈**

經世間無礙清淨慈放大光明平等普照故

**塗身**

後漢書東夷傳挹婁古肅慎之國也在夫餘東北千

餘里好養豕食其肉衣其皮冬以豕膏塗身厚數分以禦風寒

**穿耳**

後漢書南蠻傳珠崖儋耳二郡在海洲上東西千里南北五百里其渠帥貴長耳皆穿而縋之垂肩三寸南史林邑



國男女皆以橫幅古貝繞腰以下謂之干漫穿耳貫小環貴者著革屣賤者跣行自林邑扶南以南諸國皆然也沈瑩臨海水土志夷州在臨海東南去郡二千里土地無霜雪草木不死四面是山谿

人皆髡髮穿耳女人不穿耳航海顏延年曲水詩序棧山航海踰林是旃檀滄槃經如旃檀林純以旃檀而為圍繞

花惟薜萄維摩詰經如人入瞻蔔林唯嗅瞻蔔不嗅餘香酉陽雜俎諸花少六出者惟梔子花六出陶真白言梔子剪花六出刻房七道其花香甚相傳即西域瞻蔔花

也實歸王巾頭陀寺碑文智刀所遊日布髮大藏一覽過現因果經云魯慧仙人既授記已佛經行處而地濁濕魯慧即脫所著

鹿皮之衣以用布地解髮覆之佛踐而度復記之曰汝後得佛當于五濁惡世度諸天人不以為難必如我也大般若經我于往者然燈佛時蓮花王都四衢道首見然燈佛獻五莖花布髮掩泥聞正

法要又手瓔珞經時有菩薩名曰普照承佛聖旨即從座起長跪叉手前白佛言則天太后劉昫唐書慧能住韶州廣果寺韶州山中舊多虎豹

一朝盡去遠近驚歎咸歸伏焉神秀嘗奏則天請迫慧能赴都慧能固辭神秀又自作書重邀之慧能謂使者曰吾形貌短陋北土見之恐不敬吾法又先師以吾南中有緣亦不可違也竟不度嶺而

死天下乃散傳其道謂神秀為北宗慧能為南宗子牟莊子中山公子牟謂瞻子曰身在江湖之上心居乎魏闕之下奈何幻人列子周穆王時西極之國有化

人來入水火貫金石反山川移城邑乘虛不墜觸實不礙千變萬化不可窮極既已變物之形又且易人之慮穆王敬之若神事之若君推路寢以居之引三牲以進之選女樂以娛之化人以為王之

宮室卑陋而不可處王之廚饌腥蠅而不可饗王之嬪御臚惡而不可親穆王乃為之改築土木之功楮堊之色無遺巧焉五府為虛而臺始成其高千仞臨終南之上號曰中天之臺簡鄭衛之處子

娥媠靡曼者施芳澤正蛾眉設笄珥衣阿錫曳齊紈粉白黛黑珮玉環雜芷若以滿之奏承雲六聲九韶晨露以樂之月月獻玉衣旦日薦玉食化人猶不舍然不得已而臨之居無幾何謁王同遊王

執化人之祛騰而上者中天酒止暨及化人之宮女后宿因雜寶藏經云昔者闍崛山中多有僧住有一貧窮乞索女人見諸長者送供詣山作是念言此必作會我

當往乞便向山中見諸長者以種種食供養衆僧自思惟言彼諸人等先世修福今日富貴今復重作未來轉勝我先不修今世貧苦今若不作未來轉劇先于糞中拾得兩錢恒常保惜以俟乞索不得之時當用買食我今持以布施衆僧分一二日不得食意伺僧食訖即便布施維那僧前欲爲咒願上座不聽自爲咒願復留食施諸人既見上座乞食諸人亦與女大歡喜云我得果報將食出外到一樹下食訖而臥施福所感黃雲覆之時值國王最大夫人亡來七日王遣人訪誰有福德應爲夫人使與相師至彼樹下見此女人相師占之此女福德堪爲夫人即以香湯沐浴清淨與彼夫人衣服令著大小相稱千乘萬騎將至王所王見歡喜心甚敬重又云昔拘留沙國有惡生王詣園堂上見一金貓從東北角入西南角卽遣人掘得一銅盆盆受三斛滿中金錢漸漸深掘復得一盆如是次第得三重盆各受三斛悉滿金錢轉復傍掘經于五里步步之中盡得銅盆皆滿金錢怪其所以卽詣尊者迦旃延所說其因緣尊者答王此王宿因所獲福報但用無苦王卽請問往昔因緣尊者答王乃往過去九十一劫毘婆尸佛入般涅槃後遺法之中有諸比丘四衢道頭施座置鉢在上教化而作是言誰有人能舉財著此堅牢藏中若入此藏王賊水火所不能奪時有貧人先因賣薪得錢三文見僧教化歡喜布施卽以此錢重著鉢中發願而去家五里步步歡喜到門欲入復遙向僧至心頂禮發願而入時貧人者今王身是緣昔三錢歡喜施僧世世尊貴常得如是三重銅盆滿中金錢緣五里中步步歡喜恒千五里有此金錢本是二事今合作一事用似誤

**燈焰**法苑珠林一時俱入無餘涅槃先定願力火起焚身如燈焰滅骸骨無遺**薪盡**

**火滅**法華經佛此夜滅度如薪盡火滅分布諸舍利而起無量塔

**人無眼目**涅槃經是時天人阿修羅等啼泣悲嘆而作是言如來今日已受我等最

後供養受供養已當般涅槃我等當復更供養誰我今永離無上調御音無眼目

**世且空虛**涅槃經爾時世尊與大比丘八十億百千人俱前後圍繞二月十五日臨

涅槃時時諸衆生共相謂言且各裁抑莫大愁苦當疾往詣拘尸那城力士生處至如來所朝面禮足勸請如來莫般涅槃住世一劫或減一劫互相執手復作是言世間空虛衆生福盡不善諸業增長出世仁等今當速往如來不久必入涅槃復作是言世間空虛世間空虛我等從

今無所救護無所宗仰貧窮露孤一日遠離無上世尊設有疑惑當復問誰

**曹溪**廣東志曹

溪在韶州府城東南五十里源出狗耳嶺西流三十五里合瀆水又南流入英德縣界梁天監元年有天竺僧智藥三藏泛舶至廣經谿口聞水香掬而嘗之曰此水上流必有勝地尋之遂開山立石寶林謂此地宛然西天寶林也預記後一百七十年當有肉身菩薩來此演法唐儀鳳間僧惠能居此應識為南宗大祖衣鉢與真身俱存元和十年賜諡曰大鑒禪師塔曰靈照開寶間賜名南華禪寺

### 青鳥

章懷太子後漢書註葬送造宅之法若黃帝青鳥之書也劉昫唐書經籍志五行類有青鳥子三卷金丞相兀欽及青鳥先生葬經註先生漢時人精地理陰陽之術而

史失其名晉郭氏葬書引經曰為證者即此是也

### 白鶴

涇槃經佛在拘尸那城力士生地阿利羅跋提河邊娑羅雙樹間二月十五日臨涇槃時爾時拘尸那城娑羅樹林其林變白

猶如白鶴其後分云娑羅樹林四雙八雙西方一雙在如來前東方一雙在如來後北方一雙在佛之首南方一雙在佛之足爾時世尊娑羅林下寢臥寶牀于其中夜入第四禪寂然無聲于是時頤

便槃涇槃其娑羅林東西二雙合為一樹南北二雙合為一樹垂覆寶牀蓋于如來其樹即時慘然變白猶如白鶴枝葉華果皮幹悉皆暴裂墮落漸枯悴摧折無餘

### 百福成

相 涇槃經菩薩摩訶薩修不殺戒有五種心謂下中上上上上上乃至正見亦復如是是五心名初發心具足決定成五十心是名滿足如是百心名百福德具足百福成一相如是展

轉具足成就三十二相名清淨身華嚴經願一切衆生得上妙莊嚴相以百福相莊嚴其身新婆沙論云問如契經說佛一一相百福莊嚴何謂百福答曰此中百思名為百福何謂百思謂如菩薩造

作增長足善住相業時先起五十思修治身器令淨調柔次起一思正牽引彼後復起五十思令其圓滿譬如農夫先治畦隴次下種子後以糞水而覆溉之彼亦如是始足善住相業有如是百思莊

嚴乃至頂上為瑟膩沙相業亦復如是 正受 楞伽經得自覺聖樂三昧正受華嚴經願一切 戲 是由此故說佛一一相百福莊嚴 衆生得無著三昧心恒正受不取二法

遺教經汝等比丘若種種戲論其心則亂雖復出家猶未得脫是故比丘當急捨離亂心戲論 若汝欲得寂滅樂者唯當善滅戲論之患是名不戲論華嚴經永離世間一切戲論住于諸佛

無戲 五天 劉昫唐書天竺國即漢之身毒國或云婆羅門地也在蔥嶺西北周三萬餘里其中 論法 五天竺一曰中天竺二曰東天竺三曰南天竺四曰西天竺五曰北天竺地各

數千里城邑數百南天竺際大海北天竺拒雪山四周有山為壁南面一谷通為國門東天竺東際大海與扶南林邑鄰接西天竺與罽賓波斯相接中天竺據四天竺之會其都城周圍七十餘里北臨禪連河

**重跡** 漢書息夫躬傳羽徽重跡而押至陸機辯亡論珍珠重跡而至奇玩  
史記秦王南取百越之地以為桂林象郡章昭曰越有百邑服虔曰百越非一種若今言百蠻也

**雄虺** 楚辭雄虺九首往來儵忽  
相啖餘一種存者留之蛇則曰蛇蠱蠱則曰蠱蠱行以殺人因食入人腹內食其五臟死則其產移入蠱主之家三年不殺他人則畜者自鍾其弊累世子孫相傳不絕亦有隨女子嫁焉干寶謂之為鬼其實非也

**酖** 左傳命僖叔待于鍼巫氏使鍼季酖之杜預註酖鳥名其羽有毒以晝酒飲之則死也  
云鳩鳥形似鷹大如鶻毛黑喙長七八寸黃赤如金食蛇及橡實常居高山巔晉語諸公讚云鳩鳥食蝮以羽翮櫟酒水中飲之則殺人舊制鳩不得渡江有重法石崇為南中郎得鳩以與王愷養之

大如鵝喙長尺餘純食蛇虺司隸傳祗于愷家得此鳥奏之宣示百官燒于都街是說鳩鳥之狀也以其因酒毒人故字或為酖

**桑門** 魏書釋老志諸服其累辭家結師資遵律度相與和居治心修淨行乞以自給謂之沙門或曰桑門亦聲相近總謂之僧皆胡言也僧譯為和命衆桑門為息心比丘為行乞釋氏要覽沙門肇師云出家之都名也梵云沙

迦憊曩唐言勤息謂此人勤修善品息諸惡故又秦譯云勤行謂勤修善法行趣涅槃也或云沙門那或云桑門皆譯人楚夏爾

**浮圖** 圖亦作屠魏書釋老志浮屠正號曰佛陀

佛陀與浮屠聲相近皆西方言其來轉為二音  
華言譯之則為淨覺言滅穢成明道為聖悟

**神會** 傳燈錄西京荷澤神會禪師襄陽人也姓高氏年十四為沙彌謁六祖祖曰知識遠

來大艱辛將本來否若有本則合識主說看師曰以無住為本見即是主祖曰這沙彌爭合取次語便以杖打師于杖下思惟曰大善知識歷劫難逢今既得遇豈惜身命自此給待他日祖告衆曰吾

有一物無頭無尾無名無字無背無面諸人還識否師乃出曰是諸物之本源神會之佛性祖曰向汝道無名無字汝便喚作本源佛性師禮拜而退尋往西京受戒景龍中却歸曹谿祖滅後二十年

間曹谿頭肯沉廢于荆吳嵩嶽漸門盛行于秦洛乃入京天寶四年方定兩宗南能為頓宗北秀為漸教師乃著顯宗記盛行于世師于上元元年五月十三日中夜奄然而化俗壽七十五

**後供** 滄粲經爾時會中有優婆塞是拘尸那城工巧之子名曰純陀與其同類十五人俱為令世間得善果故捨身威儀從座而起偏袒右肩右膝著地合掌向佛悲泣墮淚頂禮佛足

而白佛言唯願世尊及比丘僧哀受我等最後供養為度無量諸衆生故世尊我等從今無主無親無救無護無歸無趣貧窮饑困欲從如來求將來食唯願哀愍受我微供然後乃入于般涅槃爾時

世尊告純陀曰我今受汝最後供養令汝具足檀波羅蜜時大衆聞佛世尊普為大會受于純陀最難復得難得無上之利善哉純陀如優曇華世間希有佛出于世亦復甚

難值佛生信聞法復難佛臨涅槃最後供養能辦是事復難于是 **最上乘** 法華經若諸菩薩智

慧堅固了達三界求最上乘 **獻珠** 傳燈錄師子比丘尊者方求法嗣遇一長者引其子問尊者曰此子名斯

以手接曰可還我珠童子遽開手奉珠衆皆驚異尊者曰吾前報為僧有童子名婆舍吾嘗赴西海齋受瓏珠付之今還吾珠理固然矣長者遂捨其子出家尊者即與受具以前緣故名婆舍斯多

**抱玉** 韓非子楚人和氏得玉璞楚山中奉而獻之厲王厲王使玉人相之玉人曰石也王以和為誑而刖其左足及厲王薨武王即位和又奉其璞而獻之武王武王使玉人相之又曰

石也王又以和為誑而刖其右足武王薨文王即位和乃抱其璞而哭於楚山之下三日三夜淚盡而繼之以血王聞之使人問其故曰天下之刖者多矣子奚哭之悲也和曰吾非悲刖也悲夫寶玉

而顯之以石貞士而名之以誑此吾所以悲也王乃 **五蘊本空** 按傳燈錄元策禪師傳中使玉人理其璞而得寶焉遂命曰和氏之璧

本六 **依空** 菩薩瓔珞經一切諸法亦無所倚不倚內空亦不依外空起信論若修止者住于靜處端坐正意不依氣息不依形色不依于空不依地水火風乃至不依見聞知覺

不着三界

三界欲界色界無色界也自他化天已下皆名欲界以希須樂欲故名自初禪至四禪皆名色界以未出色籠故名四空天皆名無色界以只有四陰無色蘊

故名法苑珠林三界第一欲界欲強色微故號欲界第二色界色強欲微故號色界第三無色界色絕欲劣故名無色界菩薩瓔珞經攝意常定心如虛空不着三界是謂無行

八風

錦繡萬花谷寶積經及大毘婆沙論以利衰毀譽稱譏苦樂為八風釋氏要覽佛地論云得可意事名利失可意事名衰不現前誹撥名毀不現前讚美名譽現前讚美名稱現前誹撥名譏逼惱身心

名苦適悅 宗通 楞伽經我謂二種通宗通及言 世界一花 華嚴經菩薩摩訶薩以三

身偏此蓮花之上結加趺坐 祖宗六葉 考傳燈錄昔如來以正法眼藏付迦葉大士展轉至二十八祖

傳僧璨為三祖僧璨傳道信為四祖道信 衣珠 法華經爾時五百阿羅漢于佛前得受記已頭

傳宏忍為五祖宏忍傳慧能為六祖 遊行到于他國為衣食故動力求索甚大艱難若少有所得便以為足于後親友會遇見之而作是

言我昔欲令汝得安樂五欲自恣于某年月日以無價寶珠係汝衣裏今故現在而汝不知勤苦憂

惱以求自活甚為癡也汝今可以此寶貿易所須常可如意無所乏短佛亦如是為菩薩時教化我

猶在不失今者世尊覺悟我等作如是言諸比丘汝等所得非究竟滅我久令汝等種種佛善根以方

便故示涅槃相而汝謂為實得滅度世尊我今乃知實是菩薩得受阿耨多羅三藐三菩提記以是

因緣甚大

過動不動

遺教經一切世間動不動法皆是敗壞不安之相

離俱不俱

楞伽經欲得自覺聖智事當離生住滅一

異俱不俱有無非有非無常無常等惡見妄想成唯識論

六十二種

毘婆沙論云六十二見者五蘊中各起四

見四五二十三世各二十通爲六十通身  
卽是神身異神二見總爲六十二見

悉無所得

華嚴經以智慧月普照法  
界了達一切悉無所得

珍做宋版印

### 大薦福寺大德道光禪師塔銘

禪師韓道光本姓李緜州巴西人其先有特有流若  
實有蜀蓋子孫爲民大父懷節隱峨嵋山行無轍跡  
其季父榮爲道士有文知名禪師幼孤在諸兒其神  
獨不偶家頗苦乏絕元詣鄉校見周孔書曰世教耳  
誓苦行求佛道入山林割肉施鳥獸鍊指燒臂入般  
舟道場百日晝夜經行遇五臺寶鑑禪師曰吾周行  
天下未有如爾可教遂密授頓教得解脫知見舍空  
不域旣動無朕不觀攝見順有離覺毛端族舉佛刹  
掌上斷置世界不覩非咎應度方知得其門者寡故  
道俗之煩而息化城指盡謂窮性海而已

上有闕文

焉足知

恒沙德用法界真有哉春秋五十二夏以大唐開元二十七年五月二十三日入般涅槃于薦福僧坊門人明空等建塔于長安城南畢原人天會葬涕泗如雨禪師之不可得法如此其世行遺教如一切賢聖維十年座下俯伏受教欲以毫末度量虛空無有是處誌其舍利所在而已銘曰

嗚呼人天尊全身舍利在畢原

緜州巴西

唐書地理志劍南道綿州巴西郡有巴西縣

有特有流

按晉書載記李特巴西宕渠人元康中入蜀因六郡流人推附

遂乃結營綿竹連破廣漢巴西德陽諸郡自稱益州牧都督梁益二州諸軍事大將軍大都督改年建初赦境內進寇成都為刺史羅尚所襲大敗被殺其弟流與特子蕩雄收遺眾還赤祖流自稱大將軍大都督益州牧未幾死諸將共立雄為主遂剋成都盡有蜀地僭即帝位自惠帝太安元年起兵至穆帝永和三年而滅凡六世四十六年

峨嵋山

元和郡縣志峨嵋大

山在嘉州峨眉縣西七里蜀都賦云抗峨眉于重阻兩山相對望之如峨眉故名此山亦有洞天石室高七十六里中峨眉在縣東南二十里有石穴初纒容人行數里漸寬有鍾乳穴穴有蝙蝠其大

如筐

行無轍跡

老子善行無轍跡河上公註善行道者求之于身不下堂不出門故無轍迹劉伶酒德頌行無轍迹居無室廬李周翰註潛隱守愚時人不見其行



跡不知其所居  
室故云無也  
**般舟**  
翻譯名義般舟此云佛立亦名十方現在佛悉在前立定經云持佛威神于三昧中立者有三事持佛威神力持佛三昧力持本功德力用是三

佛事故得見  
**五臺**  
三寶感通錄代州東南五臺山古稱神仙之宅也山方三百里極巖峻崇峻有五高臺上不生草松柏茂林森于谷底其山極寒南號清涼山亦名清涼府經

中明文殊將五百仙人往清涼雪山即斯地也所以古來求道之士多遊此山遺蹤靈窟掩然即自不徒設也太平寰宇記五臺山在代州五臺縣東北一百四十里仙經云此山名紫府常有紫氣仙人

人居之內經以  
為清涼山  
**頓教**  
釋氏有頓教漸教二門宗鏡錄云頓教如華嚴無聲聞乘故名為頓漸教即三藏及方等般若漸引入圓教

**見**  
大般若經欲令十方說伽沙等世界有情以己威力未得解脫知見者皆住解脫知見蘊  
**無朕**  
莊子體盡無窮而遊無朕  
**毛端族舉**

大般若經以神通力用一毛端舉瞻部洲或四洲界或大千界乃至十千無量說伽沙等世界還置本處而無所損  
**佛刹掌上**  
涅槃經復有菩薩摩訶薩住大涅槃斷取

十方三千大千諸佛世界置于右掌如陶家輪擲置他方微塵世界無一衆生有往來想惟應度者乃能見之乃至本處亦復如是華嚴經欲以難思諸佛刹悉置掌中而不動了知一切如幻化菩薩

以此初發  
**法界**  
大般若經如是妙理如來若出世若不出世性相湛然名曰真如亦名法界亦名實際  
**夏**  
釋氏要覽夏臘即釋氏法歲也凡序長幼必問夏臘

多者為長故云天竺以臘人為驗焉經音疏增輝記云臘接也蔡邕獨斷云臘者歲之終也晉博士張亮議云臘接也新故交接俗謂臘明日為初歲也今釋氏自四月十六日前安居入制至七月十

五日為受臘之日若俗歲除日也至十六日是五分  
**畢原**  
元和郡縣志畢原在萬年縣西南二十八里長安志畢原在咸陽縣北詩

法身生養之日各新歲也自夏九旬統名法歲矣  
曰終南何有有紀有堂毛註曰紀基也堂畢道平如堂也鄭註曰畢終南山之道名邊如堂之墻然尚書曰周公薨成王命葬公于畢劉向傳曰文武周公葬于畢師古曰畢陌在長安西四十里三輔

故事曰文王武王周公皆葬畢陌南北春秋左氏傳曰王使詹桓伯辭于晉曰我自夏以后稷魏駘芮岐畢吾西土也蓋武王克商之後以其地封文王次子又曰畢原豐鄠文之昭杜註曰畢在長安

西北關中記曰高陵北有畢原陌謂此原之陌也

人天尊

法華經惟願天人尊轉無上法輪

全身舍利

法華經時天王佛槃湲槃後正

法住世二十中劫全身舍利起七寶塔

王右丞集卷之二十五